





14-3-a-44

A 11 074

D E
SEPTEMVIRATV
PALATINO

A
DIVO FERDINANDO II.
ROMANORVM IMPERA-
TORE AVGVSTO,

IN SERENISSI-
MVM PRINCIPEM
MAXIMILIANVM COMITEM
Palatinum Rheni, Vtriusque Bauariæ Ducem,
S. R. I. Archidapiferum & Electorem,
Optimo Maximo Iure

translato,



*S. Andrea**

Differtatio della Valle.

ANNO DOMINI

1 6 3 2.

PALATINO
SEPTIMVIRATV
D. 1

DIVO HERDINANDO II.
ROMANORVM IMPERA-
TORI AVGVSTO

IN SERENISSI-

MAVM PRINCEPES
MAXIMILIANVM COMITEM

Thesaurariorum Rheni, Vindobonae, Bavariae, Ducum,
S. R. I. Archicamerariorum & Electorum

Optimo Maximo Iure
transacto.



Discretio

ANNO DOMINI

1632.

DE
SEPTEMVIRATV
PALATINO

Diuino Numine humi-
liter implorato.



Rdua, grauis & illustris, aliquot
retrò sæculis & à prima ferè vsuum feu-
daliū origine, inter Doctores Iuris &
ipfos feudaliū consuetudinū Com-
pilatores, acerrimè disceptata quæstio,
An ob enormè crimen in Domi-
num Feudi à Vasallo commissum, ad ipsum
Dominum vel ad proximos Vasalli Agnatos
Feudum deuoluatur; vix vnquam tanta solertiâ
studio & industriâ fuit discussa & summis, textuum ex
Iure Feudali, Aurê Caroli V. Imperatoris Bullâ, & Cõ-
stitutionibus Imperij desumptorum, atque prægnantif-
simarum rationum momentis, tùm grauißimorum Iu-
ris Doctorum Authoritatibus ponderata & examinata,
quam duobus ab hinc lustris, cùm casus & materia ma-
ximi momenti hanc quæstionem denuò in arenam re-
moucauit; dum Fridericus quintus antehac Palatinus
A 2 Rheni,

Rheni, S. Rom. Imp. Elector & Archidapiter, Augustissimo & Inuictissimo Romanorum Imperatori, Hungariae & Bohemiae Regi Ferdinando II. nefario ausu iniquissimum bellum inferendo, eiusque regna ac ditiones violenter inuadendo, crimen perduellionis & laesa Maiestatis commisit, atque idcirco tanquam rebellis & hostis suae Sacrae Cæs. M.^{tas} & Romani Imperii, iuxta leges & constitutiones, receptumq; in Imperio morem publicè proscriptus fuit.

2. Qua de causa S. M.^{tas} Cæs.^a Iure suo optimo vsa, omnia huius rebellis & proscripti Palatini bona, dominia, ditiones, territoria, Iura & quidquid ipse possederat, cum primis verò Ius Electionis & Archidapiteriae tanquam feuda commissa, & ad se ac Imperium deuoluta, apprehendi curauit; Quod animaduertens Ser.^{mus} Princeps ac Dominus, Dominus Wolfgangus Wilhelmus Comes Palatinus, Dux Neoburgensis, &c. & ad prædicti Friderici proscripti bona, ditiones, ipsamque Electoralem dignitatem aspirans, omnem lapidem mouit, ut ipse post exclusos proscripti Friderici filios, ac fratrem Ludouicum Philippum proximus Agnatus, & simultaneè inuestitus, de bonis ac feudis à proscripto Friderico ad S. Cæs. M.^{tem} deuolutis, inuestiretur, & Elector renunciaretur.

3. Et si verò sua Cæs. M.^{tas} summus, æquissimus ac Religiosissimus Iudex, perspectis & ponderatis dicti Ser.^{mi} Domini Ducis Neoburgensis, prætensis titulis, Iuribus ac rationibus iudicauit, feuda, quæ proscriptus Fridericus à sua Maiestate & sacro Romano Imperio acceperat, non ad Ser.^{num} Dominum Ducem

Neobur-

Neoburgicum vt Agnatū, sed tam ipso quam alijs proximioribus exclusis, ad S. Maj.^{tem} & sacrum Imperium, esse reuerſa, & sibi vigore iuris communis feudalis, Aureæ Bullæ ac Constitutionum Imperij competere Ius, de ijs feudis aperris, tanquam de rebus ad se & Imperium deuolutis pro arbitrio disponendi, prout negotio hoc grauissimè & maturè deliberato, atque cum reliquis S. Imperij Electoribus communicato, Pontifice item Maximo & ipsis Electoribus ad stipulantibus, exteris Regibus intercedentibus, Electoralis dignitas cum omnibus ipsi annexis Iuribus, bonis & ditionibus, Ser.^{mo} Principi ac Domino, Domino Maximiliano Comiti Palatino Rhēni, vtriusque Bauariæ Duci, ab eādē proſapia descendenti, Ius legitimum ab antiquo, atque à Maioribus suis hereditarium ad hunc Electoratum habenti, nec non de sua sacra Majestate, Romano Imperio & Republica Catholica, glorioſè, præclarè & optimè merito delata, ex certâ scientiâ & motu proprio oblata, Inuestitura more Maiorum collata atque ita velut postliminio in eum statum & locum, à quo trecentos ferè annos, vi & iniuriâ Palatinorum exulauerat, reuerſa fuit.

4. Vnde omninò vanum, imò temerarium, ne dicam sacrilegij crimen esse videtur. rem planam, iudicatam & Imperialis Culminis autoritate decisam ac roboratam, adeoque summi Principis potestatem & Iudicium in dubium reuocare, *juxta l. Sacrilegij s. de diuersis rescript. l. 3. & ibid. DD. C. de Crim. Sacrileg. ubi ad hanc rem rescripserunt Imperatores Gratian:*

Valentinianus & Theodos. Disputare (aiunt) de principali Iudicio non oportet, sacrilegij enim instar est dubitare, an is dignus sit quem elegerit Imperator. *And. Gail. pract. obser. lib. 2. obs. 55. ubi n. 8. dicit, summo Principi aliquid ex certâ scientiâ statuenti neminem contradicere posse.*

5. Attamen non desunt, qui suo nimium tribuentes cerebro aut audaciæ, hanc Augustissimi juxta ac æquissimi Imperatoris dispositionem & Iudicium conuellere, & rem tam maturè ac justè decisam nō tantum denuò ad incudem reuocare, sed etiam temerè infringere nituntur, dum scriptis suis Romæ (cū in Germania & patria forrè nullam inueniant fidem & assensum) passim sparsis, atque in Purpuratorum Auras intrusis, quorundam animos huius rei forrè non satis gnaros, per sub: & obreptionem præoccupare, & in sinistram opinionem pertrahere student.

6. Ne ergo illi, quorum interest, Authoritatis, honoris & Iudicij Cæsarei, Serenissimique Bauariæ Electoris Iurium sarta recta conseruare, videantur hac in re sua negligere, vel subreptitijs discursibus hinc in ediuulgatis, non velle aut non posse respondere, adeoque tacendo, & non contradicendo erroribus, quandam veri speciem præ se ferentibus consensum præbere: Visum fuit ad Scriptum illud, sub titulo, Compendiosa Relatio Iuris Successionis in Electoratu Palatino ad Rhenum, ad Ser.^{mū} Principem Wolfgangum Wilhelmum Ducem Neoburgensem deuo-

deuoluti, &c. per Anonymum Iureconsultum euulgato, paucis respondere, & quantum à vero aberret Relator ille, solidis fundamentis demonstrare.

7. Totius autem Relationis Neoburgicæ summa, ad quatuor vel quinque potissimum capita seu fundamenta reduci potest: Conatur enim Relator primum & potissimum ex Auræ Caroli IV. Imperatoris Bulla & Imperij Constitutionibus, tum ex vñsibus Feudorum tum ex simultaneâ Ser.^{mi} Ducis Neoburgensis Inuestitura, tum etiam ab Authoritate Doctorum, & exemplis suæ opinionis veritatem astruere. Quæ nos non solum ex fundamento ita confutabimus, sed vnâ etiam pro vindicanda Cæs.^æ M.^{is} Iustissimâ Sententiâ translati in Ser.^{mm} Bavarie Electorem Maximilianum Electoratus, cum annexis ipsi Iuribus, Dignitatibus, terris & ditionibus, & asserendo optimo maximo Iure, suæ Electorali Celsitudini ad dictum Electoratum competentis, solidissimis textibus Iuris, Auræ Bullæ, Constitutionum Imperij, Doctorumque Authoritatibus & rationibus demonstrabimus, vnde liquido constabit, dicto Ser.^{mo} Duci Neoburgensi nihil omnino Iuris ad eum Electoratum esse, dictamque Relationem nihil Iustitiæ æquitatis & conscientie continere.

8. Vt autem meliore compendio, modo, & ordine id fiat, suæque constet veritati fides, prius de Iuribus, fundamentis, rationibus, & Authoritatibus, quæ pro firmandâ & muniendâ affirmatiuâ opinione, Cæs.^æ M.^{is} optimo Iure & æquissima sententia faciunt, nullâque arte aut effugio, absque manifesta cauillatione eludi aut eludi possunt, succinctè agemus.

Primum ergo pro asserendo S. C. M.^{us} Iure & Sententia Fundamentū est in clarissimis textib. Iuris, & primò quidem *in cap. vn. si. deniq. sæpe, Quæ fuit prim. caus. benef. amitt. lib. 2. feud. tit. 24.* quem textum vt notabilem, sæpius allegandum & basin huius quæstionis, ad litteram ascribere libet: Denique sæpe quæsitum est, Vasallo propter justam culpam à Feudo cadente, utrū ad Dominum, an ad Successorem vasalli beneficium pertineat. Sed hæc distinctio tam ratione quam moribus comprobata est, vt inquit *varanus* ita in Dominum peccauerit, vt feudum amittere debeat, non ad proximos sed ad Dominum beneficium reuertatur, vt hanc saltem habeat Iniuriæ suæ vltionem: Si verò non in Dominum, sed aliàs grauitèr deliquerit, vel graue quid commiserit, sicuti ille qui fratrem suum interfecit, vel aliud graue crimen (quod parricidij appellatione continetur) commiserit, feudum amittit, & non ad Dominum, sed ad proximos agnatos pertinet, si tamen beneficium fuerit paternum: sic enim sæpe pronunciatum scio, &c.

10. Alter textus est in cap. vn. An ille qui interfecit fratrem Domini sui, feudum amittat lib. 2. tit. 33. vbi ita est constitutum: Si quis interfecerit fratrem Domini, feudum non ideo amittit, sed si fratrē suū interfecerit, ad hoc vt hæreditatem habeat, vel aliam feloniam commiserit, V. G. hominem tradendo, vt in Curia amplius stare non possit, priuabitur beneficio. Quia tamen erga Dominum non fuerit facta, ad Agnatum proximiorē feudum pertinebit, si paternum fuerit, eodem prorsus obseruando, quantum ad ordinem gradus, qui conuenitur in legibus. Cum autem ad Dominum respicit felonia, feudum tunc Domino aperitur.

11. Tertius Textus & quidem terribilis est in cap. *Felicitis*, de poen. lib. 6. vbi Pontifex Bonifacius in eum, qui crimen læsæ Majestatis commisit, inter cæteras graues & durissimas pœnas in §. *si qua vero feuda*, &c. hanc statuit, Vt feudis ipso jure priuetur, quæ sic liberè ad Ecclesias reuertantur, quod Ecclesiarum Rectores de ipsis pro sua voluntate disponant; quod certè minimè dici posset, si ad Agnatum eo in casu feuda deuoluerentur. Ne autem de Agnatis vlla dubitatio supersit, pergit Pontifex vltcrius, & in §. Cæterum eand. pœnam, Vt nefandi ratione

flagitij vltionis severitas amplius extendatur, & propter enormitatem culparum, plagarum modus exuberet, nec pœnis solitis contentetur, ad Collaterales, fratres videlicet, Nepotes & Pronepotes extendit. Et executionem eiusdem sæcularibus potestatibus sub pœna ex communicatio-
nis *in §. per hæc quoque, & c.* demandat; Similis etiam textus est *in c. quibusdam §. sacri. extr. eodem.*

12. Secundum huius sententiæ & Cæsarei Iuris fundamentum est, Doctrina, Authoritas & pondus gravissimorum plurimorumque Iuris Doctorum, quos indeo bona ex parte allegandos censuimus, tum quia Relator Catalogum suorum, & quidem paucorum a Numero 83. usque ad numerum 93. nectit, tum etiam quia ex illis paucis multos in suam sententiam trahit & allegat, qui de eâ ne somniant quidem.

Sunt ergo Iuræ consulti qui suum Calculum nostræ sententiæ adijciunt.

Aluarottus *in d. §. denique, Quo fuit prima caus. benef. amitt. in Princ. & n. 4. & s.*

Anchor. *Consil. 277. n. 2.*

Ardizon *in summa feudali c. 135. vers. Item sciendum.*

Alexand. *Cons. 30. Incipit Quoniam. n. 17. vers. quia R.^{4^{to}} quod tibi, vol. 1. & cons. 10. n. 7. vol. 3.*

And. Gail. *de pac. publ. lib. 2. c. 13. n. 10. 14. & 16.*

And.

And. Fachineus lib. 7. controuers. c. 22. vers. mihi
prior & omnes.

Allegatur Anan. conf. 32.

Baldus in c. 1. §. fin. Quæ fuit prima caus. & in c. 1.

§. Si vassallus culpam, sive feud. def. fuerit con-
trouers. & c. 1. n. 3. Si Vassall. feud. priuat.

Bartol. in l. eum qui. n. 1. ff. de Interdict. & releg.

Berous conf. 77. n. 18. & conf. 28. n. 7. conf. 114. n. 28.

54. 58. vol. 1.

Bursat. conf. 148. n. 3. vbi testatur de communi.

Boss. tit. de publi. honor. n. 53. & 54.

Barbatia conf. 15. vol. 1.

Boerius decis. 255. n. 12.

Cardinal. Tuscus in verb. feudum, conclusion. 221.

Curtius Iun. tract. feud. p. 5. n. 2. vers. Prima ita-
que erit.

Crauetta conf. 373. n. 10.

Clarus §. feudum q. 66. n. 23.

Castrensis l. sed si hac ff. de in lus vocand.

Cephalus conf. 49. n. 25. & conf. 48. n. 10.

Duarenus de feud. cap. 17. n. 2.

Decianus conf. 18. n. 343. vol. 1. & conf. 23. n. 3. eod.

vol. Et notandum eum in dic. conf. 18. consulere
in eadem causa in qua consuluit Menoch. conf. 99.

Eguinar. Baro in dic. §. denique, ubi ait, hanc distinctionem obseruandam esse.

Farinac. tract. crim. lib. 1. tit. 3. q. 25. n. 78. & n. 91. Ubi dicit In Crimine læsæ Majestatis in omni casu feudum semper deuolui ad Dominum exclusis Agnatis, & idem

Fannacius conf. crimini. 119. n. 1. dicit, Quando Feudus est Dominus directus, quod hoc sit expeditum, ubi citat Molin. trac. de primog. lib. 4. c. 11. n. 10.

Frecia de Feud. lib. 3. q. 1. n. 1.

Glossa in c. 1. §. final. verb. ad proximos, Quæ fuit prima causa. & in c. 1. §. si Vasallus, si de feud. defunct. controu. & in c. 1. §. fin. gloss. ult. de pac. iuram. fir.

Gygas de crimin. læs. Majest. lib. 2. q. 5.

Giphanius disput. feud. 9. n. 5. & 6.

Gabrieli in Concl. de lure Emphyteut. concl. 2. n. 23.

Henricus Bocer. de Regalib. c. 3. n. 113. pers. unde amissum.

Iacob. de Beluiso c. 1. §. fin. Quæ fuit prima causa.

Iacob. de S. Georg. tract. feud. In sua formula Investitura, verbo, dictique Vasall. n. 10. & 58.

Iacob. de Arena; Iacob. Ardizo, quos citat Aluarott.

Iason.

Iason. in l. adoptiuum §. patronum n. 4. ff. de in lue
vocand.

Ioan. Borcholt. in comment. in vsus feud. p. 8. n. 156.

Kirchou. in commun. conclus. verb. Vassallus quando
priuet.

Knichen. de vestiturar. pactiōib. lib. 1. c. 2. n. 10.

Ludoph. Schraderus de feud. p. 9. c. 8.

Mynsing. conf. 44. n. 32. decad. I.

Menoch. conf. 99. n. 144. & 104. vol. 1. Idem de Ar-
bitrar. iudic. cas. 267. n. 3. & 4. Idem de remed. re-
cup. remed. 9. n. 240.

Natta. conf. 90. n. 20. lib. 3.

Odofredus. citatus ab Aluarotto dic. loc.

Parisius conf. 21. n. 52. lib. I.

Peregrinus de lure Fisci lib. 5. n. 108.

Præpositus in c. 1. §. prædictis, iuncto. §. denique Quæ
fuit prim. caus.

Pancirolus conf. 29. n. 1.

Roland. a Valle conf. 1. n. 10. vol. 3. & conf. 15. n. 1. conf.
78. n. 8. vol. 4. conf. 21. n. 7. vol. 3. conf. 28. n. 25. vol. 2.

Schenkius in §. denique. Quæ fuit prima causa.

Sonsbecius de feud. p. 12. n. 1.

Socinus Iun. conf. 68. n. 126. lib. 3.

Thomas de Marinis tr. de feud. heredit. & pact. &
prouid.

prouid. tit. 2. n. 83. & 88.

Vulteijs de feud. lib. I. c. II. n. 71.

Vifillus in addit. ad Afflict. d. 15. n. 2. & 3. l. 1. Currius.

Zafius de feud. p. 10. n. III.

13. Atque hæc Sententia tanquam communiffima, vt plerique DD. testantur, etiam ij qui vel contrariæ vel mediæ adhæferunt, non solum theoricè in Academijis disputando defenfa, sed etiam in praxi & foro obferuatâ, atque secundùm eam iudicatum fuit, de quo videndus Decius d. conf. 606.

14. Tertium fundamentum est in Legibus fundamentalibus & Constitutionibus Sacri Rom. Imperij; primò quidem in pace publica per Imperatorem Maximilianum primum, Anno 1495. Wormatiæ constituta. tit. de pæn. fractorum pacis.

15. Secundò in declaratione eiusdem pacis publicæ per Diuum Carolum V. in Anno 1521. Wormatiæ & 1522. Norinbergæ facta. §. So auch. §. Vnd so man.

16. Tertid in vltiori declaratione eiusdem Caroli V. in anno 1548. constituta, tit. Die Poen der Friedbrecher.

17. Quarto in ordinatione Imperialis Camere part. 2. tit. 9. Quibus locis postquam Diui Imperatores vnâ cum statibus Imperij, quoad partem priuatam ex fractâ pace læsam, & diuersam à persona Domini Feudi, ita fanciuerūt. Si contingat pacem publicam

non

non in Dominum Feudi sed alium Imperij statum fractam, quod tunc Dominus Feudi possit vti Feudo vsq; ad dies vitæ quibus fractor pacis publicæ viuet; postea quoad Dominum Feudi, qui hic ipse Imperator est. Sin autem fractor pacis in ipsum Dominum delinquat (vt habetur in constitut. de Anno 1548. d. tit. §. Und was für ein die Sachen. Vers. Wo aber/2c.) tunc obseruetur, quod de Iure Feudali constitutum & vsitatum est, vt videlicet (secundum supra allegatos clarissimos textus Feudales & Doctorum Authoritates) Feudum perpetuò maneat apud Dominum, vt habeat Immunitatem suam vltionem.

18. Nisi enim hoc fieret, necessariò sequeretur & dicendum foret, eo casu quo fractio pacis in ipsum Feudi Dominum (maximè etiam Imperij Supremum Caput, Cæsarem scilicet) committitur, delictum vel leuius & mitius, vel saltem non aliter aut grauius puniendum esse quàm si committatur in alium: prius est absurdum; alterum autem repugnat Constitutioni ipsi, quæ vtrumque casum expressè separat & distinguit.

19. Deinde dicta Caroli V. constitutio casum, quo offensa vel fractio pacis publicæ in ipsum Feudi Dominum perpetratur, remittit secundum Ius commune Feudale & consuetudinem decidendum. Quid autem Iuris Feudalis sit, luculentissime & ad oculum apparet ex textibus supra citatis, ita vt vel bardus sit vel talpâ

talpâ cœcior, qui eos non intelligat aut non videat. Cœ-
suetudo verò constat ex tot præstantissimorū Iuris Do-
ctorum communi voce, testimonio & authoritate.

20. Cui accedit textus clarissimus in Aurea Bul-
la Caroli I V. tit. 14. de his quibus vt indignis auferun-
tur bona Feudalia, vbi statuitur his verbis : **Vasallus**
Dominum suum in beneficijs & feudis resi-
gnatis vel non resignatis inuadens, quomo-
dolibet perturbans vel damnū ipsi inferens,
seu consilium & auxilium præstans talia faci-
entibus, vel fauorem, feuda & beneficia hu-
iuscemodi eo ipso amittat, infamis existat, &
banno Imperiali subiaccat, & nullus ad feuda
vel beneficia ei de cætero pateat quocunque
tempore aditus vel regressus, nec de nouo
concedi sibi valeant villo modo, & facta eis
contra, ac illorum concessio, seu Inuestitura
secuta viribus non subsistat : Postremò om-
nes prædictas pœnas, illos, vel illum qui con-
tra Dominos suos fraudulēter agentes scien-
ter eos inuaserint, diffidatione quacunque
præuia vel omissa, vigore præsentis sanctio-
nis incurrere decernimus ipso facto; ita quod
possessio beneficiorum & feudorum huius-
modi dominis ipsis corporaliter & realiter as-
signetur, &c.

Vt

Ut proinde nihil omnino dubij habere possit, quin juxta ipsas Imperij Constitutiones & Auream Bullam, eo casu quo delictum tam atrox & enorme fractæ pacis, perduellionis & Criminis læsæ Maiestatis in Dominum commissi, feudum Electoratus, exclusis in perpetuum Agnatis à primo acquirente descenditibus, ad Imperatorem Feudi Dominum reuertatur, vt de eo tanquam de re ad se & Imperium legitimè deuolutâ, pro arbitrio disponere possit, *vt habet textus in cap. 7. Aurea Bulla.*

21. Quartum fundamentum est in summis rationibus Iuris positum. Primò enim constat, Crimen læsæ Maiestatis, rebellionis & perduellionis tam esse atrox, abominandum & enorme, vt in eo à communibus Iuris regulis (quæ sunt vt delicta tuos debeant tenere aucthores, nemo alterius culpam luere, & similes) ita disponente l. sancimus C. ad l. lul. Maiest. & aurea Caroli IV. Bulla c. 24. discedatur. Et licet alias æquitas Canonica in irrogandis pœnis aliquantò sit mitior quàm rigor Iuris Ciuilibus, tamen in hoc tam atroci & abominando crimine, maior apparet Canonum rigor quàm Legum, *vti videre est in cap. Felici supra citato de pœn. lib. 6.*

22. Secunda ratio à Conditoribus Iurium feudaliū exprimitur in d. cap. 1. §. denique, Quæ fuit priu. benef. Vt nimirum Dominus saltem hanc habeat Iniuriæ suæ ultionem. Et licet hæ leges quoad Agnatos Innocentes videantur duriores, tamen

C

quia

quia ita scriptæ sunt, seruari omnino debent, *vt respondit Vlp. in l. Perspexit. ff. Qui & à quibus. manumiss.*

23. Tertia ratio est, Quia longè aliter censenda sunt bona feudalitiam quàm allodia & libera, Aliæ sunt etiam regulæ feudales, aliæ Iuris Ciuilis. Cùm etenim, Feudum sit gratuitum Domini beneficium, & quilibet in cōcessionē aut donatione rei suæ possit dicere legem & pacta quæ vult, *juxta l. In traditionibus ff. de pact. l. legem C. cod.* Ita in omni constitutione & concessione Feudi ex natura sua, & sic tacitè præsumitur hoc pactum & conditio adiecta, feudumque eâ perpetuò affectum, Si quando, & quotiescunque ipse Vasallus, eiusq; successores omnes & singuli Domino non fuerint fideles, ipse feudum tanquam si bi apertum reuocare possit, vt ita & ipse offensus non solum Iniuriæ suæ ultionem habeat, sed etiam offendentis omnis pœnæ mitigatio præscindatur, quam habere posset, si, quod per suam perfidiam amisit, ad Agnatos reuerti speraret beneficium. Atque hanc rationem allegant *Roland. à Valle cons. I. n. 10. & II. lib. 3. Gail. l. 2. de pac. pub. cap. 13. n. II. Bösius de publ. hon. n. 158. Knichen d. c. I. n. 154. & alij ex supra citatis.*

24. Quarta ratio est, Quod si secus diceretur & feudum tali casu, rebelli ac perfido Vasallo non penitus auferretur, tunc multi textus feudales corrigendi

aut

aut tollendi forent. Nam *in c. I. Si Vasall. feud. priu. et. dicitur*, Quod Vasallo feudo priuato, feudum quandoque ad Agnatum pertineat, Ergo non semper ad eum pertinet, sed dantur casus quibus illi aufertur. Si ergo hic casus, quo Vasallus in Dominum Directum, & simul etiam supremum suum Magistratum crimen læsæ Maiestatis enormissimum, quo vix grauius excogitari potest, multifariam perpetravit, non sit talis, in quo feudum Vasallo auferri, & exclusis omnino agnatis ad Dominum deuolui possit & debeat, profecto non poterit alius allegari, sed ea dispositio erit vana, superflua & de nihilo, quod est absurdum.

25. Maxime verò cum in alijs multis casibus ob causas crimine perduellionis multo leuiiores, Vasallus feudo omnino cadat, ita vt eo ad Dominum reuerso, Agnati ab eo in perpetuum excludantur, *ut est casus in c. I. de Allodijs tit. 54. lib. 2. vbi habetur*: Si Vasallus expeditione Romam, ad suscipiendam Imperij Coronam, Regem, aut sub Rege Dominum suum non adiuuerit, eundo cum ipso, aut pro quantitate feudi stipendia militiæ persoluendo, feudum perdit, & Dominus in suos vsus illud habet redigendi potestatem. *Concordat cap. I. §. firmiter de prohib. feud. alienat. per Federic. tit. 55. lib. 2.*

26. Item si Vasallus non petat Inuestituram intra annum & diem *c. I. Quo tempore mil. tit. 22. c. I. §. I.*

Quæ fuit prim. cau. benef. lib. 2. tit. 40. §. Præterea si quis lib. 2. tit. 55. Schrader de feud. p. 9. c. 1. n. 2. & p. 6. c. 1. & 2. Vult. lib. 1. c. 8. n. 71. Fachin. lib. 7. Controuers. Cap. 25.

27. Item si feudum alienetur absque consensu Domini, c. vlt. *Quæ fuit prim. ca. benef. amitt. c. 1. de Inuestitur. de re alien. fact. c. 1. Qual. olim feud. alien. pat. Fachin. d. lib. 7. c. 24.*

Quæ omnia delicta, quæ partim in omittendo solum consistunt, grauitate sua Crimini læsæ Majestatis longè sunt inferiora. Si ergo ob illa Vasallus priuatur feudo, & Agnati ab eo ad Dominum reuerso excluduntur, multo magis in attendendum erit de extraordinario & enormi perduellionis crimine, Argumento à minori ad maius ducto l. fin. cum gloss. C. Qui etate lib. 10. Nicol. Everh. in topic. legal. loc. à min. ad maius.

Quintum fundamentum in exemplis & præiudicijs ad hoc negotium pertinētibus, sicq; receptâ Romani Imperij obseruantia consistit, in quo tamen ad ea quæ inferius in refutatione dicentur, me remitto.

28. Sextum & vltimum fundamentum resultabit ex refutatione Argumentorum pro contraria opinione adductorum. Prinsquam autem ad refutationem Relationis accedamus, præmittenda videntur quædam ad meliorem & faciliorem intellectum Aureæ Bullæ, in qua Relator totum ferè fundamentum posuit.

29. Et primò quidem, quamuis olim in feudis regalibus, quales sunt Ducatus, Marchionatus, Comi-

tatus

tatus & similia, quibus maximè Electoratus feudum accensendum est, iure feudali successio fuerit incognita, ita ut ad hæredes non transirent, nisi ipsi nouam inuestituram obtinuissent, attamē id postmodum illo ipso iure feudali inductum fuit, ut videre est *in c. I. tit. de feud. March. & c. I. §. fin. de alienat. feud. ubi Afflict. Prepos. & Schenk*: Vnde quod tunc proximiores Agnati succedunt in Eiusmodi Electoratus & Ducatus, id non fit primū vigore Aureæ Bullæ Caroli I V. sed secundum communem naturam feudi & ius feudale antea iam constitutum. Nec tamen obstat, quin, si possessor talis feudi regalis atrociter delinquat in Dominum, ad eum feudum reuertatur exclusis agnatis *per Iura supra adducta. Curr. Iur. de feud. p. 3. conclus. 1. num. 5.*

30. Secundo præmitto, Et si feuda maiora & regalia sint indiuidua non tam propter dispositionem Aureæ Bullæ, quàm ipsius Iuris feudalis *in c. I. §. preterea, tit. de prohib. feud. alien. per Frid. Tiraquell. de Iur. primog. q. 4. n. 19.* Hoc tamen non obstante, feuda hæc feloniz & reuersioni ad Dominum, delicto in ipsū commissio, sunt obnoxia, *Prepos. c. I. tit. de natur. feud. ubi ait.* Papam & Imperatorem posse etiam Reges, Duces, ^{8. quæst. 200} Marchiones, Comites priuare suis Regnis & feudis ut- ^{Papa} cunque dignitatem habentibus, ob convictam eulpam.

31 Tertiò præmitto, Quamuis feuda regalia ex ipsa dispositione feudali sint indiuidua, tamen primogenitus non excludit alios, sed defuncto vasallo plures

filij vel alij hæredes feudales relictī, omnes simul succedunt pro indiuiso. *Præpos. d. c. I. tit. de feud. March. Zas. cons. 8. n. II. lib. I.* Vnde Ius primogenituræ nec Iure ciuili nec feudali introductum esse, sed speciali statuto vel consuetudine regni valere, rectè tradit Tiraquell. *de Iur. primog. q. 4. per tot.* In Imperio autem, quoad Electorales dignitates per Auream Bullam indutum aut confirmatum esse Ius primogen. in confesso est.

32. Quartò præmitto, Quod in casu, quo Ius primogenituræ in aliquo loco viget, deficiente primogenito sine descendantibus, secundogenitus aut cæteri maiores natu non possint sibi aliquod Ius prærogatum, nisi statutum vel consuetudo vltèrius processerint, asserere, vt tradit *Afflict. d. c. I. Quæ fuit pr. caus. Zas. dic. cons. 8. n. I.* Hinc ortæ varix controuersix, An Ne-
pos patrum excludat, & An Iuri repræsentationis locus sit in Collateralibus. Ad quas & similes tollendas, ne iurgia & grauiâ bellâ in Reip. damnum inter Principes orirentur, Aurea Bulla circa Ius primogenituræ & modum succedendi statuit, vt mortuo primogenito absque descendantibus, solus secundogenitus & eius descendentes, atque itâ deinceps succederent, Nepotes patris præferrentur, Clerici penitus arcerentur, & vnus semper, non plures ad Electoratum admitterentur, vt patet

ex d. Bulla c. 7.

CAPVT SECVNDVM.

33.

HIs sic præmissis, redimus ad Relationem, & Primò quidem quod attinet ad Auream Caroli IV. Imperatoris Bullam, quam Relator tam ratione Authoris, quàm inuolabilis & perpetui vigoris ac publicæ utilitatis, in cælum vsque attollit, non est animus ea de re pro nunc multis disputare; id sanè nemo æqui & iustitiamans inficiabitur, Carolum IV. filijs & posteris Ludouici IV. Imperatoris gloriosæ memoriæ, parùm fauorabilem, in generum verò suum Rupertum Palatinum Rhēni, dicti Ludouici ex fratre Rudolpho Nepotem, ac posteros eius longè propensiores, non ex æquo egisse, dum eis Ius, vultum, potestatem, ac dignitatem eligendi Romanum Regem assignauit; contra fidem datam & pacta non pridem ante erectam Bullam, inter ipsum Imperatorē Ludouicum & eius ex fratre Rudolpho, qui iam fatis concesserat, Nepotes conuenta atque iuratâ promissione firmata, quibus expressè continebatur, vt diuisis inter vtramque stirpem prouincijs, terris ac ditionibus (pater enim Ludouici Imperatoris & Rudolphi Palatini, nempe Ludouicus cognomento Seuerus, tam Bauariam vtramque, quàm Palatinatum, qui postmodum Superior & Inferior appellatus fuit, simul hereditario Iure possedit) Ius, vox, & potestas eligendi Romanum Regem vt res indiuisibilis, ab vtraque stirpe seu linea Ludouici & Rudolphi, alternis vicibus exerceretur; quam diuisionem, transactionem & dispositionem dicti Ducis Rudolphi filij ratam habuerunt, hisce
 III
 verbis

MANUEL
 ROMANUS
 MANUEL

verbis ex Autographo adhuc extante desumptis, Debemus etiam primum Romanum Regem eligere pro nobis & nostra parte, & debent nostri dilecti Domini & patruj Cæsaris Ludouici filij, Ludouicus & Stephanus, aut illorum hæredes alterum Romanum Regem eligere, & sic debet alternatio Electionis regni inter nos & nostros hæredes posthac perpetuò permanere. Et quando contingit quòd nos Romanum Regem eligere debemus, tunc tenemur nos & nostri hæredes, nostros ~~predictos patruos~~ Ludouicum & Stephanum & eorum hæredes tueri & securos reddere erga Romanum Regem tanquam nos ipsos, vt illis fiat circa feuda, circa constituta, & circa alia Iura quæ habere debent à Regno & quæ ad terram illorū pertinent, quæ vtrorumque nostrorum Maiores habuerunt, & ad nos atque illos continuarunt: hoc ipsum debent illi & eorum hæredes Nobis & nostris hæredibus vicissim facere toties, quoties Electio Regni ad eos peruenerit. Et si nos, aut nostra pars vel nostri hæredes, illos aut eorū hæredes impediremus aut circumueniremus

in

in Electione regni, & ipsis non vellemus per-
mittere vt eligerent, quemadmodum Iure
deberent & præscriptum est, tunc amisimus
nos, nostra pars & nostri hæredes electionē
regni, & debet electio regni ad illos, illorū-
que hæredes reuolui, ac perpetuò apud illos
permanere. Similiter debet electio Regni ad
Nos nostram partem & hæredes nostros de-
uolui, & in perpetuum penes nos permanere,
si ipsi aut eorum hæredes nos, nostram partē,
aut nostros hæredes impedirent aut circum-
uenirent in Electione, quando nos eligere de-
beremus &c. Sicut etiam ex literis Authenticis ad-
huc extantibus constat, hanc Ludouici Imperatoris or-
dinationem, diuisionem, & translationem inter suos
& fratris Ducis Rudolphi filios factam, circa alternatio-
nem Iuris eligendi Rom. Regem ab ipsis Electoribus
Imperij approbatam, confirmatam, atque idcirco Ste-
phanum Ludouici filium tanquam Coelectorem, in
Collegium & Confæderationem illorum receptum e-
iusque literas ratificatorias ab ipsis Coelectoribus re-
ceptas fuisse, quarum tenor hic est:

Nos Stephanus Dei Gratia Comes Pala-
tinus Rheni, & Dux Bauariæ, notum facimus
cunctis hominibus, qui has literas vident, aut
legi audiunt; quod nos vnà cum cæteris Sa-

cri Romani Imperij Electoribus considera-
uimus & respeximus, vt dictum Romanum
Imperium in suo honore, juribus & bonis, at-
que etiam nos ac cæteri Electores, in nostro
honore, juribus, consuetudinibus & priuile-
gijs, quæ nos à prædicto Imperio habemus,
his temporibus & antea vehementer impedi-
ti & molestati fuimus ac sumus, & propter
communem ac manifestam vtilitatem to-
tius Christianitatis, atque ad præmemorati
Imperij, ac nostrum, cæterorumque Ele-
ctorum honorem, jura, priuilegia & consue-
tudines tuendum, defendendum ac manute-
nendum, vnanimiter conuenimus, & nos in-
uicem vniuimus, quod prædictum regnum
& nostrum principalem honorem, quem ab
eo habemus ac obtinemus, videlicet in ele-
ctione regni, in suis & nostrorum Electorum
juribus, priuilegijs & consuetudinibus, sicut
ab antiquo ad nos tanquam Imperij Electro-
res peruenit, & deuolutum fuit, manutenere,
tueri, ac defendere velimus, pro omnibus no-
stris viribus ac posse, sine fraude, cōtra quos-
libet, nemine excepto: Siquidem hoc nostrū
hono-

honorem & juramentum concernit: neque hoc intermitteremus propter vllum mandatū, à quocunque vel quomodocunq; hoc emanaret; per quod Imperium, nos, & cæteri Electores in præscriptis rebus vlllo modo impugnari possemus. Volumus insuper omnes Dominos & amicos, qui ad nos spectant, vel non, siue sint Ecclesiastici siue seculares, nostros Vasallos, Ministeriales, Castellanos, Officiales & ciues ad id faciendum rogare, inducere, illisque hoc mandare, in quantum valeamus: & ad hoc debet nostrum quilibet Elector cæteris auxilium præstare, sine fraude, vt isti nobis in his rebus auxilium & adiumentū præbeant, idque propter neminem intermitant, & ob nullas prohibitiones, mandata, & interdicta, à quocunq; illa emanârint. Quod si præterea contingeret, vllam dissensionem aut dubium circa hoc negocium inter nos & cæteros Electores exurgere, quicquid nos tunc omnes vnanimiter, aut maior pars ex nobis super hoc diffiniemus & statuemus, debet vim habere, idque tenere debemus sine dolo. Omnia prædicta capita, & vnum

D 2

quod-

quodlibet horū singulatim promissimus bona fide, & promittimus præsentibus hisce literis, per nostrum principalem honorem; nec non iurauimus hoc ipsum ad Sanctos, pro nobis & nostris Successoribus certum ac firmum tenere, & nullatenus contrauenire, neque hoc intermittere, nullo modo, sicuti in præcedentibus expressum ac scriptum est. Quod si per nos ipsos aut quēuis alium possemus, valeremus aut efficeremus, vt alius aliquis nobiscum in hanc confœderationē veniret; is iurare debet atque promittere, se omne hoc præstare velle, sicut in præcedentibus & sequentibus scriptum continetur. Quod si verò nos aut nostrum aliquis, quod Deus auertat, adeò peruersus esset, vt vel nos, vel alius quisquam illorum contra faceremus, aut facere vellemus, contra hoc tueri nos nō debemus, vlla dispensatione, absolutione, relaxatione, abolitione, nec alio vllō beneficio, quocunque nomine hoc appellatur, vnde, cunque aut quomodocunque id proueniat, & fiat per nostras aut aliorum hominum preces, aut, quod latinè vocatur, ex officio, neq;

ab

ab vlla superioritate, quæ sese in his intromittere vellet. Et debemus Deo ac mundo infames, infideles, & periuri esse ac vocari, vbi aut quocunque pacto contra faceremus, aut contra veniremus, vlllo modo, omni dolo ac fraude in præscriptis omnibus punctis, articulis, & eorum singulis exclusis. Ac in verum testimonium præscriptorum damus has præsentis literas Secreto nostro obsignatas, quæ datæ sunt Renis in Campo, Die Iouis post S. Margarethæ à Natiuitate Christi Anno MCCCXXXVIII.

35. Quæ quidem non eo fine dicimus, quod Auream Bullam infringere aut in dubium vocare propositum nunc sit, sed vt quilibet æquus rei arbiter iudicare possit, quo Iure, quâue Iniuria Ludouici Imperatoris posterius, ab Electionis Iure per Conditorum Aureæ Bullæ fuerint exclusi; Et quod Ser.^{mo} Bauariæ Electori, eiusque familiæ ac maioribus optimum firmissimumque Ius ab antiquo, & quidem ante Conditam Auream Bullam, ad Electoratum competierit, quod vtrique nullo Iure, nulla ratione, nullâue potestate, qualiscunque aut quàm plena tandem ea fuerit, citra manifestam iniuriam ipsi auferri aut tolli potuit, *vt præclare monuit Zas. con. Io. n. 7. vol. 2. vbi scribit*, Scio boni Principis potestatem ad tutelam subditorum & ad Iustitiam asserendam esse amplissimam; Cæterum vt Iniuria subditis

fiat, illic Principis potestatem non agnosco sed Tyranni, id enim dicimur posse, quod honestè possumus. *tex. notabilis in c. fin. §. fin. de rescript. in 6. & in cap. homo 22. q. 2.* Nam quæ lædunt pietatem, existimationem, verecundiam nostram, & generaliter quæ contra bonos mores fiunt, nec facere nos, nec posse credendum est, *l. qui filius qui fuit ff. de condit. Instit.* Princeps enim à Deo constitutus est, ut faciat iustitiam & Iudicium *inquit text. 3. Reg. cap. 10.* Proinde si fines & terminos Iustitiæ excedat, Principis nomine indignus est. *cap. scellus. 2. q. 1. 2. ff. in l. 2. ff. de Orig. iur. ubi in verb. ratum, dicit,* supremam quidem esse Principis potestatem, sed intra fines Iustitiæ conclusam, & quanto immensior est Principis potestas tanto magis æquitatem exigit & Iustitiam, quam inprimis colere & colendam præscribere debet, unde Iuuenalis Sat. 7.

*Omne animi vitium tanto conspectius in se
Crimen habet, quanto maior qui peccat, habetur.*

In quo quidem puncto Relator nobis adstipulatur, & egregiè in toto scripto propugnat, Principem citra læsionem Iustitiæ Ius alteri auferre non posse.

36. Verùm quis non novit, plura alia non admodum amica & laudabilia, Carolum I V. in inclytam Domum Bauaricam admisisse; quæ Nicolaus Spiegelius & alij adnotarunt, ipsaque Domus Bauarica magno suo damno sensit; Imò ipse etiam Palatinus Consiliarius Marquardus Freherus testatur; Palatinos à Carolo Cæsare

Cæsare non paruos ad augendū rem Palatinam fauores accepisse: Et Rupertum quidem Palatinum à barba Rufum & ad differentiam cognominis sui ex Adolfo fratre Nepotis, præseniorem dictum, non sine authoritate ipsius Caroli Imperatoris, Electoratum & ad eum spectantia, sibi dum vixit retinuisse, ac summo opere laborauisse pro Electoratu, Cæsaris Ludouici filijs ac hæredibus eripiendo, eamque suæ parti arrogando.

37. Sed hæc missa facio, cum ab alijs iam antè scripta sint, & forsan alius sit futurus locus aut occasio ea fufius enucleandi. Redcundo nunc ad Relationem & Auream Bullam (quàm vnà cum Sigismundi Imperatoris diplomate confirmatorio Relator vsque ad n. 10. sed inani labore huc transcripsit, & in laudes Palatinorum Comitum excurrit) existimo cardinem rei & totius quæstionis, circa verum & genuinum sensum capitis 7. Auræ Bullæ versari; hæc autem sic habet:

38. Inter sollicitudines illas innumeras quibus pro felici statu Sacri Imperij, cui auctore Domino feliciter præsidemus, cor nostrum quotidie fatigatur, ad hoc præcipuè meditatio nostra dirigitur, qualiter desiderata & salubris semper vnio inter Sacri Imperij Principes Electores jugiter vigeat, & eorum
corda

corda in sincera cōcordia cōseruentur, quorum prouidentia suo tempore orbi fluctuanti, tanto celerius tantōque facilius subuenitur, quanto inter eos nullus error surrepserit, & purior fuerit Charitas custodita, obscuritate succisâ, & Iure cuiuslibet dilucidè declarato. Sanè generaliter, longè latèque est publicum, & quasi per totum Orbem notoriè manifestum, Illustres Reges Bohemiæ, Comitem Palatinum Rheni, Ducem Saxonix, & March. Brand. virtute Regni & Principatum suorum. in Electione Regis Rom. in Cæsarem promouendi, cum ceteris Principibus Electoribus Ius, vocem, & locum habere, & vnà cum ipsis censi, & esse veros & legitimos Sac. Rom. Imperij Principes Electores. Ne inter eorundem Principum secularium Electorum filios, super Iure, voce & potestate præfata, futuris temporibus scandalorum & dissensionum possit materia suscitari, & sic bonū commune periculosis dilationibus impediri, futuris (autore Deo) cupiētes periculis salubriter obuiare, statuimus, & Imperiali auctoritate, præsentī lege perpetuis

- tuistemporib. valitura, decernimus, vt post-
quam ijdem Principes Electores seculares, &
eorum quilibet esse desierint, Ius, vox, & po-
testas Electionis huiusmodi ad filium suum
primogenitum legitimum Laicum, illo verò
non existente, ad eiusdem primogeniti pri-
mogenitum similiter Laicum, & sine con-
tradictione cuiuspiam deuoluatur. Si verò
primogenitus huiusmodi absque hæredibus
masculinis legitimis Laicis ab hac luce mi-
graret, virtute presentis Imperialis edicti, Ius,
vox, & potestas Electionis prædictæ ad se-
niorem fratrem Laicum, per veram paternā
lineam descendantem, & deinceps ad illius
primogenitum Laicum deuoluatur. Et talis
successio in primogenitis & hæredibus Prin-
cipū eorundem Iure, voce, & potestate præ-
missis, perpetuis temporibus obseruetur: eā
tamen conditione & modo, vt si Principem
Electorem, vel eius primogenitum, aut fili-
um Seniore Laicum mori, & heredes ma-
sculos legitimos Laicos defectum ætatis pa-
tientes relinquere cōtingeret, tunc frater Se-
nior eiusdem primogeniti, Tutor eorum &

E

Admi-

Administrator existat, donec Senior ex eis legitimam ætatem attigerit, quam in Principe Electore decem & octo annos completos censi volumus & statuimus perpetuò haberi, quam dum attigerit, Ius, vocem, & potestatem & omnia ab ipsis dependentia, Tutor ipse sibi totaliter cū officio teneatur protinus assignare. Si verò aliquem ex huiusmodi Principatibus ipsorum, Imperio sacro vacare contingeret, tunc Imperator seu Rex Romanorum, qui pro tempore fuerit, de ipso providere debet & poterit, tanquam de re ad se & Imperiū legitimè deuolutā; salui tamen semper priuilegijs, Iuribus & consuetudinibus Regni nostri Bohemiæ, super Electione Regis in casu vacationis per Regnicolas qui Ius habent eligendi Regem Bohemiæ, facienda, juxta continentiam eorundem priuilegiorum & obseruatam consuetudinem diuturnam à diuis Romanorum Imperatoribus siue Regibus obtentorum, quibus ex huiusmodi sanctione Imperiali in nullo præiudicari volumus; Imò ipsa decernimus nunc & perpetuis futuris temporibus in omni suo
tenore

tenore & forma indubiam tenere robore firmitatem.

39. Afferit ergo Relator, Auream Bullam & iam allegatum eius textum non nisi vnicum duntaxat casum & causam exprimere, ob quam possit vacare Electoratus & tanquam vacans ad Cæsaream Majestatem deuolui, ita vt de eo disponendi, ipsi facultas sit, si scilicet aliquem Electoratum vacare contigerit, finitâ totâ familiâ illius generatione; Cum ergo hic casus in proposito nondum euenerit, & manifestissimum sit, extare adhuc Comites Palatinos Rheni, qui ab illis ipsis, qui in Aurea Bulla, ad successionem sunt vocati, per rectam & paternalem lineam descendunt, & factum proscripti Friderici Palatini, suorumque complicum non modò non approbarunt, sed & ab omni culpâ & crimine alieni sunt, adeoque prorsus innocentes, qualis pro tempore est prædictus Dux Neoburgensis ex linea Bipontina descendens, & in ea, quoad primogenituram natus maximus; Inde infert Relator, casum Aureæ Bullæ non euenisse, nec Electoratum, existentibus Agnatis descendentibus, vacare, sed prædicto Ser.^{mo} Duci Neoburgensi Wölgängo Wilhelmo deberi.

40. Triumphum sanè canere posset Relator, si quæ ipse opinatur, & speciosè proponit, veritati & Aureæ Bullæ congruerent: sed quàm longè à vero aberret, cuius facile patebit, si sensus & verba Aureæ Bullæ rectè examinentur & cum lure conferantur.

Disponit Aurèa Bulla clarissimè his verbis: Si verò aliquem ex huiusmodi Principatibus ipso-

rum (*scilicet Electoratum*) Imperio sacro vacare contingeret, tunc Imperator, seu Rex Romanorum qui pro tempore fuerit, de ipso providere debebit & poterit tanquam de re ad se & Imperium legitimè deuolutâ. Quia verò in hoc textu nihil constituitur de causa vel ratione, ob quam possit vacare aliquis Electoratus, quapropter ad Ius feudale recurrendum est, & causæ vacationis, caducitatis aut felonix, propter quas feuda (qualia sunt omnes Electoratus) aperiuntur, vacant, & ad Dominum directum reuertuntur, inde petendæ sunt, de quibus est tit. 5. & 17. Quibus modis feudum amittatur lib. 5. feud. & tit. 23. & 24. Quæ fuit prima causa beneficii amittit. lib. 2. feud. cum alijs. Vbi plures causæ recensentur beneficii amittendi, quas etiam in ordinem congefferunt Feudorum Commentatores. *Henr. Rosenthal. in Synops. feudal. cap. 10. Henr. Bocer. tract. de Amissione feud. per tot. Ludolphus Schraderus tract. feud. par. 9. cap. 10. Curt. lun. de feud. part. 4. Vdalricus Zas. de feud. part. 10. Eguin. Baro. lib. 3. de benef. Sonsbec. de feud. p. 12. Vvesembec. de feud. cap. 10. Herman. Vulceius de feud. cap. 11. & alij ab his citati.*

41. Sed plures hæ causæ vniuersaliter ad duo genera reuocantur; Aut enim amittitur & vacat feudum culpâ vassalli, quæ consistit vel in committendo, vel in omittendo: Aut citra culpam, vt per mortem seu fini-

tam

tam generationem, per lapsum temporis præfiniti, atq; alijs similibus modis. Et quidem ex primo genere multæ sunt causæ, ob quas, si vel committendo vel omittendo Dominus directus offendatur, beneficium ad ipsum Dominum redit, de quo sunt insignes, notabiles & nullâ arte eludendi textus suprâ allegati in tit. 24. §. denique. Quæ fuit prima causa benef. amitt. lib. 2. ubi ait textus: Denique sæpe quæsitum est, Vassallo propter justam culpam à feudo cadente, vtrum ad Dominum, an ad Successorem Vassalli beneficium pertineat, sed hæc distinctio tam ratione, quam moribus cōprobata est, vt siquidem Vassallus ita in Dominum peccauerit, vt feudum amittere debeat: Non ad proximum, sed ad Dominum beneficium reuertatur, vt hanc saltem habeat suæ Injurie vltionem. Et in tit. 37. An ille qui interfecit fratrem Domini sui, ibi in fin. Cum autem ad Dominum respicit feloniam, feudum tunc Domino aperitur.

42. Inter delicta autem quæ in Dominum feudi committuntur aut committi possunt, notum est, non esse maius vel grauius, quàm ipsum perduellionis & læsæ Majestatis crimen, quo quis contra fidem & Sacramentum Imperatori feudi Domino præstitum, coactis militibus scelestam in it factionem, & hostili animo aduersus ipsum vel Remp. Romanam aliquid molitur,

cūque de regno vel prouincia sua deturbare laborat.
l. Quisquis C. ad leg. Iul. Majest. l. ult. ff. eod. l. minore
10. §. 1. ff. de questionibus. Ludolph. Schrader. tract.
feud. p. 9. cap. 8. n. 18. & 19. Hieron. Gigas de crim.
læs. Majest.

Quī enim dignus sit, beneficium habere ab eo, quem abiuratā fidelitate, nefario ausu & hostili animo persequitur, regnisque suis ac prouincijs exuere conatur? Accedit quod in illa ipsa Aurea Bulla sub titulo 12. De his quibus vt indignis auferuntur bona feudalia, §. fin. in terminis sancitur, Si quis (Vasallus) contra Dominum suum fraudulenter agens, scien- ter cum inuaserit, diffidatione quacunque præuiā vel omissā omnes pœnas illius sancti- onis (scilicet vt feudum amittat, & illud Domino re- aliter assignetur) incurrat.

Quod etiam Relator licet inuitus non diffitetur, dum sub n. 29. scribit, In Aurea Bulla tres casus expres- sos esse singulares, quibus quis dignitate simul & succes- sione Electorali carere debeat, quorum primus est, Si quis Bullæ contraire præsumperit, alter si feudi Dominum violenter inuadat, tertius denique si crimen læsæ Maiestatis commit- tat.

43. Cū igitur liquidò constet ex clarissimis Iu- ris feudalis textibus, ex ipsa Aurea Bulla, & Relatoris propria Confessione, Feuda non tantum amitti & Do- mino

mino Directo aperiri ob finitam familiæ totius generationem, sed etiam ob perduellionis & Læsæ Majestatis crimen in Dominum feudi admissum;

Evidentiſſimè sequitur & infertur, allegatum caput 7. Aureæ Bullæ, quo generaliter statuitur, quod Imperator vel Rex Romanus de Electoratu vacante tanquam de re ad se & Imperiū legitime deuolutā, providere possit & debeat, intelligendum esse de omni casu vacaturæ, seu amissionis alicuius Electoratus tanquam feudi ad Imperatorem & Imperium pertinentis.

44. Quod ipsum etiam fatentur ij, qui in Auream Bullam commentati sunt, vt Gerlacus Buxdorsius dissertatione super Bullam Auream cap. 7. n. 87. vbi disertis verbis asserit, eam dispositionem de vacante Electoratu & libera Cæsaris dispositione, esse intelligendam de utroque casu, videlicet, si contingat Electoratum vacare, siue ob finitam familiæ alicuius generationem, siue ob culpam, esseque exempla in recenti memoria, sed odiosa, innuens fortè ad Electoratum Saxoniæ à Carolo V. gloriosissimæ memoriæ Anno 48. die 24. Febr. (quo ipso die Ser.^{mus} Bauariæ Dux Maximilianus felicibus & solennibus auspicijs, Elector renunciatus, restitutus & de feudo Electoratus à Cæsarea Majestate Ferdinando Secundo inuestitus fuit) simili ex causa translātum; *allegat etiam ibidem in hac sententiam Hen. a Rosenthal. in Synops. feudal. cap. 10. conclus. 38. n. 32.*

45. Cui accedit, quod hæc absurda & à vero prorsus aliena Relatoris opinio, nec minimā conjecturâ aut

ra aut verbulo ex Aurcâ Bullâ colligi possit. Cùm tamen, si Caroli quarti mens fuisset, eũ tantũmodo casũ comprehendere vacantis Electoratus, quem Relator ex suo cerebro confingit, id profectò & facillimum factũ & admodum necessarium fuisset; quandoquidem iure feudali aliud expresse statutum reperitur, atque ideo correctio Iuris priuantis Vasallum delinquentem in personam Domini feudo, per Auream Bullam induci debebat, quæ tamen correctio Iuris, cùm sit admodum odiosa, nullatenus fingenda sed fugienda est, nisi de expressa Legislatorum mente constet, Ita vt nec à contrario sensu per subauditiones aut tacitos Intellectus inducatur *l. 2. C. de Condit. in sert. l. conuenticula C. de Episc. & Cleric. gloss. sing. in c. cupientes §. Quod si per viginti. ext. de hec. lib. 6. cas. conf. 4. n. 8. 10. II. lib. 1.* Imò correctio Iuris communis adeò est odiosa vt nec in actu Principis sit præsumenda. *Sichard. conf. testam. 2. part. 3. n. 70. & n. 25. vbi ait,* quod specialiter lege non est expressum, id veterum legum, constitutionũque regulis esse relictum.

Vnde meritò succedit vulgata regula, quod casus omiſſus censeatur dispositioni Iuris communis esse relictus *l. maritus C. de Procuratoribus l. ex his ff. de tut.* Et hoc maximè procedit in rebus & negotijs arduis, tunc enim quæ speciali prouisione digna sunt, si non exprimantur, haberi debent pro neglectis & non inclusis. *Mynſing. decad. II. respons. I. n. 76. Curt. Iun. conf. l. 2. n. II.*

460 Vnde quia in saepe allegata Aurca Bulla,

cap. 7. causæ non exprimuntur, ob quas feuda & Principatus Electoratum vacant, & ad Dominum directum redeunt, sed id solummodo disponitur vt eo casu, quo contingat vnum aut alterum ex Electoribus vacare (videlicet ob causas in Iure feudali præscriptas) tunc Imperator vel Rex Romanus, qui pro tempore fuerit, de eo providere debeat, tanquam de re ad se & Imperium legitimè deuolutâ, satis perspicuè constat Auream Bullam Relatoris opinioni non tantum non patrocinari, sed è diametro repugnare & causas amittendi Electoratus tanquam feudi Imperij, non ex Aureâ Bullâ, sed ex Iure & vsibus feudorum petendas esse.

47. Et sanè admiratione dignum est, Relatorem tam perspicacem, vt ipse sibi videtur, Iure consultum, in re perspicua & luce meridiana clariore, adeò caligare, vt etiam in principio suæ Relationis non vereatur audacter asserere, argumenta sua tam firma & solida esse, vt omnium assensum mereantur, nec quicquam contrâ adferri possit, quod ad Iustitiæ, æquitatis, & conscientiæ normam examinatum subsistere queat; Sed quid reliqua eius argumenta ponderis habeant, inspiciamus.

48. Allegat Relator, vt suprâ diximus, sub n. 29. tres casus singulares in Aurea Bulla exprimi quibus quis dignitate simul & successione Electorali carere debeat, & tamen ijs in casibus non excludi infantes & crimine vacantes Agnatos. Primus est in cap. 1. Aureæ Bullæ, Si quis nempe Princeps Elector, aliûsue Princeps cuiuscunq; conditionis aut status feudum vel Principatum tenens à Sacro Imperio, constitutionibus Bullæ contravenire præsumperit, cæteri Electores eum suo exclu-

F

dant

dant consortio, ipseque loco, dignitate ac Iure Electorum careat.

Sed quid hoc ad propositam causam? Nos in hoc casu non versamur, nec de eo vertitur Quæstio; vel si maxime in eo versaremur, concludendum esset Relatorem, vel eum cuius causæ patrocinator, omnibus suis Iuribus ac feudis cecidisse, eò quod ipse Aureæ Bullæ suâ sinistra interpretatione contravenire, & quasi vim inferre, factumq; Augustissimi & Iustissimi Imperatoris omniumq; S. Romani Imperij Electorū impugnare non erubescat, quod, ut supra dicebatur, sacrilegij instar esse lex sanxit; caueat ergo Relator, ne alienis inhiando, sua bona perdat, & Clienti suo malè patrocinetur.

49. Alter casus est in cap. 14. vbi sancitur, hos ~~Vasallos seu feudatarios, qui Dominos malitiosè diffi-~~ dant, atque inimicitias, graua illis damna inferendo, denunciant & in fraudem Dominorum feuda, ne illis adimi possint, alijs renunciant: aut etiam omiſſa tali renunciatione contra Dominos suos fraudulenter agunt & scienter eos inuadunt, &c. feuda amittere, infames existere, banno Imperiali subiacere, nec vlllo modo de illis rursum inuestiri debere.

Sed & hic textus nihil facit pro Relatore, nam Agnatos Innocentes non admittit ad feuda, Vasallis sic adempta, sed prauas consuetudines quæ irreperant, eò quod Vasalli sua feuda prius refutarent, Dominosque postea diffidarent, fraudem legi inferentes, Aurea Bulla tollit; Cæterum autem quoad amissionem & deuotionem feudorum omnino conformis est Iuri, idcoq; secundum illud etiā intelligi debet, ut videlicet talis Vasallus

fallus Domini sui diffidator, Rebellis, inimicitias denunciāns, damna inferens, bona violenter inuadens, vitæ & fortunarum eius insidiator, & capitalis inimicus, tam ipse quàm omnes Agnati à feudis excludantur, vt ita Dominus hanc habeat saltem Iniuriæ suæ ultionem, iuxta text. in tit. 24. §. fin. *Quæ fuit prima caus. benef. amitt. & c. I. An ille qui interfecit fratrem, cum similib.* Quia Vassallus Dominum assalire, aut arma contra eum sumere, aut etiam illi inimicitias denunciare non potest sub pœna amissionis feudi c. I. tit. 17. *Quib. mod. feud. amitt. & c. I. Quot testes sint neceß. ad proband. Simon Pistor Vol. I. cons. 2. per tot.*

50. An ergo hic textus Relatoris adminiculetur opinioni & sui Clientis causæ, penes alios esto iudicium, cum Fridericum proscriptum, vassallum Cæsaris, arma contra Dominum sumpsisse, vitæ & fortunis insidiatum atque ideo vel etiam ex hoc textu Electoratum ad Cæsaream Majestatem deuolutum fuisse, etiam mente ac oculis orbis iudicare & videre possit.

51. Tertius casus est in cap. 24. Auræ Bullæ, in in quo pœnæ criminis Læsæ Majestatis statuuntur aduersus eos, qui de nece Sacri Romani Imperij Electorum, aut alterius eorum, cum pars corporis Imperatoris sint, conspirauerint, aut etiam affectu, qui in hoc crimine abominando pro effectu iudicatur, hostile quid machinati fuerint.

Atqui etiam totus hic textus ex Iure communi &

1. quisquis C. ad leg. Iuliam Majestatis, transumptus, ad offensam Electorum Majestatem applicatus atque extensus fuit, vt nempe tentantes aut perpetrantes talia contra Sac. Rom. Imperij Electorem siue Ecclesiasticum siue sæcularem, gladio feriatur, bonis eorum fisco addictis, filij verò ab communi hæreditate proximorum sint alieni, perpetuò egentes, infamia notati, & ab honoribus exclusi, illisque sit mors solatium, & vita supplicium, prout fusius habetur in d. l. quisquis C. ad legem Iul. Majestatis.

De feudis autem, eorumque amissione nihil penitus in hoc textu reperire est. Igitur Relator etiam hic Nodum in scirpo quærit, & dum Iura de crimine læsæ Majestatis eiusque poenis statuta, cum Iuribus & delictis feudalibus, fisco & confiscationes cum Felonia & feudorum priuatione, Fideicommissa item & Iura primogenituræ cum feudis confundit, rei & opinioni suæ aliquem colorem, imperitis maxime speciosum, aspergere studet.

52. Distinguenda ergo sunt hæc omnia & constabit dictis nostris veritas, Relationis aduersæ autem falsitas & error; Constat ex Iure, Feloniam vasalli in Dominum feudi commissam, in eo differentem esse a crimine læsæ Majestatis, & latius ipso patere si respiciamus ad Dominum Feudi, & non ad Fiscum. Namque in confiscatione bonorum ob crimen læsæ Majestatis, perduellionis, aut simile, non tamen a Domino feudi sed alio fisco habente facta, etsi omnia delinquentis bona fisco inferuntur, & poenæ ob criminis atrocitatem adeò exaspetantur, vt etiam filij (quod quidem in crimine læsæ

læſæ Majestatis ſingulare eſt) in quibus paterni criminis metuuntur exempla, à proximorum hæreditate ſint alieni, infamiâ paternâ notati, perpetuâ egeſtate ſordentes, & ab honorib, excluſi paternæ luant partem pœnæ, attamen fidei commiſſa, feuda antiqua & auita, atque ſimilia bona affecta, & reſtitutioni obnoxia, fiſco in tantum non cedunt, vt proximis Agnatis, quibus ex pacto & providentia Maiorum, & primæuâ conſtitutione luſ quæſitum eſt, omnino auferantur, ſed in certis ſolummodo caſibus, fructus talium bonorum ad tempus vitæ ipſius delinquentis, fiſco inferuntur, ipſa bona autem Innocentibus Agnatis & luſ ad illa habentibus relinquuntur, cùm fiſcus extranei loco habeatur; Eaque omniâ quæ per contractum, aut per vltimam voluntatem transferri poſſunt in extraneum, in fiſcum ſimiliter tranſeunt per publicationem bonorum. Quæ autem in extraneum nec per cōtractum, nec per vltimam voluntatem transferri poſſunt, ea nec in fiſcum deuoluuntur, *l. cū ratio §. ſi in libertinum ff. de bon. damnat.* Hinc ex iſta regula, fideicommiſſaria bona quæ per hæredem grauatum, in vita poſſunt alienari in extraneum, per publicationem bonorum, in vita delinquentis tranſeūt etiam in fiſcum *l. ſtatuis. §. Cornelio ff. de iur. fiſci.*

§ 3. Quod etiam de feudis improprie, hæreditarijs & in extraneum tranſmiſſibilibus, atque bonis censualibus ſeu Emphyteuticis affirmat Bart. in *l. ſi finita §. ſi de vectigalibus ff. de damn. inf.* Cynus in *l. 2. C. de lib. & eor. lib. Gloſſa ordinaria, ab omnibus approbata in*

l. 1. C. de bon. liber. M. Anton. Peregr. de iure fis. lib. 5. n. 68. cum seqq.

54. Bona autem, quæ Iure primogenituræ in primogenitum deuoluuntur, & nec inter viuos nec per vltimam voluntatem alienari possunt, fisco nō cedunt, *Peregrin. d. loc. n. 97. Boër, decis. 268. n. 6.*

55. Quod ipsum etiam de fidei commissis, & quæ fauore familiæ alienari expresse prohibentur, vt nempe in fiscum non transeant, sed bonis delinquentis publicatis, ea per illos de familia statim vindicari possint, statuitur, in *l. Imperator, vbi Bart. ff. de fidei commiss. libert. Peregr. d. loc. n. 98. cum seqq.*

56. Similiter & feuda antiqua familiæ, regalia & ~~maximè Electoralia que in extraneum alienari neque-~~unt, sed ex pacto & prouidentia, atque etiam Iure primogenituræ, familiæ comperunt, bonis delinquentis publicatis, non ad fiscum, (nisi delictum fuerit commissum in feudi Dominum habentem simul Iura fisci) sed ad Agnatos deuoluuntur, *per text. in c. 1. §. denique in 2. respons. Quæ fuit pr. ca. benef. & in c. 1. §. Si Vassallus culpam, tit. si de feud. def. c. 1. Si Vassallus feud. c. 1. de eo qui interf. frat. M. Anton. Peregr. de iur. fisci lib. 5. c. 1. n. 106. & 108.*

Etsi non desunt Authores, qui existimarunt ob crimen læsæ Maiestatis tanquam nimis enorme, & à regulis Iuris exceptum, etiam bona familiæ feudalia, pro Iure vtilis dominij, seruato Iure directo patrono feudi, ad fiscum deferri, ad maiorem subditorum terrorem, eorum,

corumque audaciam compescendam, ne quid temerè
 contra suos Principes ad euersionem & turbationem
 status moliantur. & ita in regno Franciæ obseruari te-
 statur Boër. citatus à Pereg. *lib. 5. tit. 1. de iure fisc. sub*
n. III.

57. Atque in hoc casu & genere delicti seu cri-
 minis perduellionis non in Dominum feudi, sed alium
 nempe aliquem ex Electoribus commissi, loquitur ex-
 pressissimè Aurea Bulla in c. 24. quod tamen nihil pro-
 fus ad Rhombum facit; cum nos non versemur in casu *note*
 confiscationis, nec Imperator Electoratum Palatinum
 tanquam publicatum & fisco suo delatum, sed sibi vt
 Feudi Domino, ob grauissimam Vasalli Friderici felo-
 niam apertum asseruerit, licet alia bona quæ dictus Fri-
 dericus proscriptus tanquam allodia possedit, fisco Im-
 peratoris fuerint illata *ex dispositione dic. l. quisquis C.*
ad leg. Iul. Majestat. & cap. 24. Aureæ Bullæ. Quatenus
 enim Imperator, vt summus Princeps à Friderico Pala-
 rino tanquam subdito, per crimen perduellionis offen-
 sus fuit, eatenus bona offendentis allodia ad fiscum tran-
 eunt: Quatenus autem feloniam & offensam in Imperato-
 rem vt Feudi Dominum, contra præstitum fidelitatis Iu-
 ramentum commissam fuit à Friderico vt Vasallo, eatenus
 feuda ipsius Imperatori debentur exclusis omnibus Ag-
 gnatis: quod vtrique nec dici, nec de iure fieri posset, si
 offensus & fiscum habens, non simul etiam feudi Do-
 minus esset, talis enim solummodò bona delinquentis
 allodialia publicare & fisco suo inferre posset, quod sin-
 gulariter notandum.

58. Vnde

58. Vnde in Relatoris hæc omnia impertinenter huc allegantis & à num. 38. vsque ad num. 47. extra quæstionem disputantis sententiam, aliàs manibus pedibusque transimus & lubentes ad stipulamur, Ius illud primogenituræ, quod in Auræ Bullâ Domui Palatinæ, & reliquis Electoralibus familijs lege in perpetuum valiturâ tributum est, ipsumque Electoratum ob crimen læsæ Maiestatis, aut aliud delictum, non in personâ Domini directi admissum, sub publicatione bonorum non contineri nec fisco cedere.

59. Nos verò in hoc casu & saltu minimè versamur, nam Fridericus Palatinus proscriptus crimen perduellionis, & læsæ Maiestatis atrocissimum in Augustissimum Imperatorem tanquam Dominum directum, à quo feudum Electoratus cum bonis, dominijs, terris & ditionibus annexis, Iure beneficiario accepit, eoq; nomine Sacramento fidelitatis ipsi obstrictus, & toties tam paternè, sollicitè, & amanter monitus fuit, multifariam, & exemplo post hominum memoriam vix audito perpetravit, vnde non tantum vt subditus Cæsareæ Maiestatis, & Sacri Romani Imperij, vigore constitutionum tanquam Rebellis, proscriptus & omnibus bonis allodialibus fisco Cæsareo postmodum illatis, exutus, sed tanquam Vasallus inobediens, refractarius, Inimicus, contemptor & Inuasor Domini sui, atque infidelis, feudis suis, absoluto & pleno Iure ad Augustissimum Cæsarem deuolutis, priuatus fuit.

+ 60. Hic Rhodus est, hic saltandum Relatori erat, & vigore Auræ Bullæ probandum, in hoc casu felonie & criminis perduellionis in Dominum feudi patrati, Electo-

Electorum Palatinum cum bonis & Iuribus ipsi annexis amissum, non ad Dominum directum, sed Agnatos vasalli perduellis pertinere, contra clarissimos textus *in saepe allegato c. I. §. denique tit. 24. Quæ fuit, prima ca. benef. c. I. tit. si vasall. culp. c. I. de eo qui interf. fr. Dom. in v. sibus feud. c. felicitis de pæn. in 6. Clement. I. tit. eodem.*

61. Ex his etiam elucet, quantum hallucinetur & à veritatis scopo aberret Relator sub n. 45. vbi scribit, Ius illud successionis & primogenituræ quod in Aureâ Bullâ Domui Palatinæ tribuitur, hoc proprium & peculiare habere ex lege perpetuò valiturâ, vt cum ipsâ natiuitate vocatis, Ius prioritatis & præminentiae tribuat in omnem potestatem transmissibile, & ita comparatum, vt nisi legis autoritate & consensu totius Imperij, aut eius cuius proximè interest, ad alium transferri nullo modo possit, & in ijs quæ Iure primogenituræ deferuntur, nō hæreditatis, sed solius generis, pro sapia familiæ, natiuitatis, genituræ, sanguinis, stipitis, lineæ, gradus, & proximitatis habendam rationem, ita quidem vt linea primogeniti præualeat lineæ secundogeniti, & huius linea anteponatur lineæ tertio geniti, & ita deinceps.

62. Et si enim ista se ita habeant, quoad ordinem & modum succedendi in Regijs & Electoralibus dignitatibus secundum Ius primogenituræ, illudque Ius vt ait Relator, nec Imperator, nec Papa alicui possit auferre. Tamen quia hîc non est quæstio de modo, ordine aut serie succedendi, sed de Iure & causis amittendi feu-

di Electoratus Palatini : ideoque nihil ad rem dicit Relator, & quod in controuersia est, ipsique probandum erat, nempe Electoratum Palatinum cum ditionibus ipsi annexis, per feloniam & crimen perduellionis à proscripto Palatino in Dominum feudi commissum, non aperiri & deuolui Domino, hoc ipse assumit & præsupponit, inepto prorsus, sophistico & præpostero ordine.

63. Nemo siquidem inficiatur, ordinem & modum recensitum atque in Aurâ Bullâ præscriptum, in successione Electoratum secundum Ius primogenituræ obseruandum esse; Verùm ubi res vel dignitas feudalís, quæ tali successioni secundum Ius primogenituræ, fidei commissi, Maioratus, &c. subiacet, per feloniam amittitur, & ad Dominum reuertitur, tunc clarum est expirare & feudum, & fidei commissum, & maioratum & omnem in eo succedendi ordinem quoad illam familiam. Et tali casu non censetur Imperator alicui Ius suum auferre, sed ipse delinquens in Dominum feudi, se & familiam suam feudo indignam reddere, & ad Dominum transferre, vt Dominus eam saltem habeat Iniuriæ suæ sibi illatæ ultionem. *per sepe allegatum textum in c. 1. §. denique, tit. 24. Quæ sunt pr. ca. benef. amitt. lib. 2. & c. 1. de eo qui interf. fr. Do. cum similib.*

64. Illud porro quod Relator sub n. 10. confundit, Ius nempe Electionis & Archidapiferiæ, cum Principatibus, Dominijs, Iuribus & honoribus connexis, totigeneri ac familiæ Palatinorum, omnibusque ac singulis inde descendentibus, sub modo perpetui alicuius fidei commissi esse tributum, nullatenus Iuri consentaneum

neum est, nam alio Iure cēsentur res allodiales fidei cō-
missio, Maioratus & primogenituræ subiectæ, alio feu-
dales: hæ enim, si fideicommissio, Maioratus aut primo-
genituræ subiaceant, manent tamen feudales, & secun-
dum naturam ac normam Iuris feudalis judicantur, ita,
vt si casus eueniat quo feudum per feloniam commis-
sum, Domino cedat, illicò etiam Maioratus, primoge-
nitura & fideicommissum in re feudali constitutum ne-
cessariò cesset, & nulli amplius restitutioni subiectum
sit. Quod secus est, si res allodialis & libera fidei com-
missio, primogenituræ aut Maioratus subiaceat; cum e-
nim ob eam rem allodiam, nullo vinculo fidelitatis &
Sacramenti obligetur fideicommissarius sicut Vassallus,
sequitur etiam eam non amitti, quemadmodum feu-
dum amittitur.

65. Inde, etsi concedamus suo modo Electora-
tum Palatinum, familiæ & stirpi Palatinæ eâ conditio-
ne & sub modo perpetui alicuius fideicommissi, vt as-
serit Relator, ita tributum esse, vt in eo non nisi vnus
primogenitus, aut senior & proximior Agnatus secun-
dum lineam primogenituræ succederet, Attamen Pala-
tini omnes & singuli, possessores Electoratus & Archi-
dapiferiæ vt rei feudalis ad Imperatorem & Imperium
pertinentis, semper fuerunt Vassalli Cæsareæ Maiestatis,
eique arcto fidelitatis Sacramento juxta normam legis
feudalis & formulam in Imperio, in concessionibus Re-
galium & Electoralium feudorum receptam, astricti, in
quas si peccent, juxta eas plectantur, & beneficio care-
ant, qui eo se indignos reddiderunt; Dominus autem
tam enormiter offensus illud habeat in ultionem Iniu-

riæ suæ, Quæ distinctio, cùm à Relatore observata non fuerit, mirum non est, ipsum in eos errores & confusionem Iurium fuisse prolapsum.

66. Sicut eodem vitio etiam laborat, quod sub num. 46. adfert Relator, extare videlicet, & in promptu esse pacta gentilitia familiæ Palatinæ de Anno 1545. 1551. 1553. 1557. quibus continetur, quod deficiente Friderici lineâ Electoratus Palatini successio ad eum devoluenda sit, qui secundum Auream Bullam senior & proximior in ea lineâ primogenituræ fuerit.

Iam enim sufficienter & ad oculum demonstra-
mus, ordinem succedendi in Electoratu Palatino, aut quovis alio feudo, siue is præscriptus sit ab Auræ Bullâ, siue per ultimam voluntatem, siue per pacta gentilitia, siue fiat Iure Majoratus, siue primogenituræ, siue fideicommissi, aut alterius modi, nihil prorsus tollere, derogare posse naturæ & qualitati feudi, aut Iuri feudali, nec Domino directo quicquam per hæc præiudicari, quin eueniente casu felonix, & delicti in eum commissi, feudum ad ipsum reuertatur, *per lura & Doctores supra allegatos*. Et tralatitium est, pacta inter alios ini-
ta, tertio nullum præiudicium facere posse. *rot. tit. Cod. Res inter alios actas, &c.*

67. Quæ porro sub n. 35. 36. & 37. de Innocentiâ, fidelitate, dispendijs & benemeritis Ser.^{mi} Ducis Neuburgici in Cæs. Majest. recenset Relator, non sunt huius loci, nec enim Encomiasten, sed Iureconsultum, hic agimus, nec enumeratione aut comparatione meritorum, sed Iurium certamus; Alioquin non deforet

campus amplissimus excurrendi in aliorum, maximè
 verò Ser.^{mi} Bauariæ Ducis & Electoris Maximiliani, præ-
 clarissima & toti orbi nota merita, quibus sua Electora-
 lis Ser.^{tas} sibi obstrinxit Cæs.^{am} Majest. restituendo ipsi
 Regna & prouincias à Rebelle Palatino ademptas; atque
 Romanum Imperium liberando illud à tot infestis ho-
 stibus, vltimam illi intentantibus ruinam: Catholicos
 dein Electores, Principes & Status conseruando eorum
 status ac ditiones, propulsandóque insultus & injurias
 hostium: vniuersam insuper Ecclesiam, propagando &
 propugnando sacrosanctam Religionem; omnes deni-
 que bonos & fideles S. R. Imperij subditos; amoliendo
 ab illis tot pericula, ruinas, incendia, deprædationes,
 homicidia, furta, stupra, & extremū, quod illis immine-
 bat exitium, pro quibus sua Electoralis Serenitas, pro-
 prios status, sanguinem, vitam & fortunam, raro virtu-
 tis, integritatis, constantiæ, magnanimitatis & fidelitatis
 exemplo, extremis exposuit periculis. Ita vt, quæ rebel-
 lis Cæs. Majest. ac Rom. Imperij hostis Fridericus Pa-
 latinus euertit, ea Ser.^{mus} Elector Maximilianus resarci-
 uerit, quin imò auxerit; ac proinde si benemeritis agen-
 dum sit aut certandum, Suae Ser.^{ti} Electoratus præ cæte-
 ris meritissimò fuerit debitus & collatus. At iam dictum
 est, non meritis sed luribus hic agi, nec ideo cupimus
 Ser.^{mi} Domini Ducis Neoburgensis fidelitati, integritati,
 & meritis quæ pro Cæs. Majest. gessit, quidquam dero-
 gatum, quin Sua Ser.^{tas} aliique omnes Electores, Princi-
 pes ac status, qui in causa iustissima ex parte Cæs. Majest.
 steterunt, debitam constantemque fidelitatem in ad-

uerlis comprobantur, de sua Majest. & Ro. Imperio optimè meriti fuerint.

68. Verùm non ideo inferendum, vti Relator sub. n. 36. & 37. sinistrè judicat; Ser.^{mum} Ducem Neuburgicum, ab Electoratu Palatino præter omne fas & meritum fuisse exclusum, & hac ratione non calcar virtutis in Imperio promouendæ, sed materiam potius delictorum augendorum dari: Nam Cæs. Majest. vt diximus, & infra fufius demonstrabitur, de Electoratu, cum bonis, dominijs & ditioribus annexis, tanquam de feudo ad se & sacrum Imperiũ pertinente & deuoluto, iure suo optimo disponere potuit, debuit, & disposuit, juxta ordinationem Aureæ Bullæ, Constitutionem Imperij, Legumq; feudalium. Qui autem iure suo vititur, nemini vtiq; Iniuriam facere censetur. *l. Nullus ff. de reg. iuris c. cum Ecclesia ext. de Elect.*

69. Et iuris executio non habet iniuriam *l. Iniuriarum §. 1. ff. de Iniur.* Proinde iniquè & non sine graui calumpnia, insimulatur Augustiss. juxta ac Iustiss. Imperator, qui iure suo vsus, Fridericum perduellionis & læsæ Majest. reum, & feudis indignum proscripsit, atque de Electoratu vt feudo ad se pertinente, prudentissimè & iustissimè disposuit. Æquitas quidem suadet, Innocentes & benemeritos præmijs afficiendos, vt contendit Relator: sed eadem & major æquitas postulat, vt Dominus feudi non afficiatur Iniuriâ, & si fiat, ei debeatur satisfactio & vltio, atque hoc publicè prodest, vt discant vassalli ab Iniuria Dominorum suorum abstinere. *sed. c. I, §. denique, Quæ fuit pri. ca. ben. am.*

70. Ne autem tam duriter & contra legum præscripta (vti falsò affirmat & optimò Cæsari calumniosè impingit Relator) Ducem Neoburgicum habitum, sed dignitate ac feudo Electorali meritò exclusum esse, luculentius constet, placet rem paulò alitè rimari.

Suprà dictum est, textus Iuris feudalis *in c. 1. §. de nique, Quæ fuit pr. ca. ben. am. & in c. 1. tit. An ille qui interf. fr. Dom. sui*, apertissimis verbis disponere, vt, si Vassallus delictum commiserit in personam Domini directi, feudum reuertatur ad Dominum, exclusis Agnatis : sin in alterius personam, feudum ad Agnatos deuoluatur : Qui ambo textus adeò clari sunt, vt non immeritò Sponsbecc. *de feud. c. 13. n. 4.* Hartman. Pistor. *quest. Iur. l. 2. part. 1. q. 15. n. 26.* asseruerint, nihil apertius, clarius & dilucidius dici posse.

71. Ratio autem quæ Conditores vsuum feudaliū eò induxit, est, Quia iniquissimū & à naturali ratione prorsus alienum videbatur, si Dominus, ex cuius mera liberalitate & beneficio feudum Vasallo concessum fuit, vicissim à Vasallo ferre debeat damna, summū cōtemptum, iniurias grauissimas, denique vitæ & bonorum extremum periculum, nullūque habere ad feuda gratuitò concessa, regressum & Iniuriæ suæ ultionem, sed solummodò suis damnis parare proximis agnatis emolumentum, & viam ad feuda. Inde salubriter, prudenter & ad æquitatis normam statutum fuit, vt tali casu, quò Dominus à beneficiario & Vasallo tam enormiter offenditur, ad eum feudum deuoluatur, & ita hanc saltem habeat Iniuriæ suæ ultionem.

72. Altera ratio quæ communiter à Doctoribus traditur, est, Quod à principio cùm aliquod feudum constituitur & vasallo conceditur, eo pacto & conditione concessum censeatur, donec, quousq; , & quamdiu ipse Vasallus & eius descendentes Domino fuerint grati, obediens, & fideles; sin autem vnus ex illis quodcumque contrauerit, & feloniam in Dominum, præsertim grauem & enormē, commiserit, tunc feudum, exclusis omnibus ex familia primi acquirentis descendens, quomodocumque vocentur, ad Dominum reuertatur. Siquidem si hoc non fieret, semper posset Dominus contemni, Iniurijs affici, ludibrio haberi, forētque familia vasalli interim secunda, ita vt feudum illi nullatenus posset auferri, si saltem vnus aut alter ab Iniuriā abstineret, quæ omnia vtrabq; & ab æquitate aliena, ita pactis & conditionibus feudorum sunt contraria, vt videre est, apud Andr. Gail. *tr. de pac. pub. c. 13. n. II.* vbi ait, primæ concessionis seu inuestituræ tacitam quandam conditionem inesse, vt eatenus omnes agnati primo acquirenti succedant in feudo, si accepti beneficii memoriam non deponant, sēque non ingratos erga primum concedentem, eiusque successores ostendant; & hanc tacitam conditionem haberi pro expressā, & tacitum idem operari quod expressum. Idem affirmant Iacob. de S. Georgio *tr. feud. in verb. dictique vasalli n. 58.* Curt. Iun. *de feud. p. 5. n. 2.* Zas. *de feud. p. 10. n. 105.* & alij plurimi ab Andr. Gail. citati.

73. Namque feudalitatis donatio, vt inquit Soubecq. *de feud. c. 13. n. 3.* est quasi modalis donatio, quæ

reuo-

reuocatur statim non sequente modo *l. I. C. de donat. quæ sub mod.* Et sic feudum semper eius esse naturæ ait, licet non exprimatur in Inuestitura. Vnde non habent quod lure cōquerantur Agnati, quod eis immerētibus, sine culpa & delicto suo Ius acquisitum pacto Maiorum & prouidentia, auferatur, quandoquidem Ius illud, prima concessio eis non nisi cum hac conditione largiatur, si nullus Vasallorum in Dominum deliquerit. *Sonsbec. & alij dictis locis.*

74. Et sanè cūm pœna semper debeat esse æqualis & commensurata delicto, nec conueniat mitiorem & leuiorem esse vindictam quàm culpam *l. sancimus C. de pœnis.* Et ex apertissimis Iurib⁹ feudalibus sæpe allegatis constat, delicto maximè tam atroci in Dominū commissio, ei applicandum esse feudum, vt habeat hanc saltem Iniuriæ suæ ultionem: Quæso, mi Relator, quæ isthæc esset pœnæ commensuratio aut Iniuriæ vindictio & ultio, si feudum mox ad Agnatos Vasalli deueniret? Quid grauius crimine læsæ Maiestatis in ipsum feudi Dominum commissio? quod profectò lenissimè vindicaretur, si feudum ad Agnatos deuolueretur: Condignè autem, si posteri & Agnati feudo in perpetuum carituri sint. Vnde facilius à delicto abstinebit Vasallus, qui non sibi tantum, sed Agnatis etiam feudum auferendum fore, cognitum habeat. *Sonsbec. dic, loc.*

Idque omnium maximè procedere, ait And. Gail. *de pac. pub. c. 13. n. 16. in crimine Rebellionis & læsæ Maiestatis ex primo capite l. Iulia.* Si quis aduersus Cæsarem

rem vel Imperium Arma moueat, cum tanta huius criminis sit atrocitas & indignitas, vt etiam toti familie perpetua quadam Ignominie nota inuratur: vt ob eam causam merito à successione feudi, ipsi Agnati excludantur, Atque ita obseruatum esse testatur Gail. ibid.

75. Horsum pertinent, quæ de hac ipsa questione tractans Gilken. *de præscript. part. 3. cap. 13. n. 208.*

Et seq. tradit.

Non fuisse sine iustâ causâ saneitum, vt & Agnati à feudo arceantur, tum ne familie infestæ, rursum cum pari fortasse euentu feudum cogatur Dominus committere, læso enim vno tota familia quodammodo læssita intelligitur, tum quod ad Domini securitatem pertineat, vt beneficia sua ibi collocentur, vt hæc & similia tenent. tum denique quod vniuersum feudum modo Vassallum facilius ab iniuria temperatur, si animadvertat totam familiam periclitari, *juxta text. in l. lūre prouisum C. de fabricens. lib. II. Bartol. Bald. Farin.*

Et Vass. a Gilken. citatr.

76. Deinde si olim certis personis feudum circumscribi potuit, vt nō vltra Nepotes, deinde nec vltra fratrem, tandem ne vltra quartum gradum collateralium porrigeretur, c. I. §. cum vero, de his qui feud. dar. poss. c. I. §. hæc quoque de success. feud. Cur lex feudalis statuere non potuit, ne, committente Vassallo in Dominū, feudum ad Agnatos deponeretur: quandoquidem tali casu non possit dici, Agnatos alienæ culpæ supplicium ferre, vt existimat Relator, sed potius ex euentu condi-

tionis

tionis (delinquentis Vasalli possessoris in Dominum) nihil ipsis quæsitum esse, *arg. C. decem stipulatus 116. ff. de verb. oblig.*

77. Ut jam prætereamus æqualitatem inter Dominum & Vasallum, qui propter ingratitudinem & iniurias ultro citroque ab altero alteri illatas, iisdem pœnis tenentur. Quando enim Dominus deliquit in Vasallum, cadit proprietate sua, ut ea nunquam vel ad se, vel agnatos suos sit reditura; Ergo idem & multo magis, ob maius à Domino acceptum beneficium servandum est, si Vasallus in Dominum delinquat, *Sonsb. de feud. c. 13. n. 3. Menoch. conf. 99. n. 133. & seqq.* Vnde Relatori vno verbo respondemus, licet à Duce Neuburgensi absit culpa, adesse tamen causam, *ut respondit Alban. in Addit. ad Bart. in leg. iure prouisum C. de fabricens. l. II. per c. quoniam §. Si vero. Ut lite non contest. c. 2. ext. de re iudic.*

78. Demùm licet concederemus, legem eam esse duram, (cùm tamen ex jam dictis æquissima sit) quia verò scripta, licet dura, omninò seruanda est, *ut respondit Ulpian. in l. prospexit 12. ff. Qui & à quibus manumissi.*

79. Nec obstat, quòd Relator in speciem & colorem suæ opinionis sub num. 10. & 11. obijcit, Quòd nempe ex legibus, edictis, & sanctionibus pragmaticis constet, Ius Electionis & Officium Archidapiferiæ cum Principatibus, Dominijs & Iuribus ipsi annexis, quod

Comitibus Palatinis ad Rhenum competit, non vni Principi Palatino, qui id primus acquisiuit, sed & omnibus & singulis eius posteris ac successoribus, adeoque generi & familiae toti in infinitum ita tributum, vt in eo non nisi vnus primogenitus, aut senior & proximior Agnatus secundum lineam primogeniturae succederet, cæteris verò solâ spe suo ordine & loco in prædictis Bullis præscripto succedendi relictâ; Idque non ex mera summorum Principum liberalitate & gratia, sed ex pacto & prouidentia Maiorum, Comitum Palatinorum Rheni, qui propter virtutes suas singulares & res domi forisque fortiter & præclare pro salute Imperij gestas, honore illo, iure & ordine succedendi in perpetuum obseruando, digni sint iudicati, &c.

Nam supra abundè & ad oculum demonstrauimus, Auream Bullam & ordinem succedendi secundum ius & prærogatiuam primogeniturae in Electoratibus per Carolum I V. introductam, circa feloniam & amissionem feudi nihil omnino disponere aut immutare, sed id tantum statuere, Vt quia ius primogeniturae nec iure ciuili, nec feudali cognitum erat, *Tiraquell. de iur. primogeniturae q. 4.* in Imperio Romano quoad Electorales dignitates, secundum ius & ordinem primogeniturae, juxta modum ibi præscriptum, successio fieret.

80. Secundo quia circa ius primogeniturae variae erant controuersiae; An deficiente primogenito, secundogenitus, aut cæteri Maiores sibi aliquod ius prærogatum possent asserere; Item, An Nepos patrum excluderet. Et, An iuri representationis in Collateralibus

bus locus esset; deinde, an Clerici in eo Iure succederēt.

Tiraquell. d. l. q. 40. 41. & 44.

81. Ad has & similes controuersias, quæ inter Principes Electores facile grauiæ, & salutis Imperij Romani periculosa bella ciere possent, tollendas, salubriter, vt suprà monuimus, prouisum est in dictâ Bullâ, vt Ius primogenituræ, deficiente lineâ primogeniti, ad secundogenitum, deinde tertio genitum & Agnatos natu Maiores, protenderetur, Nepotes patruis præferrentur, vnus & non plures succederent, & Clerici penitus ab hac successione arcerentur.

82. Vt proinde controuersia de amissione feudorum Electoralium, an ea ob feloniam in Dominum commissam, ad ipsum vel proximos Agnatos deuoluatur, ex Iure feudali utpote, priore & per Auream Bullam, utpote posteriorem, hac in parte incorrecto, sint decidendæ, iuxta tritam regulam, posteriores leges ad priores esse trahendas, & secundum eas interpretandas, *l. sed & 27. ff. de legib.* Et quidem in specie quoad Constitutiones Imperij, eas secundum Ius commune intelligi, declarari, restringi, & ita accipi debere, vt quanto minus fieri potest, Iuri communi derogent, tradit Ioach. Mynsing. *decad. 15. ressp. I. n. 31. & seq.* Quod autem hic casus noster secundum Ius commune feudale sit decidendus, ostendunt manifestè Constitutiones Imperij, locis suprà citatis.

83. Quid verò Iura feudalia in casu, commissæ in Dominum felonie, maxime verò criminis læsæ Majestatis, disponant, Soli & Lunæ pater, supràque jam de-

monstratum est. Et quia Iura feudalia generaliter, & si-
ne vlla distinctione de feudis quibuscunq; disponunt,
quod delicto in Dominum perpetrato, ad ipsum deuol-
uantur: Modus item succedendi secundum Ius primo-
genituræ, Maioratus aut fideicommissi, in bonis feudali-
bus, naturam feudi non immutet, atque in omnibus
feudis, quomodocunque in ijs succedatur, Agnati ex
prima Inuestitura, non acquirant Ius purum re ipsa, sed
tantum in spe, conditionatum, qualificatum, & hoc o-
nere affectum, vt quamprimum Vasallus possessor Do-
minum offenderit, delictum priuatione dignum per-
petrando, feudum inuentionem iniuriæ ad Dominum
reuertatur, idque secundum naturam feudalis disposi-
tionis esse, nec referre an ex pacto & prouidentia, Iure
familia, sanguinis, aut alio modo succedatur. *Menoch.*
cons. 99. n. 194. & 138. cum seqq. Dicendum omnino
est, quod distinctio Relatoris nihil rationis & fundamē-
ti habeat; Lex enim generaliter loquens, generaliter
est intelligenda, & vbi illa non distinguit, nec nos di-
stinguere debemus. *l. praes. ff. de off. pra. l. de pretio ff.*
de publ. atque oratio indefinita æquipollet vniuersali,
Conar. variar. resol. l. 1. c. 13. n. 8.

84. Æquè parum iuuant causam Ducis Neo-
burgici, allegata Majorum merita, Imò in Relatorem re-
torquetur hoc argumentum. Sicut enim propter me-
rita Maiorum obtinuerunt Palatini feudum Electorale,
& commoda sub certo pacto & conditione perpetuæ
fidelitatis, ita æquum est, vt propter delicta contra iura-
tam fidelitatem commissa, ijs careant, vt contrariorum
eadem

eadem sit disciplina; & verum sit, quod locutus est Deus per Prophetam; Si iustus confusus in sua iustitia fecerit iniquitatem, omnes iustitiæ eius obliuioni tradentur, & in iniquitate sua, quam operatus est, in ipsa morietur.

Ezechiel 33. vltima enim culpa nocet *l. si per emptorem ff. de Action. empti.* Et ideo demerita vltima magis ponderantur, quàm præcedentia merita, *Bald. inc. 1. Si Vasall. feud. priuet.*

85. Quod verò sub numero 91 Relator ait; Ea demum bona vacantia dici, in quibus successor omnis deficit, & nullus ex qualibet lineâ successor superest, *per l. 4. C. de bon. vacant.* In hoc casu autem superesse adhuc plures Agnatos, Ducem Neoburgicum & alios, vnde secundum Auream Bullam in c. 7. non posse dici, Electoratum Palatinum vacare, vt Cæsar de eo possit disponere.

86. Id nihil habet ponderis. Nam etsi verum sit, bona tunc dici vacantia in quibus successor omnis deficit; sed non solum tunc, nec id probatur ex alleg. tex. l. 4. Ibi enim Imperator non dicit, bona tunc demum vacantia dici, si nullus successor hæres sit relictus; sed solum hoc, bona vacatia tunc debere fisco inferri, si nullus successor existat, ita vt vocula (tunc) referatur nō ad verba (vacantia bona) sed ad illationem bonorum in fiscum. Deinde non versamur nos in terminis bonorū vacantium allodialium ex defectu successoris, sed bonorum quorū directum Dominium pertinet ad alium; quare deuoluto

uoluto per delictum vtili Dominio ad Dominum, non minùs id vacare dicitur, cùm extingatur & consolidate cum directo, Idque fit multifariam; Et cum Aurea Bulla vratur verbo (legitimè deuoluta) videtur innuere omnes modos, quibus feudum legitimè ad Dominum deuoluitur, nec se obstringere ad vnicum modum, quādo nempe succedit fiscus, qui modus non quadrat ad feuda, & tamen dict. text. in l. 4. loquitur solùm de successione.

87. Deinde non inusitatum est in Iure feudali, feuda dici vacare, tam deficiente mascula stirpe per mortem, quàm etiam per delictum in Dominum admissum, *juxta singularem Doctrinam Matth. de Afflict. in c. I. §. morib. n. 2.*

Sic etiam beneficium & officium vacare dicuntur, non tantùm per mortem, sed etiam per renunciationē, *Georg. de Cubed. part. I. Lusit. decis. 138.*

88. Sed & ex ipsis verbis Aureæ Bullæ manifestè deprehenditur, eam sub hoc vocabulo (vacare) non tantùm casum mortis aut deficientis familiæ, sed etiam delicti & priuationis voluisse comprehendere; dum subnectit, Saluis tamen semper priuilegijs, Iuribus, & consuetudinibus regni nostri Bohemiæ, super electione Regis in casu vacationis per regnicolas facienda. Quibus verbis comparat vacationem Electoratus Bohemiæ, cum vacatione aliorum Imperij Electoratum, vt videlicet eo casu vacationis, quo possunt & debēt regnicolæ regni Bohemiæ pro-
uidere

uidere per Electionem de nouo Rege, tali etiam casu Imperator possit & debeat de alijs Electoribus vacantibus, tanquam de rebus ad se & Imperium legitimè deuolutis prouidere; Certum autem est & multis exemplis comprobatum, Quòd Regnicolæ Regni Bohemiæ non tantùm in casu mortis, quo aliquis Regum Bohemiæ defunctus fuit, sed etiam cùm ob delictum, culpam vel desidiã (sicut de Wenceslao testantur historiæ) regno abdicatus & priuatus fuit, nouum, & alium regem, Imperiũq; Electorem elegerint. Ergo pari modo & casu debet & poterit Imperator de reliquis Electoratibus, si aliquem vacare contigerit, vel per Extinctionem familiæ, vel per priuationem & propter delictum, iuxta ordinationem dictæ Bullæ, quæ in vtroque casu vtitur hoc vocabulo (Vacare & Vacationis) nullamque circa modum vacandi differentiam facit inter regnum Bohemiæ, & reliquos Electoratus Imperij, nisi in eo solùm, quod in Regno Bohemiæ Electio sit facienda per Regnicolas, qui ius habent eligendi Regem Bohemiæ; de reliquis verò Electoratibus vacantibus Imperator vel Rex Romanus possit & debeat disponere & prouidere, tanquam de rebus ad se & Imperium legitimè deuolutis, quod argumentum singulariter notandum est.

89. Tandem concedamus, ita tamen ne veritati fiat præjudiciũ, Auream Bullam non comprehendere casum deuolutionis ex felonìa, nihil tamen infertur; non enim omnia iura feudalia voluit Bulla complecti, sicut nec disposuit, nisi in cap. 14. de casu felonix in Dominum commissæ, aut amissione feudi ex crimine perduellionis proueniente, Cuinam tunc sit feudum Ele-

ctoratus applicandum, sed solummodo circa Ius primogenituræ, & ordinem succedendi ad evitandas lites inde nascentes. Quapropter sufficit quod Iure feudali & alijs Constitutionibus Imperij, feudum Electoratus sit ad Cæsarem propter feloniam legitimè, legibus sic statuentibus, deuolutum, nec erat opus alia dispositione, ut ineptè cauillatur Relator n. 41.

90. Hinc patet quàm impertinenter Relator sub n. 45. & 46. iterum alleget Auream Bullam, ac successionem generis, pro sapia, familia, primogenituræ, &c. Nam & de Iure feudali descendentes præ collateralibus, & hi non aliter quàm secundum gradus prærogatiuam, proximiores ante remotiores, ad feuda dignitatum vocantur. Inde tamen non inferes, delinquente possessore Vasallo in Dominum, deuolui ad eos, qui aliàs ad successionem vocantur, aliàs nunquam foret locus felonie & dispositioni c. 1. §. denique *Quæ fuit pr. c. benef.*

91. Vnde sicut simul stant & verà sunt, hæredes vasalli secundum communem naturam feudi & Iuris feudalis dispositionem ad successionem vocantur, seruatâ gradus prærogatiuâ, in perpétuum, sed excluduntur delinquente Vasallo in personam Domini, & feudum deuoluitur ad ipsum Dominum; Ita quoque simul stare possunt & verissima sunt, manente semper Aurèâ Bullâ intactâ & inuiolatâ. In feudis Regalibus Electoralibus primogenitum ante alios Agnatos seniores vocari ad successionem, juxta Ordinem primogenituræ præscriptum, sed delinquente Vasallo Electore aduersus Imperatorem, feudum reuerti ad Dominum, exclusis Agnatis ut habeat vltionem Iniuriæ suæ,

Vel

Vel ostendat Relator, si tam perspicax Aureæ Bullæ interpretis est, quo in loco Aurea Bulla, aut Diploma Sigismundi Imperatoris correxerit & sustulerit dispositionem, §. *denique, &c.* I. An ille interf. fr. Aut si hæc dispositio nullibi correctæ & mutata reperitur, Cur eam stare & in Electorum personis locum habere prohibet, *contra l. precipimus §. fin. C. de appellat.*

92. Minus opis ipsi adferunt pacta gentilitia familiæ Palatinæ de An. 1545. 1551. 1553. & 1557. quæ nec Iuri publico derogare, nec directo Domino, aut cuius tertio quidquam præjudicare possunt, ut supra diximus.

93. Illud porro, quod sub n. 42. de publicatione & confiscatione bonorum, adfertur, quod in ea non veniant bona fidei commissi onere affecta, & restitutioni obnoxia, qualia sunt feuda antiqua, nihil ad propositum facit, cum nos non versemur in casu confiscationis bonorum, ut diximus, sed deuolutionis feudi ad Dominum directum, qui quidem etiam, & quidem eminentissimè Ius fisci habet, & ob atrocissimum crimen Læsæ Majest. multifariam in se commissum, feudum Electoratus sibi apertum, optimo Iure occupauit.

94. Neque iuuant Relatorem clausulæ Aureæ Bullæ toties reperitæ (Inuiolabiliter & perpetuis temporibus seruetur; Item, Nulli hominum liceat huic perpetuò valituræ legi contraire, &c.)

Hæ enim clausulæ intelligendæ sunt de casu, quo de Aurea Bulla eo loco disponit, minimè verò gentium trahendæ, extendendæ & ampliandæ ad casum extraneum, in Aurea Bulla intactum, incogitatum, omissum &

Iuris feudalis dispositioni ac decisioni relictum, ex Doctrin. Abbatis & Canonistar. in c. Sedes ext. de re-script. Sichard. conf. I. de contractib. num. 9. & Io. vbi dicunt, clausulam generalem referri tantum ad specificata, vel specificatis similia, nō ad ea quæ sunt diuersæ naturæ & alterius generis. At jam ostendimus, nos hīc in alijs terminis, & quæstione longè diuersa versari.

95. Illud huic capiti annectere & à Relatore quærere libet, An labore suo, quamuis casso, & adductis ex Aurē Bullā pro Duce Neoburgico Argumentis, non magis patrocinetur proscripti Friderici filijs Innocentibus, aut saltē fratri Philippo Ludouico, in reatu, quantum nobis constat, non comprehenso, nec etiam à Cæsa. Majest. proscripto? Nam si vera sunt ea quæ Relator in scripto suo passim allegat & affirmat, quod nempe Electoratus Palatinus ita competat familiæ Palatinæ, vt omnes censeantur principaliter vocati, adeoque transeat de vno ad alium Iure sanguinis, stirpis, & ex pacto ac prouidentia primi acquirentis, tunc sanè secundum aliquos Doctores filij Innocentes, aut frater delinquentis & proscripti Palatini, Iure non poterunt excludi, vt videre est apud Rosenthal cap. II. conclus. 7. n. I. & in gloss. lit. a. & conclus. 13. n. 13. Menoch. conf. 305. Quod etiam de bonis fideicommissarijs, vt filij tali casu, ob crimen læsæ Majest. à patre commissum, ab ijs non arceantur, tradit Sebast. Guazyn. de confisc. bon. 13. concl. limit. 26. Vt nec etiam à bonis Maioratus, & alijs

alijs quæ ipsis Iure proprio competunt, *Lud. Mol. de Iur. primog. lib. 4. c. II. n. 32. & seqq.*

96. Sed satis ex Iure constat, has & similes formulas (Concedo tibi & tuæ familiæ, de vno in alium, de primogenito in primogenitum perpetuo) siuæ eæ in literis Inuestiturarum, siue in Auræ Bullâ reperiantur, circa feudi naturam nihil immutare, sed eas per se & tacite de Iure feudali inesse, siquidem in omni feudo succeditur Iure sanguinis, ex pacto & prouidentia primi acquiræntis, & non Iure hæreditario, quod de Iure feudali omnino incognitum est. Ideoque expressum in tali casu non plus operatur quàm quod tacite inest, *ut post Camerar. diserte tradit Hartman. Pistor. 2. 16. n. 30. part. 1. lib. 2. dec. in l. Actus legitimi n. 10. ff. de reg. Iur. Menoch. conf. 99. n. 191. & 22.* Nec Auræ Bulla in allegato cap. 7. quidquam statuit, quid eo casu Iuris sit, Quando Princeps Elector Crimen læsæ Majest. committit, nefarie & perfide aduersum Imperatorem arma mouendo, vitæque, prouincijs & Imperio eum exuere conando, An tunc Electorali dignitate & annexis Iuribus feudalibus priuandus, & cui tunc amissa feuda applicanda, Agnatissne Iuris primogenituræ capacibus, aut Imperatori tanquam feudi Domino. Sed id solummodo, ut suprà diximus, prouidet Bulla, qua ratione ad præcauendas controuersias, bella & scandala, quæ inter Principes oriri possent, secundum ordinem & Ius primogenituræ in perpetuum (intellige si familia perpetuo uiuat, aut feudo per feloniam non cadat) succedendum sit.

97. Inde consequens est, quod tales formulæ expressè aut tacitè, in Inuestituris comprehensæ nihil obstant, quin omnè feudum, secundum suam naturam & vi primi pacti, in casu felonix in Dominum commissæ, ad ipsum deuolui debeat, alioquin nunquam foret locus decisioni *c. 1. §. deniq. Quæ fuit pr. c. benef. amitt. nec vnquam haberet Dominus feudum in ultionem Iniuriæ suæ, Sonsbec. 6. c. 13. n. 6. limit. 3. Menoch. dic. conf. 99.*

98. Maximè cùm semper inferatur clausula, (saluis Iuribus Feudi, siue Curix) aut si non inferitur, tacitè subintelligitur, & operatur, vt Ius Domini quod ex natura feudi est, tam in casu deficientis lineæ, quàm commisi feudi, saluum sit & reservatum; de natura feudi autem est, conditio illa, Si Vassallus Domino fidelis fuerit, & nihil contra fidelitatis Sacramentum in eum commiserit, &c. Vt suprà diximus; ita *Menoch. dic. conf. 99. n. 195. Zas. conf. 12. n. 86. lib. I. Schrader. de feud. part. 1. cap. 2. num. 52.*

99. Alterum quod ex Relatore quærere lubet; Si Aurea Bulla (Palatinis vtique admodum fauorabilis) illis semper tam sancta & inuiolabilis fuit, & piaculum in eam peccare tam grande est, Cur Fridericus secundus Philippi Palatini Electoris filius, post obitum fratris Ludouici primogeniti, sine liberis defuncti, suos ex fratre Ruperto secundogenito Nepotes, Ottonem Henricum & Philippum, quibus secundum dispositionem Aureæ Bullæ

Bullæ & ipsius Relatoris mentem, Electoratus debebatur, excludere ausus fuit? An non tunc hoc ipso facto, quo dictæ Bullæ contravenit, iure suo, ut fateretur ipse Relator, cecidit? Aut si impune Auream Bullam violare fas ipsi fuit, Cur Augustissimo Imperatori secundum Auream Bullam, Constitutiones Imperij, & leges feudales agere, judicare, & feudum, ob atrocissimas sibi à Friderico Palatino illatas Iniurias, & gravissima damna, occupare, & velut de re ad se legitimè devolutâ dispo-
nere nefas sit? Videat ergo, quo iure, quâ fide, aut conscientia suos errores defendere & excusare velit, consultius autem foret, emendare.

100. Tertium est quod à Relatore intelligere cupimus; Si ius ad Electoratum in ipse tantum alicui competens, nec Imperator nec Papa auferre potest, uti asserit ipse Relator numero 90. atque addit num. 111. Imperatoriam Majestatem id neque ex plenitudine potestatis, secundum receptum inter liberos germanos morem, facere posse, ita ut ij, qui contrarium dicunt, per gulam mentiantur: Quomodo excusari aut defendi possit factum Caroli IV. qui ius ad Electoratum, Ludovici Bauari Imperatoris & ejus posteris non tantum in spe, sed re ipsa competens, idque iure hæreditario à Majoribus suis, postmodum divisione, pactis conventis & Iuramento roboratis, nec non Electorum autoritate ac consensu confirmatis quæsitum, ipsis adinhere, & in Palatinam gentem transferre præsumpsit, nullâ iuris, æquitatis, necessitatis aut potestatis ratione id suadente, nec etiam, ex mente Relatoris, permittente; nisi dicere velit, Sit pro ratione voluntas, quæ profectò plus affectui quam iustitiæ tribuebat. Atq; hæc de primo capite.

AD secundum caput quod attinet, in quo sub num. 47. & seqq. conatur Relator astruere, Serenissimo Duci Neoburgico, vi simultaneæ Inuestituræ, aliquoties concessæ & confirmatæ, deberi Electoratum Palatinum; siquidem in ea non modò pacta successoria, specificè & nuncupatim confirmentur, sed expressè statuatur, vt deficiente illa linea masculinâ Palatinâ, quæ hætenus Electoratum possedit, successio illa Electoralis præ omnibus alijs, eueniente casu, ad dictum Ducem Neoburgicum liberè, & sine impedimento quolibet & contradictione sit deuoluenda.

102. ~~Postea Relator Argumentum~~ Argumentum prorsus impertinens, vnico verbo dilui, & ad id responderi; Hanc simultaneam Inuestituram & omnes eius confirmationes, vt patet ex literis & sensu earum apertissimè; tantummodo loqui in eum casum, si contingat totam lineam Friderici Palatini deficere & extinguì, quòd tunc vigore huius simultaneæ Inuestituræ seu expectatiuæ, debeat succedere Dux Neoburgicus, qui casus nondum euenit, nec nostra quæstio in ijs terminis versatur, proinde Argumentum ad forum non facere.

103. Sed rem paulò altiùs repetendo, sciendum est variè accipi simultaneam Inuestiturâ. De Jure enim communi feudorum, possunt duo aut plures Vasalli simul inuestiri, nullo adiecto pacto vt sibi inuicem & reciproce succedant, quo casu si vnus linea deficiat, alter simul vel simultaneè inuestitus non succedit, sed eius
pars

pars aperitur Domino: sin autem addatur pactum vt si-
bi inuicem succedant, tunc non ad Dominum, sed al-
terius simul Inuestiti lineam deuoluitur feudum. Ita vt
si contingat vnam partem committere feloniam, illius
portio Domino non aperiatur, cum censeantur quasi
duo diuersa feuda, quo casu, vnus simul inuestitus non
potest præiudicare alteri. Atque de his simultaneis In-
uestituris sunt text. *in c. 1. de fratribus de eod. benef. in-
uest. & c. 1. de duobus fratribus Inuest. à Capitan. Ro-
senthal. c. 11. q. 2. & c. 6. q. 49. n. 3. & q. 69. n. 32. & q.
14. Hartmann. Pistor. p. 2. lib. 2. q. 20, 21. & 22. Vult.
Schrader. & alij.*

104. Alio & secundo modo potest fieri simulta-
nea Inuestitura, Quando quis nullum lus habens; nec à
primo acquirente descēdens, obtinet à Domino simulta-
neam Inuestituram; aut licet sit Agnatus, inuestitur
tamen de feudo tanquam nouo.

105. Tertiò si quis quidem à primo acquirente
descendat, & feudi capax sit, sed feudum sit hæredita-
rium, & proinde vereatur, se, quandoquidem hæres vl-
timò defuncti possessoris non sit futurus, à feudo exclu-
sum iri, proinde sibi per simultaneam inuestituram, &
expectatiuam vigilat & cauet, vt succedere possit: Quod
fortè inde natum est, cum in Germania, secundū quos-
dam Doctores, omnia ferè feuda, ex consueto stilo sint
hæreditaria, retinentia tamen naturam feudi masculini,
quia Inuestituræ concipiuntur pro Vasallo, eiusque hæ-
redibus, *Rosenthal. c. 2. q. 33. n. 3. Pistor. p. 1. lib. 2. q. 3.
n. 59.*

106. Quarta species simultaneæ Inueſtituræ eſt, quæ à quibuſdam nominatur Saxonica, introducta ad conſeruandum Ius Agnationis, ex eo, quod ſecundum Iura Saxonica, nullus Agnatus in feudo, etſi ſit ex pacto & prouidentia, ſuccedat, niſi ſit cum ipſo Vaſallo poſſeſſore ſimul inueſtitus, licet ipſe alioqui de feudo, uiuente poſſeſſore nihil participet. Eaque ſimultanea Inueſtitura non ſolùm conſeruat, vt diximus, Ius Agnationis & futuræ ſucceſſionis; ſed etiam efficit, vt ſi contingat ſimultaneè Inueſtitos diſpari gradu eſſe, ſuccedât, non ſecundum gradus prærogatiuam, ſed ſecundum lineas & Ius Longobardicum, & de hac ſimultaneâ Inueſtiturâ tradit Piſtoris *dic. loc. & Schrader. conf. 9. n. 52. lib. I.*

107. Si nunc examinemus Domini Ducis Neoburgenſis ſimultaneam Inueſtiturâ, palàm eſt, eam nec de prima ſpecie poſſe intelligi, cùm ipſe cum primo acquirente non fuerit ſimul inueſtitus, vt habeat Electoratum pro indiuiſo; nec de ſecunda, quia fatetur ſe non vt extraneum, ſed vt Agnatum fuiſſe inueſtitum de feudo familiæ antiquo.

Super eſt ergo vt accipiatur vel de tertiâ, vel de quarta ſpecie, per quam inueſtitus nihil noui acquirit, ſed id tantùm in pactum deducit, quod ipſi priùs Iure Agnationis & primæ Inueſtituræ competeſcit; videlicet ſpem illam ſolam ſuccedendi, poſtquam caſus euenerit, manente interim poſſeſſione feudi, & omni conditione fruendi, apud Vaſallum & Agnatum priùs inueſtitum.

Vti tradit Facultàs Ingolſtadienſ. in conſ. apud Goden. conf.

conf. 16. n. 1. & seqq. Hartman. Pistor. lib. 2. part. 2. n.

13. & 39. citatis in hanc rem Ifernica, Aluar. & Curt.

108. Hæc simultanea Inuestitura nihil noui tribuit, sed tantum conseruat Inuestito Ius, quod antè habuit, & taliter Inuestitus æquiparatur, quoad causas amissionis, cæteris agnatis.

Vnde etiam dicta Inuestitura non vocatur simpliciter Inuestitura simultanea, sed cum adiuncto (Expectatiuæ) Atque ideo dici nequit, quod bene norandum, Serenissimo Duci Neoburgico ex ea tale Ius quæsitum, vt esset principalis Vassallus, æquale ac principale Ius habens de præsentì, quales sunt, cum duo ab initio de feudo aliquo simul inuestiuntur singuli principaliter simul, cum, vel absque pacto inuicem succedendi, iuxta primam & secundam speciem Inuestituræ simultaneæ supradictam, de quo loquitur text. *in c. tit. de frat. de nouobenef. Inuest. c. 1. §. Sin autem tit. de his qui feud. dar.*

Sed potius Ius ei tributum præ alijs Comitibus Palatinis, suo tempore & loco succedendi, idque satis significant illa verba adiuncta (Expectanz, *Anwartsung*) quæ declarant, Duci Neoburgico per hanc Inuestituram nihil aliud quæsitum, quam spem succedendi in casu Instrumenti expresso, scilicet, si contingat lineam Comitum Palatinorum Friderici, omnem deficere. Dictio enim cum alia posita, interpretationem suam sumit, secundum quod magis conuenit cum illa. *Bart. in relect. l. n. 6. ff. de off. cur. Caf.*

109. Quapropter hæc simultanea Inuestitura propter adiuncta verba (Expectanz, *Anwartsung* / *ic.*)

potius iudicati debet juxta c. I. §. moribus. Si de feud.
defuncti, controuers. fuerit inter Dom. & Agn. Ut
etiam in specie Iurid. facult. Ingolst. conf. 16. n. 15. apud
Goden. Vbi, quando simultanea Inuestitura fit ijs, qui
alias proximi agnati sunt, cum hac cautela expressâ vel
tacitâ, vt Agnatus vel proximus defuncto, feudum pos-
sideat & fruatur, ceteri sint tantum sub spe succedendi:
tunc Agnati ita simultanee inuestiti nihil noui acquirunt,
sed id duntaxat in pactum censetur deductum, quod
prius erat debitum.

110. Est insuper animaduertendum, hanc Ducis Neuburgici Inuestituram passim in Relatione appellari spem succedendi, quam etiam habent Agnati: non tamen inde sequitur, easdem illi Inuestiturae comprehendere, & Dominum feudi Jure suo excludi, cum hoc esset remittere futurum dolum, quod fieri nequit, *Rosenthal. c. 6. conclus. 23. n. I. facit decisio Georg. de Cabed. Lusit. decis. 132.* ubi expectatiua de aliquo beneficio vel officio in casum vacantiae per mortem, non extenditur ad alios casus vacantiae.

III. Hinc ergo euidenter apparet, eam nullatenus operari, vt delinquente Vasallo, & committente in Dominum Crimen perduellionis, Dominus cedere Agnato, & à feudo excludi debeat: *Ut uidere est apud And. Krichen de reſtitur. pact. lib. 1. c. 2. n. 20. cum ſeqq. vbi n. 15. ſcribit;* Nihil igitur aduerſa parti conducit diſtinctio, Iure ſanguinis ſuccedere & proprio, Aut feudum

feudum concessum esse genti vel familiæ, vel sub formula, pro se & filiis cū facultate, vt vnus succedat alteri. quia in feudis Agnati semper succedunt Jure generis, & sic verbum (generis) nihil aliud importat, quàm verbum (Agnatis) vt explicat Menoch. *conf. 99. n. 19. 192. & 194.*

Ex hoc verò minimè sequi, inquit Menoch. Agnatum delinquendo in ipsum Dominum, Agnato præiudicare non posse. *Idem docet Thom. de Marin. de feud. expact. & prouid. tit. 2. p. 2. n. 92.*

112. Vnde satis liquidò constat, quòd sape allegata Inuestitura simultanea Ducis Neoburgensis, quæ solum concepta & data est, in euentum & casum quo linea Palatina finita generatione omnino deficiet, vt videlicet tunc Dux Neoburgicus, aut eius hæredes ad Electoratum Iure Agnationis suæ admittantur; nihil omnino faciat ad forum, cum non versemur in casu deficientis lineæ Palatinæ per mortem, sed delicti atrocissimi & criminis læsæ Majest. in Dominū commissi, & ob id feudi ad eum deuoluti; de quo nec verbum in prædicta Inuestitura Neoburgica reperire est.

113. Et quòd huiusmodi simultaneæ Inuestituræ seu Expectatiuæ, nisi in omnem euentum & casum expressè factæ fuerint, non sint extendendæ ad casum vacantis feudi per delictum; Ratio est, tum quod tales Inuestituræ sint stricti iuris, & inde ad casum suum restringi debeant, vt in terminis tradit Zas. *de feud. p. 6. n. 22.*

Tum quòd Dominus præstando consensum, non censeatur remittere feloniam, & lus suum Dominicale, nec ea præsumptio recipienda sit, qua delicturum aliquem præsumitur, quòd incivile esset, *Zaf. cons. 12. n. 88. lib.* Hinc dicit Schenk in c. I. §. *Item si duo fuerint. n. 12.* non præsumendum esse, Dominum sensisse etiam de casu delicti in concessione huiusmodi Inuestituræ. Quæ præsumptio tunc maximè locum habet, quando adijcitur clausula (Salvo Iure Domini) sicut hoc casu in confirmatione Cæsaris Matthiæ, clausula illa (Salvis nostro & Imperij Iuribus) Instrumento à Relatore producto, expressè inserta reperitur, quæ quidem, licet non expressa esset, tacitè subintelligenda foret, *Zaf. dic. loc. n. 86.*

114. Quòd autem Imperator eo ipso tempore, nimirum Anno 1620. quo Dux de Ducatu Neoburgico solenni ritu inuestitus fuit, & Fridericus Palatinus cum suis complicibus, in bannum & pœnam læsæ Majest. incidit, ore & scripto professus fuerit, se nihil habere causæ aut scrupuli, quo minus ipsi Duci suas literas simultaneæ Inuestituræ confirmet, nihil omninò opitulatur causæ ipsius Ducis. Nam posito, eam professionem aut promissionem, vt appellat Relator, quam tamen non vidimus, ita factam, exinde non sequitur, ipsum Ducem per hoc fuisse simultaneè inuestitum, multa enim tractantur quæ non perficiuntur. Et tritum est, ex declaratione tali vel pacto nudo nullam dari actionem, vt in specie de feudi promissione tradunt Aluar. c. 1. §. *fin. n.*

s, de

3. de Nou. form. fidelit. Iacob. de S. Georgio tr. feud. verb. Inuestiui. n. 8. Zas. de feud. part. 6. n. 12. Præp. c. 1. §. fin. de Noua form. fidelit. Curt. de feud. 2. part. princ. n. 34. arg. l. nuda 26. ff. de donat. cum similib.

115. Atque hoc etiam ex eo elucet, quod cum sapredictus Dominus Dux Neoburgicus de Ducatu suo, vt asserit Relator, solenni ritu fuerit Inuestitus, atque vna Inuestituram Electoratus simultaneam, & quidem enixe petierit, eam tamen non obtinuerit, quam Imperator non recusasset, nec recusare potuisset, nisi hostilium machinationum Friderici Palatini paulatim cōsciis, de feloniam tunc cogitasset; proinde tantum abest vt hoc telum Relatoris, quidquam nobis officiat, vt in ipsius iugulum potius retorqueatur.

116. Tertiò, quid Dueli Neoburgico profit isthæc iactata nuda declaratio aut promissio confirmationis Inuestituræ simultaneæ, cum etiam ipsa Inuestitura & confirmatio, si subsecuta fuisset (vt pote quæ nihil noui ipsi tribuat, & præcisè in terminis successionis deficiente lineâ Friderici consistat) nihil prorsus ipsi opitularetur, eaque sicuti omnes præcedentes confirmationes, vt expressissimè apparet ex tenore literarum, cōtineret clausulam (Saluis suo & Imperij Iuribus) per quam Imperator sibi & Imperio omne Ius in quemcunque casum competens, reservat, vt suprà ostensum est.

Mirum sanè est, Parentem Ducis Neoburgici sibi in hunc casum feloniam in Dominum commissam, & aperturam Electoratus, per Inuestituram non æquè vigilasse & pro-

prouidisse, sicut fecit in casum deficientis lineæ Friderici, & magis mirum, Ducem Neoburgicum Anno 1620. cum jam subodoraretur hanc aperturam & feloniam, id non fecisse: sed cum Ius sibi resistere & rem difficilem se petiuros scirent, maluerunt abstinere quàm iniqua petendo, sibi negare.

117. Quocirca cùm Duci Neoburgico, vigore Agnationis & Inuestituræ, non aliud Ius succedendi, nisi sit extincta linea Friderici Palatini, & nullum delictum in Dominum perpetratum (quo casu feudum ad ipsum Dominum, exclusis agnatis, reuerti optima ratione inductum fuit) non est quod de inclementiâ Clementissimi Cæsaris, aut de beneficio sibi absque culpâ ablato, conquærat, qui enim Iure utitur suo, nemini facit iniuriam; Neque vlla iniquitas hic versatur, etsi repellantur Agnati, cùm Dominus solum feudum consequatur ob conditionis euentum, sub qua dedit; deficiente enim conditione, (Si Vasallus erit fidelis) princeps nihil aufert à Vasallo, sed suum tantum recipit. Et quod nemo ob alterius delictum sit puniendus, nō procedit, quod poena tantum respicit bona illa, quæ à Principe læso profecta sunt, & quidem non nisi sub certa conditione, quæ postea deficit. *tradit Fachin. controuers. lib. 7. c. 22. vers. quod verò dicitur. Menoch. dict. cons. 99. n. 206. vers. non obstat vltimum & n. 207. cum seqq. vsque ad n. 17. Gail. de pac. publ. c. 13. n. 13. Gilken de præscript. c. 13. n. 204. Sonsb. de feud. c. 13. n. 3.*

118. Præterea illa verba à Cæsarea Maiestate sedente

dente pro tribunali prolata, præterquam quod facti sunt, parum aduersæ parti profunt; Quia non quælibet vox Principis, Ius facit, aut vim sententiæ habet, maximè in re tanti momenti, & quæ in maximum Cæs. Majest. & Imperij præiudicium cederet, nisi cum causæ cognitione quid statuatur, *Zas. in parat. ff. de constit. princ. n. s.*

119. Quod verò Dux Neoburgicus, vti habetur sub n. 52. Relationis, sibi pollicetur, se ex clementia, mansuetudine, promissionēque Cæsareā impetraturum esse illam ipsam Inuestituram, quam Parenti quondam suo Cæsares laudatissimi Maximilianus, Rudolphus & Matthias benignè largiti sunt; nemo est qui inuidebit, modò id fiat citra præiudicium Ser. mi Domini Electoris Bauariæ, & totius familiæ Bauariæ, de Electoratu Palatino cum Iurib. honorib. & ditionibus ipsi annexis, solenniter & in perpetuum inuestitæ, Cui Ius quæsitum & radicatum tolli non potest. *Zas. in l. princeps. 30. n. 26. ff. de legib. Fachin. contr. lib. 8. c. 63. q. 5.*

CAPVT QVARTVM.



120.

AD Tertium caput quod attinet, in quo Relator à num. 54. ostendere, & Imperatori ex Iure feudali persuadere conatur, Agnatis reclamantibus interim executionem suspendendam, donec causa, legitimo Iuris ordine seruato, per pares Curix examinetur & decidatur, Agnatis verò, more solito inuestituram impertiendam esse. Jura ab ipso adducta nihil ad præsen-

tem quæstionem faciunt, nam textus *in lib. 2. tit. 26. si de feud. defunct. contentio sit inter Dom. & Agnat. vas.* loquitur solummodo, vti ipse Relator fatetur, si contentio sit inter ipsum Dominum & Agnatos Vasalli defuncti, nouumne an paternum sit feudum. Item an alodia, siue libellaria aut feudalìa sint bona. de quibus in præsentì nulla est controuersia.

Et quamuis instet Relator per alios textus *ex cap. sancimus tit. 21. de feud. sine culpa non amittendo lib. 1. ex c. vn. de controu. feud. apud pares termin. 16. lib. 2. ex c. vn. de controu. inter Episc. & Vasall. 20. lib. 2. ex c. si inter Dominum, tit. de alien. patern. feud. 39. lib. 2. ex c. vn. an apud iudic. vel Curiam Domini 48. lib. 2.* quibus habetur, si controuersia sit inter Dominum & Vasallum, eam per pares Curie esse dirimendam, & neminem de possessione sui beneficii, nisi conuictâ culpâ, detrudendum.

121. Sed, mi Relator, quid ex his textibus euinces? Fridericum Palatinum Cæsareæ Maiestatis & Imperij rebellem, criminis perduellionis reum, conuictû & proscriptum, feudoque Electoratus indignum & exutum esse, totus quasi orbis nouit, ipsèque fateris, & nō solum ipsum Fridericum, sed & fratrem eius, de reatu & crimine, quantum nobis constat, nec conuictum nec damnatum, accusas: Nihilominus tamen hanc causam ad pares Curie remittendam arque dirimendam esse asaris? Quis quæso de possessione Electoratus absque culpa fuit detrusus? An Fridericus Palatinus? conuictissimus

mus & condemnatus est. An Dux Neoburgicus? At ipse nunquam in possessione Electoratus fuit, nisi vel ipse se, vel tu eum constitueris Electorem. quomodo ergo detrusus est?

122. Textus in allegato titulo, An apud Iudicem vel Curiam Domini quæstio feudi terminari debeat, de quo Relator sibi tantopere blanditur, asserens, nec omnium ovis tam simile, quàm hanc quæstionem in qua versamur, comparatam cum illa Iuris feudalis dispositione; tam aptus est & similis quæstioni nostræ quàm Cygno Coruus. Nam quæstio in illo textu proponitur, Si quis sine filio decedat, & alius credens beneficium quod habebat, esse apertum Domino, ab eo fuit inuestitus de feudo: Agnati verò, qui feudum sibi vendicabant tanquam paternum, reclamabāt, quæritur an apud Curiam Domini, vel pares Curie sit terminanda quæstio? Et respondet textus, quæstionem coram paribus finientem.

Nos autem hîc non quærimus, An & quale sit feudum Electoratus, paternum vel novum, de hoc enim satis constat, nec Imperator sibi hoc feudum apertum asseruit, ob defectum Agnatorum, sed propter atrocissimum & notorium læsæ Maiest. crimen in se commissum: de quo casu allegatus textus nihil disponit, sed ad eundem est alius in c. 1. §. denique *Quæ fuit pr. ca. ben. amitt.* & in c. 1. An ille qui interf. fr. qui huic facto & quæstioni multo similiores sunt, quàm ovis Relatoris.

123. Doceat aut demonstret Relator aliquem Iuris textum, quo disponatur, Controuersiam eam, si

Vasallus grauissimè & notoriè in Dominum delinquat, & ob id feudum, juxta luculentos Iuris, textus ad eum deuoluatur, à paribus Curia decidendam esse. Si non demonstret, erubescat saltem sine lege loqui, & contra inclementiam, iniquitatèque Augustissimi Imperatoris tantopere exclamare.

Notissimum in facto est, & nulla eget vel probatione vel decisione, Fridericum Palatinum in Cæs. Majest. Dominum suum, enormissimè deliquisse; Ipse Dux Neoburgicus id fatetur & pro fundamento suæ petitionis sumit, dictum Fridericum ob feloniam, Electoratus feudo excidisse. Iura feudalia tam clara, perspicua & dilucida sunt, vt qui ea non intelligat aut videat, omnis sensus expers sit. Quali ergo iudicio, probatione, aut sententia opus est? quid superest à paribus Curia decidendum?

124. Augustissimus Cæsar fulmen justissimum & meritissimum banni proscriptionis in perduellem Fridericum jecit, eumq; omnibus Iuribus, honoribus, bonis, & in specie Electorali dignitate cum ditionibus ipsi annexis, excidisse declarauit. Deinde dictum Electoratum, ob feloniam Friderici commissam, ad se deuolutum esse, maturè & cum causæ cognitione, auditis ponderatisque Ducis Neoburgici rationibus, prætensionibus & Argumentis iudicauit. Demum hunc ipsum Electoratum, vna cum Iuribus ipsi annexis pari cum causæ cognitione; grauissimis justissimisque causis motus, & quidem cum Electorum Imperij approbatione ac consensu, accedente etiam summi Pontificis hortatu, in Serenissimum Maximilianum Bauariæ Ducem, totamque

totamque familiam Bauaricam, Ducis Neoburgici reclamatione nil remorante, interueniente solenni, solitaque Inuestitura, realiter & in perpetuum transtulit, prout sua Electoralis Celsitudo, apprehensâ tam Iuris, vocis, dignitatis & potestatis Electoralis, quàm bonorum, ditionum, terrarum, Dominiorum, aliorumque annexorum possessione vel quasi, in inclytum Electorum Collegium admissa, fraternæ vnioni associata, & in omnibus, officio, Iure, munere ac dignitate Electoris Palatini hæctenus publicè functa, eoque titulo tam à summo Pontifice & Purpuratorum Collegio, quàm à Cæsarea Maiestate, Regibus, Galliar, Hispaniar, Poloniar, Daniar, &c. digna habita & honorata est.

125. Quæ ergo fronte, fide & veritate Relator sub num. 61. scribit, prouisionalem tantum, & certis conditionibus factam Serenissimo Duci Maximiliano de Electorali dignitate ad dies vitæ vsurpandâ, Inuestituram? Calumniam hanc conuincit Inuestitura Cæsarea, quàm etiam Relator licet inuitus, agnoscere debet.

126. Ex his ergo apparet Cæsaream Maiestatem in tota hac causa proscriptionis Friderici Palatini, seu di Electoratus ad se deuoluti, & in Serenissimam Domum Bauaricam ex eodem sanguine, stirpe & familia Palatinorum Comitum pronatam, translati, maturè, deliberatè, & iuste processisse, & ne larum quidem vnguem à fratre iustitiæ, atque dispositione Iuris recessisse, ac proinde Relatori nil nisi calumniarum poenas expectandas esse.

127. Quæ autem de Henrico Leone Bauariæ &

Saxonix Ducè à Friderico primo Imperatore proscripto; Item de contentione Friderici Marchionis Misniz & Erici Ducis Lauenburgici, ratione Electoratus Saxoniz, ex Cranzio adfert Relator, nec quidquam faciunt ad rem, nec contra nos; quia non exemplis, sed legibus judicandum, & jam dictum est, omnia justè, deliberatè, legitimè, & ex præscripto iuris, morèque maiorum, acta, iudicata, atque executioni mandata esse. Quapropter iniquè conqueritur Relator de Cæsarea Majestate, quod modus & ordo procedendi legitimus & præscriptus non sit observatus, cum de contrario palàm constet, & licet non constaret, tamen præsumendum sit, omnia à justissimo Principe, qui Iura in scrinio pectoris habere dicitur, justè & legitimè esse acta *l. fin. C. si contra ius vel util. publ. l. digna vox C. de legib.*

128. Si verò Relator his non acquiescere, sed potestate sibi factà, ut scribit num. 61. causam & iura sua deducere velit, Iure experiatur & agat, non convitijs aut falsis narratis, ne ipsi contingat, quod Imperatores Theodos. & Valentin. constituerunt, *in l. Et si C. si contra ius vel util. publ.* Si nimia mentientis inveniatur improbitas, seueritati subiaceat Iudicantis.

129. Et quamvis tam clarè, dilucidè & perspicuè in Iure feudali, maximè verò *in c. I. §. denique Quæ fuit pr. ca. benef. amitt. tit. 24. & c. I. An ille qui interf. fr. Domini, tit. 37. lib. 2.* statutum sit, Iniurià & feloniam maximè atroceis criminis læsæ Majest. in Domi-

num

num commissâ, feudum ad ipsum deuolui, vt habeat vltionem Iniuriæ suæ, vt Relator tandem sub n. 72. vel inuitus fateri debeat, tantam esse eorum textuū perspicuitatem, vt multi magni nominis Iureconfulti inde concludant, delictum Vasalli possessoris in Dominum commissum, & maximè læsæ Majest. non modò filijs & descendentibus condemnati Rei, sed omnibus alijs Agnatis nocere, feudū quantumuis paternū & antiquum exclusis omnibus Agnatis etiam Innocentibus, auferri, neque pactum & prouidentiam primi acquirentis, hoc casu Agnatis commodo & vilitati esse posse.

130. Attamen ne manus dare videatur, latibula quærit, & ad miserorum asylum confugit, respondendo imprimis & negando nostram opinionem esse communem, multoque plures & grauissimos esse Scriptores, qui eam vt nimis iniquam, immanem, barbaram, & ab omni humanitatis ac naturæ ratione alienam reiiciant, alteram autem benigniorem & æquiores amplectantur, nixi textibus in tit. 26. si de feud. def. controuers. sit inter Dom. & Ag. §. Si Vasall. lib. 2.

Secundò in tit. 13. Si Vasall. feud. priuet. lib. 2.

Tertiò tit. 78. Culpam vnius coheredis non prajudicare lib. 2.

Quartò tit. 98. Vasallus habens feudum deliquit contra Dom. lib. 2.

lib. 2.

Deinde

Deinde respondet allegando & trahendo aliquos Doctores inuitos & contrarium dicentes, in suam sententiam.

Tertio quod Doctores nostræ sententiæ adhaerentes limitent eam, vt non procedat in feudis antiquissimis, non vni certæ personæ, sed generi & familiæ, atque ita concessis, vt iure & ordine primogenituræ de vno in alium deuoluantur, maxime verò si accedat simultanea Inuestitura, quam Dux Neoburgicus ante motam Bohemicam Rebellionem, de Electoratu Palatino obtinuit, atq; euentualiter & simultaneè inuestitus fuit, cuius ea sit vis, vt possidens suo ordine & cæcis conditionibus, vasallo non possidenti, vocato tamen suo tempore ad successionem, delicto suo etiam si læsæ Majest. crimen sit, non tantum in paterno, sed nec in nouo feudo nocere possit. Proinde satis pœnæ esse, satq; vltionis S. Cæs. Majestati habere, si videat damnatum cum fratre, & liberis suis dejectum ijs possessionibus, quas retinuisset omni modo, si à crimine, securus aliorum agnatorum innocentiam, abstinuisset, quod satis innuere putat textum in §. *denique*. Quæ fuit pr. c. *ben. amitt. in vocabulo* (saltem) quæ eius natura est, vt restringat & minuat suâ significatione id cui adijcitur, relat. & c. n. 117. 118. & 119.

131. Verum tantum abest, vt hæc leuissimæ responsiones & fuitiles objectiones, nostræ quidquamificent sententiæ, vt ei maius robur & firmamentum addant.

Nam ad textus nostros quod attinet, stant ii vt
Marpesia

Marpesia Cantes immoti, nulla arte elidendi aut prosternendi, generales, nullam distinctionem aut mentionem feudi noui, vel paterni, hæreditarij, aut ex pacto & prouidentia facientes, adeoque generaliter intelligendi iuxta l. 1. §. Et generaliter ff. de Legal. præstand. l. Si quis sic & ibi Alex. ff. solut. matrim. vbi enim lex non distinguit nec nos distinguere debemus, l. de pretio ff. de publ. l. præses ff. de officio præsidis.

Et licet quandoque generalitas legis per eius rationem restringatur, hoc tamen aduersæ sententiæ nihil suffragatur, siquidem ratio decisionis in allegato §. denique (vt hanc habeat saltem Iniuriæ suæ violationem) etiam generalis est, & non minus militat in feudo ex pacto & prouidentia, quod cõceditur familiæ, generi, & de vno in alium, &c. quàm in hæreditario, *Sonsbec. dic. cap. 13, n. 3. Hartm. Pistor. quæst. iur. lib. 2, p. 1. q. 15, n. 31. Fachin. controuers. l. 7, c. 22.* qui egregiè refutat contrarium tenentes.

132. Quòd autem hi nostri textus, qui instar Achillis & ænei muri sunt, generaliter de omni feudo absque vlla distinctione aut exceptione disponant, & sic intelligendi, adeoque Rosenthal & pauci eius sequaces in manifesto errore sint, ex ipso Rosenthal conuincitur, qui quoties in genere de causis priuationum in cap. 10, agit, & omnes amittendi feudi causas refert, frequenter allegat *dic. c. 1. Quæ fuit prima ca. ben. amitt.* nullibi tamen causas priuationis ibi recensitas, ad feudum nouum vel hæreditarium restringit, prout aliàs Iuris in-

controuerſi eſt, Vaſallum ex eiſdem omnino cauſis, quæ memorantur in dic. c. 1. amittere feudum ex pacto & prouidentia, ſeu generi, & de vno in alium conceſſum, quàm hæreditarium.

Quemadmodum ergo principium & omnes ſequentes §§. dicti c. 1. de feudo in genere loquuntur, nec aliter quàm de feudo in genere accipi poſſunt, ita & finem eiſdem cap. in §. denique, de feudo in genere accipere neceſſe eſt; dicta enim in vno capite legis, conſentur tacitè repetita in alio capite eiſdem legis, per Doctrinam *Bald. in l. quoniam 29. §. ult. ff. ad leg. Aquil.*

133. Vnde nimis audacter Roſenthal. concludit. §. c. 11. aſſerit, omnes ibi allegatos Doctores loqui tantum de feudo hæreditario ſeu inſormi, quaſi id ſolum, ob delictum in Dominum commiſſum, excluſis Agnatis ad eundem Dominum deuoluatur: Rem enim aliter ſe habere quilibet ambabus manibus deprehendet, ubi ipſos Doctores legerit: Nam Duarenus ibi allegatus *de feud. c. 17. n. 2.* expreſſè dicit, culpâ in ipſum Dominum admiſſâ, feudum reuerti ſine diſtinctione ad Dominum, ergo non loquitur ibi de ſolo feudo inſormi ſeu hæreditario, ſed de feudo in genere ſine diſtinctione.

134. Sic Andreas Gail. *de pac. pub. c. 13. n. 10. & ſeqq.* expreſſè loquitur de feudo ex pacto & prouidentia, idq; ex culpâ in Dominum admiſſâ, ad eundem reuerti, vt nec pactum & prouidentia primi acquirentis Agnatis commodò eſſe poſſit. Et hanc opinionem eſſe magis

com-

communem, nec ab ea in Iudicando recedendum n. 12. in fin. tradit. Quare falsò est Allegatus à Rosenthal, & à Relatore Neoburgico.

135. Idem dicendum est de M. Antonio Peregrino, qui sinistrè & malè pro contraria sententia allegatur & intelligitur. Et quamvis Mynfingerus, Laurentius Kirchowius, Zasius, Præpositus & Curtius Iunior cum aliquot alijs, non utantur verbis (Ex pacto & providentia) eo ipso tamen eos de feudo pactionato sentire, colligitur, dum loquuntur de feudo antiquo & paterno; atque hanc eorum mentem esse, cuius dicta ipsorum diligentius consideranti, facillè constabit; Et ita etiam Doctores de feudo paterno & antiquo loquentes intelligit Hartman, Pistoris Saxo, à Relatore allegatus in lib. 2. p. I. q. 15.

136. Ut interim taceamus, dictam distinctionem inter feuda ex pacto & providentia, & hæreditaria, à gravissimis Doctoribus rejectam, & omnia feuda, de Iure communi feudali ex sua natura esse, & censi ex pacto & providentia, ita ut filij non succedant patri in feudo, quia ipsius hæredes sint; hac enim ratione & filiarum, quia hæredes sunt, succederent; sed à prima origine feudorum, feuda ita concedebantur, ut ad libitum Domini possent reuocari; postmodum dabantur ad annum; deinde ad dies vitæ Vasalli; demum ad filios ipsius non quidem ut hæredes, sed quia ita erat pactum inter Dominum & Vasallum, ut defuncto Vasallo Dominus debeat concedere feudum filio. quod postmodum Imperator Conradus profecturus Romam, ad petitionem Va-

fallorum, ad Nepotes & descendentes extendit, *ut latius patet ex §. Et quia videmus, de ijs qui feud. dar. poss. lib. I. tit. I.* Ita vt feudum per se ex primæuâ suâ naturâ spectatum, sit ex pacto & prouidentia, prout *Hartman. Pistor. in q. I. p. I. lib. 25. expresse asserit. Et in Camera obseruari testatur Rosenthal c. I. q. 33.*

137. Nullum enim feudum est eius naturæ, vsq; filij & descendentes aliter succedant, quàm ex conuentione inter Dominum & acquirentem, & sic regulariter omnia feuda sunt ex pacto & prouidentia. *Pistor. d. l. Iacob de Beluifo c. 1. de eo qui sibi. Iser. c. 1. n. 9. de alien. feud. pater. Tho. Marin. tit. I. n. 13. & seq. Pinell. in l. I. p. 3. n. 89. C. de bon. matrem. Bursat. cons. 148 n. 28. Vult. de feud. l. I. c. 8. n. 25. vbi dicit, quod successio ex pacto & prouidentia, sit ex lege, & ex contractus feudalis naturâ: In hæreditario feudo autem non ex naturâ, sed ex conuentione; vbi egregiè & fundamentaliter demonstrat, omne feudum dici ex pacto vnum, vulgò ex pacto & prouidentia dictum. Ex pacto quodam hominis & prouisione legis. Alterum verò ex pacto & prouisione solius hominis, aut certè non Juris feudalis.*

138. Accedit quod quidam existimant, in Germania omnia feuda esse hæreditaria, non quidem quod ex sua natura talia sint, sed quod plerunq; Inuestituræ concipiantur pro hæredibus, & sic naturam feudi hæreditarij ex dispositione & prouisione hominis acquirant, retinendo tamen naturam feudi Masculini.

139. Vnde facillimum esset negare Rosenthalio

& nostro Relatori, nos versari in terminis feudi ex pacto & prouidentia, cum secundum communem Doctorum opinionem ea sint hæreditaria feuda, quando Inuestitura est concepta pro Vassallo & eius hæredibus, Constat autem ex Inuestitura à Duce Neoburgico productâ, simultaneam illam Inuestituram esse fundatam super patris hæreditarijs gentilijs (*Erbverbrüderung*) Item his verbis conceptam, Ipsi (scilicet Duci Neoburgico) & eius hæredibus & successoribus; atque hæc simultanea Inuestitura refertur expressè ad primam tanquam Normam reliquarum, tum etiam ad allegata familiæ pacta, & dispositionem paternam.

Vnde satis liquido apparet, Comites Palatinos succedere Iure hæreditario in hoc feudo, cum nemo ex pacto & prouidentia succedat, neque ex testamento, neque ab intestato, sed Iure proprio. *Pistor. d. p. 1. l. 2. q. 3.*

n. 59.

140. Verum his non vltius immoramur, quandoquidem Cæsareæ Maiestatis fundamentum non in natura feudi hæreditarij, sed in clarissimis Iuris textibus est positum.

Liquet ergo quàm malè Rosenthal verba & mentem Doctorum affecutus fuerit, quo in vitio allegandi sæpius deprehenditur, Ideo cæcus, Relatorem cæcum ducit, & vterque in foueam erroris incidit. Vt inde bene moneat dictus Hartman. *Pistor. q. 15. n. 31. sub fin.* aduertendum esse, Doctores applicasse hanc distinctionem feudi hæreditarij, & ex pacto & prouidentia, casui, quando delictum in alium, quàm Dominum fuit com-

missum, ut vix solus sit Rosenthal, qui eam ad nostrum casum ita obstinatè extenderit, ut etiam filios Domino præferat, cuius sententiæ nec ipsum Relatorem, nec Dominum Ducem Neoburgicum habet sequacem; cum ea ratione potiora forent Iura filiorum Friderici proscripti quàm sua; videat ergo quos alleget patronos suæ sententiæ.

141. Et licet Andreas Gail dicat, plurimos esse Doctores, qui putent reatum Vasalli non nocere Agnatis, sed filijs tantum; tamē ij Doctores intelligendi sunt, ut tunc demum Agnatis non noceant, si successio mortuis omnibus descendētibz ad ipsos deferatur, uti And. de Isernia, qui citatur Author primarius contrariæ sententiæ, seipsum sic explicat, quem etiam refert, & sequitur Hartman. Pistor. *ll. q. 15. n. 27. & 32. adducens deinde n. 46. Vers. denique, aliquot Authores præter Iserniam, ut Iacob. de Ardizon. Aluarott. Matth. de Afflict. Bald. Camerar. Freçiam. Capitium, Ioan. Thom. de Marin. Cuiacium.*

142. Quare cum ipse Hartman, Pistoris & alij ab eo allegati, tertiam & mediam sententiam, eorum scilicet qui feudum tantum ad Dies Vasalli & descendētium, Domino tribuunt, hac in parte sequantur, illi non sunt rapiendi in alteram sententiam, nostræ & communis è diametro contrariam; nimirum ut Agnatus statim admitti debeat etiam non expectatâ morte descendētium delinquentis, quæ sententia planè cōmuniter rejicitur. Et quanquam opinio Hartman. Pistoris plus æquitatis & rationis habere videatur, quàm hæc, quæ Agnatos

natos statim admitteret, nihilominus tamen ea omni destituitur fundamento iuris, quam & Rosenthal impugnat *cap. II. concl. 9. n. 10.*

143. Manet ergo inconcussa, communis, & vera sententia secundum quam iudicandum esse, omnium tribunalium est axioma, Gail. *d. c. 13. n. 12.* Et Doctores pro aduersa sententia allati, vel nō sunt fideliter allegati, vel loquuntur in casu, quo bona delinquentis confiscantur, vel cum delictum est commissum in alium quam in ipsum feudi Dominum, vel quando feudi alienatio fuit illicitē facta, vt Rolandus à Valle, Bursatus, Mynfingerus, Menochius, Zasius; vel in terminis alienis à nostro proposito, adeoque nostram quæstionem, Si nimirum Vassallus delictum in personam Domini committat, quod tunc Agnati excludantur, *hī in locis vel non tangunt, vel si tangunt, vt Mynsing. cons. 39. l. I. n. 13. & 17. & cons. 44. n. 27.* communem tamen & nostram sententiam sequuntur, & Agnatos excludunt.

144. Vt autem magis appareat, quàm falso allegentur Authores, vel ex vno Hartman. Pistor. colligitur, quem Relator pro se citat, atque suam sententiam acerrimē defendere ait, cum tamen ipse non Relatoris, sed tertix opinioni manifeste adhæreat, dicendo feudum, commissio in Dominum delicto, aperiri ipsi Domino, sed apud eundem tam diu duntaxat manere, quam diu Vassallus delinquens & eius hæredes masculi supersunt, quibus omnibus extinctis, tum demum feudum ad Agnatos deuoluatur, ita expresse tradit *lib. 2. p. 1. q. 15. n. 32. & seqq.*

145. Mirum proinde est, quâ fiducia hic & alij Dd. potuerint allegari, & applicari ad nostrum casum, de quo vel non loquuntur, vel prorsus contrarium & nobiscum sentiunt: Et licet fortè vnus aut alter Doctor pro Relatore faciat, tamen quia contra torrentem communis & receptæ sententiæ, atque clarissimos textus Iuris nituntur, prorsus non sunt attendendi, sed obseruandum quod Zasius *in l. minime 22, n. 8. ff. de legib.* tradit. Opiniones communes, receptas & Iure fulcitas esse tenendas, etiamsi ex ingenij vel calumniæ vel subtilitate possit eludi.

Quod autem de benignitate suæ sententiæ adfert Relator, nihil ad rem facit; nam & nos eam pro ipso benignam arbitramur, & quæ foret adhuc benignior, si ipsius delinquentis filij non excluderentur, aut si etiam ipsi delinquenti, citra tamē tertij, lus quæsitum habentis præjudicium, parceretur.

Nos autem in tali casu dubio, vbi huic fictæ & imaginatæ æquitati, benignitatique locus, aut benignior interpretatio capienda sit, vt quæ tantum in dubijs obtinet, omninò non versamur; siquidem Iura tam clara sunt, vt contrarium dicere, non sit secundum benignitatem aut æquitatem, sed iniquè & contra legem iudicare, & magis expediat Reip. facinorosos & perduelles condignis pœnis afficere, ne dum illis parcimus, bonos perditum eamus, vt ait, Sallustius in Iugurtha, Plato l. 8. pag. 862. vbi dicit, Reipub. duplicem inde vtilitatem euenire; malorum enim castigatione cæteros à sceleribus reuocari & Ciuitatem profligatis hominibus purgari.

Cui

Cui adſtipulatur Greg. Mag. *lib. 9. Epistol. 9. ad Serenum Maſſil. Epi.* Conſiderate ait, quantum & hominibus execrabile & periculoſum ante Dei ſit oculos, ſi per eum, à quo pleſtenda ſunt crimina, nutriri vitia videantur.

146. Ad alteram Doſtorum limitationem à Relatore ſub num. 94. allatam quod attinet, vt nempe ſententia noſtra locum non habeat in feudis antiquiſſimis, non vni certæ perſonæ, ſed generi & familiæ conceſſis, vt ab vno ad alium, à primogenito ad primogenitum ordine ſucceſſiuo deſoluuntur; reſpõſum jam ſatis eſt, nullum Relatori præbere hanc obiectionem patrocini-um aut effugium.

147. Nam Electoratum Palatinum, potiùs eſſe hæreditarium & non eo modo, vt opinatur Relator, conceſſum, ex ſuperioribus conſtat. **Generi enim conceſſum** id dicitur, ſi totum genus vel familia, & omnes in ea comprehenſi, ſimul & ſemel corporaliter & realiter ſint inueſtiti, & ſpecialiter nominati, vt per *Curt. Junior. in ſ. part. princ. in I. concl.* Non verò vt ſeruetur ordo ſucceſſiuus; Alioqui omne feudum diceretur generi conceſſum, cum ordine ſucceſſiuo, ad quemuis de genere poſſit tranſire, Ita vt ipſe Roſenthal vir aliàs in hac re indulgentiſſimus *in cap. 11. q. 3. n. 2. & 3.* verba illa (**Generi, vel de vno in alium**) nil iuuare doceat, nec etiam Vaſallis ampliùs dare, quam ipſa natura feudi det, vt tranſeat in omnes ex primo acquirente deſcendentes, aut ſit idem, quod feudum ex pacto & prouidentia, id quod ante eum quoq; cenſuit Menoch,

conf. 99. n. 191. & seq. Knichen de vestitur. pact. c. 2. n. 155. & seqq.

148. Doctores autem in eo demùm casu loquuntur, vt vnus alteri in feudo per delictum præiudicare aut nocere non possit, quando quilibet per se, & independenter ab alio censetur, quod in nostro casu dici non potest; alioqui jam dudum expirasset prima Inuestitura super Electoratu Palatino, Cùm moderni Palatini tunc nondum nati, non potuissent inuestiri per se principaliter, & independenter à suis patribus. Gail. autem à Relatore citatus, id non dicit, sed simpliciter citat Baldum hoc non firmantem.

Contrà autem, quod etiam in feudis regalibus generi concessis, delictum vnius, reliquis de genere & familia noceat, expresse tradit Curt. iun. d. p. 5. n. 5, Hart. *Pistor. l. 2. p. I. q. 16. n. 12.*

149. De simultanea Inuestitura, quam denuò repetit, nihil est quod sibi gratuletur Relator; Re enim æquiori trutina ponderatâ, satis apparet, vt suprâ dixim⁹, Duci Neoburgico hanc Inuestituram nihil suffragari, cùm ea hîc non habeat locum, nec ad eum quidquam deuoluatur nisi linea Friderici omninò deficiat, qui casus nondum exitit; deinde diximus varijs modis simultaneè quempia posse inuestiri; videlicet si duobus mox ab initio; aut etiam ex post facto alteri extraneo non descendenti ex primo acquirente; vel etiam Agnato, sed tanquam de nouo feudo per se & principaliter Inuestitura detur; vel si fiat alicui ex Agnatis à primo acquirente descendentibus, qui alias vi primæ Inuestituræ habet

habet spem & Ius succedendi : prioribus enim modis Inuestitus acquirit Ius nouum , posteriori verò in pactū deducit , & conseruat solum id Ius conditionatum & pactionatum quod antè habebat ; vnde tali modo Inuestitus æquè amittit Ius suum & spem, Vasallo possessore in Dominum delinquente, ac si Inuestiturā simultaneam nunquam habuisset.

150. Nec etiam ad rem facit Authoritas Gailij *depac. pub. l. 2. c. 13. n. 2.* Nam ibi loquitur de simultaneā Inuestiturā verā (*Das sie Mitbelehnete seyen*) & eodem Instrumento simul comprehensi , vt possint dicere, se habere *Ein gesambte Hand*. Hic autem nihil simile habetur, sed Dux Neoburgicus est solum inuestitus abusuè in casum, si ei successio deficiente generatione Friderici deferatur, non quod ea abusuua simultanea Inuestitura, quæ inuestito nullam possessionem, neque actionem tribuit, Imperatori nocere debeat, si propter feloniam in ipsum commissam, feudum interea, temporis ad se deuoluatur; nam Dominus in omnibus Inuestituris censetur Ius suum reseruare, nisi ei in specie renunciet. Quod autem hæc simultanea abusuua inuestitura non tribuat Ius in re, nec realem actionem, & sic nihil aliud sit, quàm mera expectantia in casum, si aliquando ei successio ordinaria & legitima deferatur, quam Agnati habent ex Iure communi, expressè tradit Hartman. *Pistor. l. 2. p. 2. q. 20. n. 6. § 26.*

Quare Andreas Gail à Relatore hic citatus; non loquitur de tali expectantia successionis in casum si deficiat linea, qualem habet Dux Neoburgicus, sed de vera simultanea inuestitura vbi duo simul & semel per se

& principaliter sunt comprehensi, quæ dicitur die gesambte Handt / & longè differt ab expectatiua quæ dicitur Ein Anwartsung eines noch vnerledigten Lebens / vti habet Rosenthal *cap. 6. conclus. 40.* nihil igitur iuuat Relatorẽ dictum Gailij extra nostros terminos loquẽtis.

151. Ex eo porro quod Relator sub n. 97. Constitutiones Imperij & recessus de Anno 1521. 1522. & 1548. pro sua sententia, & stabiliendo jure Ducis Neuburgici allegat, satis apparẽt, eum vel Cõstitutiones has non legisse, vel credere, alios non lecturos. Nam optimum Argumentum pro Cæs. Maieft. ex his textibus desumi, suprà deduximus; statuunt enim disertis verbis distinguendo, An Vassallus Rebellionem aut fractionem pacis publicæ in alium quàm in Dominum feudi; vel in ipsum Dominum committat. vt priori casu feudum non ad Dominum deuoluatur; altero autem secundum Iura communia feudalìa res determinetur. Quid autem Iura feudalìa hoc casu statuunt abundè dictum est, nec opus cramben recoquere: Id solum notandum, Relatorem hĩc vltro fateri, hunc casum commissi atrocissimi criminis in Dominum, juxta dispositionem Iuris communis feudalis esse decidendum.

152. Sed cùm causæ suæ deploratæ Relatori timeat, si decisioni Iuris communis feudalis committatur, sub n. 99. & 100. denuò confugit ad Auream Bullam, & dicit, Electoratus omnes cum officijs & dignitatibus suis, atque in indiuiduo Electoratum Palatinum officiũque Archidapiferiæ, esse & manere debere perpetuò penes solum Comitem Palatinum successorem, quodque principatus, & terræ ad Electoratum pertinentes

nentes inseparabili nexu vnita manere ; Item si quis Elector aut eorum filij peccent , in decernendis ijs poenis non ad Ius feudorum, sed ad Auream Bullam recurri debeat.

At huic infirmo Argumento & impertinenti interpretationi Aureæ Bullæ suprâ satisfactû est. Et nouit Relator, tam principatû & ditiones ad Electoratû spectantes cum Iuribus annexis, ad Ser.^{mum} Bauariæ Ducē Maximilianû ex genere, stirpe, sanguine & familiâ Comitum Palatinorum ortum, & cui ab antiquo ante conditam Auream Bullam & expectatiuam Ducis Neoburgici, ex pactis Iuratis atque ab Electoribus Imperij approbatis, Ius fuit quæsitum & semper retentum, fuisse translata, ibique indissolubili & perpetuo nexu mansura, adeoque conformiter Aureæ Bullæ omnia acta & gesta esse.

153. Quod autem ad poenas irrogandas attinet, Annon capite 14. disertis verbis statuit Aurea Bulla, Vt Vasalli malitiosi diffidatores, turbatores pacis, Dominorum inuasores, damna inferentes, consilium & auxilium præstantes, feuda & beneficia eo ipso amittant, infames existant, banno Imperiali subjaceant, & nullus eis ad feuda vel beneficia pateat quocunque tempore accessus vel aditus, sed ea Dominis ipsis realiter & corporaliter assignentur ? Si ergo Aurea Bulla eum qui Dominum inuadit, propter feudum aliàs ad se pertinens, & in quo Ius habere censetur,

feudo ita priuat, vt ei amplius concedi non possit, eaque concessio seu inuestitura viribus non subsistat, vt habetur d. textu. Quanto magis illum priuasset feudo, in quo offensus nullum Ius habet, *arg. a minore ad maius Nicol. Euerh. in top. legalib. n. 1. cum seqq.*

154. An non Fridericus Palatinus Cæsaris Vassallus fuit? An non scelestam factionem contra eum inuivit? imò suscitauit? An non Regnum & Electoratum ipsi vi & armis eripere conatus est? fatebitur hæc vtrique Relator, fateatur ergo, vt eâ fiant, quæ Aurea Bulla in tam scelestos rebelles, proditores Dominorum suorum, violatores pacis publicæ, Imperij, imò totius Christianitatis turbatores statuit, atque adeò ipsum Fridericum huius rebellionis Authorem feuda sua, juxta Auream Bullam, amisisse eaque à Cæsare corporaliter apprehensa, & in Ser.^{num} Electorem Bauariæ optimo Iure translata esse.

155. Si autem Relator neget, Agnatos à feudo ibi excludi, negabimus nos vicissim, hos vigore Aureæ Bullæ admitti; cùm de hoc non reperiat expresse, ac proinde dispositioni Iuris feudalis relictum. Nec procedit Argumentũ ab Autoritate negatiue, *Euerhard. in loc. ab autoritate n. 17.* Quare non sequitur, hoc non est expresse in hac lege, ergo non est expresse in alia, sed potius sic; In hac lege nihil est de hoc casu decisum, ergo est relictus alijs legibus eum decidentibus. Cui accedit quod in omni dispositione casus inopinatus & non cogitatus, intelligatur exceptus. Quis enim vnquam cogitare potuit aut debuit, vt quisquam Electorum non modò contra suum Collegam, sed & Impera-

Imperatorem conspirare & coniurare, eumque & provincias suas ferro ac flammâ perdere, subditos ad rebellionem sollicitare, aliâque similia execranda facinora perpetrare auderet? Hic in mentem venit, quod de Solone scribunt, ipsum nullam in parricidas legem constituisse, eò quod animum eius nunquam subisset, quemquam mortalium fore, qui proprio parenti, à quo vitam habet, suam eriperet. Ita sanè Conditores Anræ Bullæ cogitare non poterant fore, ut unus ex Electorum Collegio, non solum in Collegam sed & supremum Dominum, Caput, atque Imperatorem suum, cuius pars Electores esse censentur, proditoriè arma sumeret, regna ac ditiones eius, nullâ iniuriâ laceffitus inuaderet, Dux & Caput rebellium fieret, quos omni conatu ab his facinoribus nefandis cohibere debuisset. Casum igitur hunc à Iure communi feudali decisum omiserunt, *l. si cum dote ff. solut. matrim.*

156. Videamus ergo nunc, quidnam textus ex Iure feudali à Relatore in suam sententiam erroneam citati, ipsi adiumenti adferant. primus est, *m. c. 1. §. Vassallus culpam tit 26. lib. 2. ibi.* Si Vassallus culpam committat, propter quam feudum amittere debeat, neque filius neque eius descendentes ad id feudum reuocabuntur, sed Agnati qui quarto gradu sunt, dummodo ad eos pertineat.

Sed hic textus non de culpâ aut delicto in Dominum feudi, sed in alium commissio intelligendus est, ut ibi expresse docet gloss. & Schenk in princ. n. 1. Gothofred.

thofred. in lit. q. Præposit. verf. fed quaro ibid. Sonsbeck. de feud. c. 13. n. 5. Ratio autem huius interpretationis est, Quod lex generalior debeat interpretari per specialiozem; in toto enim Iure, generi per speciem derogatur: Cùm igitur habeamus textus speciales, qui statuunt feudum etiam exclusis Agnatis deuolui ad Dominum, quando delictum præsertim tam enorme, in ipsum Dominum commissum fuit, non est recedendũ à textibus illis specialibus & clavis: Cui accedit quod lex vna, aliam regulariter declarat, l. non est nouum ff. de legib. vnde cum textus in §. denique. Quæ fuit pr. ca. ben. amitt. distinguat inter culpam in Dominum, & alium commissam, hic autem textus generaliter & indistinctè loquatur, dicendum omninò est, hunc per illum declarari; idque etiam satis innuitur per verba vltima dicti textus in §. Vassallus ibi (dummodo ad eos pertineat) quorum verborum sensus est; dari casus in quibus feudum non ad Agnatos pertineat, inter quos etiam hic numerandus, si delictum enorme, & atrox in ipsum feudi Dominum committatur, hoc enim casu ad Agnatos non pertinet, sed ad Dominum, per Iura sæpè allegata.

Et quamuis Relator huic responsioni occurrere conerur, dicendo hunc textum loqui de culpâ in Dominum commissâ: Tamen egregiè refutatur à suo Patrono Hartmanno Pistoris, qui *lib. 2. p. I. q. 16. n. 8. verf. Verum enim uero. & n. II.* expressè contrarium tradit; adde Fachin. *lib. 7. controuers. c. 23. verf. quarta deniq.*

157. Secundus Relatoris textus est in tit. 3 l. lib. 2.

Si Va-

Si Vassallus feudo priuatur, cui deferatur, &c. qui sic habet: Vassalli feudum delinquentis, licet ad Agnatos quandoque pertineat, filius tamen ad id nullatenus aspirabit, nisi id iterum à Domino licitè acquirat. sibi gratiam faciente, verbi gratia, si non sunt alij ex latere quibus aperiat, ad eius petitionem admittuntur, qui quarto gradu sunt remoti ab eo, qui id acquisiuit vsque in infinitum, dum tamen hoc cōstet ab eo per masculos descendisse.

Ad hunc textum est expedita, & eadem quidem responsio, sicut ad superiorem; loquitur enim & hīc in casu, cum culpa non in Dominum, sed allum commissa est, eiusque sunt testes, *Præpositus & Schenk. ibid. Sonsb. dic. c. 13. n. 5. Fachin. cap. 22. vers. Etenim quod attinet. Hartman. Pistor. dic. q. 16. n. II. ubi hoc probat.*

158. Tertius textus est in tit. 78. Culpam vnus ex cohæredibus cæteris non præiudicare, lib. 2. ibi, Cum feudum hæreditarium vni ex cohæredibus propriâ culpâ auferetur à paribus per Iudicium, cæteris non præiudicat.

Quartus est eod. lib. tit. 98. Ex delicto Vassalli feudum ad Dominum redire, vbi ait: Vassallus habens feudum deliquit contra Dominum, cui iudicatum

catum est, Agnati cū Domino litigant; Quidam Domino dicunt pertinere, quidam Agnato; Dicimus autem ad Dominum non pertinere, donec aliquis Masculus ex delinquente superest, alij verò contradicunt.

159. Ad hos textus variæ & facillimæ sunt responsiones. Primò enim hæc capitula propterea nullam merentur fidem, quia sunt de extraordinarijs in lib. 4. fragmentorum apud Cuiacium, quæ habentur pro apocryphis & nullius authoritatis, *vt docet Curt. Iun. de feud. 5. part. n. 2. Zas. de feud. p. 10. n. 102. Sonsb. dic. c. 13. n. 3. Fachin. dic. c. 22. Vers. lib. 7. in fin. Gilken. de prescript. c. 10. n. 12. Resenthal cap. 11. conclus. p. n. 18. & 19.* vbi testatur communem interpretum sententiam & in Iudicijs receptam, quod textibus istis & similibus extraordinarijs quoad hoc vt dogma aliquod speciale constituent, fides non adhibeatur; Et ita etiam Cameram Imperialem contra vnum capitulum extraordinarium, ex illo fundamento quod sint habenda pro apocryphis, iudicasse. Ecce ergo quomodo Relator super Arenam & apocryphos textus, qui nullam fidem, sicut & ipse, merentur, sua fundamenta ponit.

Secundò ipsemet Cuiacius collector horum capitulorum, in altero textu tit. 98. in vers. dicimus, expungit negatiuam (non) vt sensus sit, feudum ad Dominum pertinere. *ita attestante Gothofred. ibid. ad lit. k.*

Tertiò textus ipse in tit. 98. in fine, testatur, alios dicere feudum ad Dominum non pertinere, alios autem

tem

tem contradicere, Quibus ergo credendum aut adhærendum?

Quartò hæc duo Capitula inuicem sunt contraria, Nam in cap. 98. negatur, Dominum viuo Vafallo & eius progenie feudo frui posse. In cap. 28. autem id asseritur: Et ad euitandam hanc Antinomiam, Cuiacius, vt diximus, expunxit negatiuam (Non) quam expunctio-nem laudat Hartman. Pistor. *dic. cap. 15. n. 45.* Vulga-tum autem est, ex lege varios intellectus habente, non posse argumentum solidum sumi. *lason. in l. si is qui pro emptore n. 32. ff. de Vfuscap. Zas. in l. mores. n. 26. ff. de Iuris d. am. ludic. ubi refert, prouerbium Bartholi, quod ex lege ambigua non facimus capitale.*

Quintò & vltimò hæc duo Capitula extraordina-ria non exprimunt, de quo delicto sentiant, in Do-minum vel alium admissio: vnde meritò standum & in-hærendum est dispositioni speciali, & disertè distin-guenti inter vnum & alterum delictum in d. §. denique *Quæ fuit pr. ca. benef. & c. 1. An ille qui interf. fra-trem Domini sui.*

CAPVT QVINTVM.

160.

QVandoquidem ergo Relator ad sanio-rem fortè mentem rediens animaduertit, nihil suæ deplo-ratæ causæ patrocinari textus Juris feudalis, Con-stitutiones Imperij, Auræamque Bullam, tandem ad ex-

O 3

empla

empla confugit , & sub n. 101. audacter aſtruit ab eo tempore quo Aurea Bulla condita eſt , haſtenus in Imperio inauditum, ſeueritati legis Iuliz Maieſt. fideles & culpæ omnis ſclerisſque vacuos Principes, fuiſſe expoſitos. E contra verò patrum noſtrorum memoria, poſt proſcriptionem Ioannis Friderici Ducis quondam & Electoris Saxoniz , Mauritium proximum eius, legitimum, & Innocentem Agnatum, ſine vlla Cæſaris contradictione fuiſſe ad Electoratum vnà cum fratre Auguſto admiſſum. Idem aſſerit de eius Ioannis Friderici filio, etiam Ioanne Friderico ſimiliter proſcripto & eius bonis in familiâ relictis. Nec non de Marchionis Brandenburgici Alberti proſcripti prouincijs & ditionibus, quæ ad Georgium Fridericum, non ad Dominum vel ſiſcum delata fuerunt.

161. Sed his & ſimilibus leuioribus & non concludentibus obſectiunculis reſpondemus, non referte quid aſibi agatur, aut præteritis temporibus actum fuerit; Nec etiam exemplis, ſed legibus iudicandum, atque veritatem legum & Iuſtitiæ ſequendam eſſe, ſanxit Iuſtinianus Imperator in l. nemo Iudex 13. C. de ſentent. & interlocut. Cùm nemo Imperatori dicere poſſit, Cur ita facis? vt ait Gail. *lib. 2. obſer. 56. n. 15. ex Bald. in proem. feud. n. 34. Et ideo in eius geſta aut poteſtatem inquirere nefas ſit & ſacrilegij inſtar. l. 3. C. de Crim. ſacrileg.*

162. Deinde negamus rem cum Ioanne Friderico Saxoniz quondam Electore, contra Imperatorem Carolum V. perfidè arma mouente, & proſcripto, ſe ita habere vt memoratur à Relatore.

Nam

Nam Ioannes Sleidanus, vir aliàs Cæsari & rei Catholicæ non fauens, in suo commentario historico de statu Reipub. & Religionis sub Carolo V. lib. 19. fol. 21. editione in fol. scribit, quod dictus Ioānes Fridericus captus, Dignitati septemuirali tam suo quàm liberorum nomine renunciarit, & Cæsari, vt (NB) pro suo statu arbitratu, permiserit. Quibus verbis videtur alludere ad dispositionem Aureæ Bullæ cap. 7. vt nempe de Electoratu vacante tanquam de re ad se & Imperium pertinente, pro arbitratu possit disponere.

Pergit deinde Sleidanus eodem lib. & fol. fac. 2. Bona, inquit, illius (Saxonis proscripti) omnia Cæsar publicat, eaq; donat Ferdinando fratri (Cæsaris) & Mauritio.

Adhuc ergo hiscere audes Relator? Adhuc negare pergis extare exemplum à tempore Aureæ Bullæ, quo Electorum aliquis priuatus fuerit bonis, & Electoratus ad Cæsarem deuolutus?

163. Sed in Mauritium proximum Agnatum, inquit, fuit translatus. Ad hoc respondemus primò, Ioannem Fridericum habuisse fratrem germanum, Ioannem Ernestum, multis annis post, & quidem primum Anno 1553. defunctum, qui proximitate Mauritium longe antecessit: Secundo licet ipsi Ioanni Friderico proscripto frater non fuisset, Attamen Mauritium non ex dispositione Aureæ Bullæ, vel Iuris feudalis, aut vi-gore prætensæ, & à Relatore confictæ alicuius simultaneæ Inuestituræ, aut vlllo alio Iure necessitante; verum

ex liberâ & benignâ Cæsaris voluntate, & illi ex Aureâ Bullâ concessâ potestate, in Electoratu successisse, testatur historicus in verbis jam allegatis. Ne autem optimum & iustissimum Cæsarem Carolum quintum id temerè, aut absque ratione egisse quis existimet, addit idẽ Sleidanus in l. 20. pag. 347. vbi de translatione Electoratus in Mauritium Saxonem, & Inuestiturâ solenni more peractâ narrat, quòd aliqui Principes, inter quos erat Albertus Bauariæ Dux, nomine Mauritij Cæsarem adierint, ac demissè rogarent, vt Mauritio, publicum Imperij beneficium, & insignia principatus conferret, Cæsar, recum Electoribus comunicatâ, per Electorem Moguntinum responderit, quoniam vterque (*Mauritius & eius frater Augustus*) fidelem operam sibi nauarint, velle se Mauritio eiusque liberis Masculis, aut si nulli sint, Augusto fratri, eiusque liberis Electoratum Saxoniae, & Ioannis Friderici possessiones omnes conferre, nisi quantum ipsius liberis antè sit concessum. Haftenus Sleidanus: cui adstipulatur, eandemque rem & totum Actum, in quo dignitas Electoralis Mauritio Saxoni collata fuit, narrat Mameranus Lucemburgus rei gestæ tunc præsens, his verbis:

164. Cùm Henricus Dux Brunsvicensis,
nomi-

nomine dicti Mauritij, Electoralem dignitatem vnà cum nonnullis Dominijs, quæ antè Ioannes Fridericus Dux Saxonix possedisset, à Cæsareâ Maiestate peteret, eam consilio cū Electoralibus habito, per Electorem Moguntinum adrogata respondisse, quòd sua Cæs. M.^{ras} perpensis & consideratis seruitijs (NB) quæ Dux Mauritius eiusque frater Dux Augustus, suæ Maiestati, & sacro Imperio præstitissent, benignè prompta & parata sit, quæ peterentur præstare. Deinde infrà: cōparente ipso Duce Mauritio, & Electoratum coràm petente, Cæsarem per Electorem Moguntinum iterum respondisse:

Respectis & consideratis ipsius Ducis Mauritij, eiusque fratris Augusti (NB) fidelibus, diligentibus & multis seruitijs, suæ Maiestati, & sacro Imperio exhibitis, huc motā esse suam Maiestatem & paratam, ac procliuem esse, ea quæ peterentur, præstare. Ergo non ex debito, vigore Sanguinis & Agnationis, sed intuitu meritorum & fidelium seruitiorum collata fuit Electoralis dignitas Mauritio. Idem Ludouicus ab Anila de Bello Germanico lib. 1. testis etiam rebus gestis præsens scribit, nempe, Regem Ferdinandum & Ducem Mauritium fœdus inijsse, vt viribus

con-

coniunctis Electoris Saxoniae (rebellis & proscripti) ditiones inuaderent, easque postea NB. exacto, inter se diuiderent. Quod sanè Mauri-
rius minimè iniuisset, si casum delicti sub dispositione
Aureae Bullae comprehendi, atq; proinde Electoratum
cum bonis & ditionibus annexis, sibi soli ut proximo
Agnato ex lege deberi, existimasset.

165. Quare ex hac rei serie luce clarius apparet;
Exemplum Ioannis Friderici Saxonis Electoris nihil
prorsus ad sententiam Relatoris facere, quinimò no-
stram, & gesta Inuictissimi Imperatoris Ferdinandi quasi
in terminis, si exemplis iudicandum sit, ita confirmare,
ut eum à vestigijs Maiorum, ne latum quidem vnguem
~~recessisse existimes. Primo enim Carolus Imperator~~
proscripto Ioanne Friderico Saxone Ius liberum de E-
lectoratu disponendi sibi vindicauit. Vindicauit & sibi
Ferdinandus II. Imperator, proscripto perduelle Fride-
rico Palatino.

166. Secundò Carolus Cæsar principatus, ter-
ritoria, districtus inter Executores Banni, Regem Ferdi-
nandum fratrem, Mauritium & liberos Ioannis Frideri-
ci proscripti partitus est; partitus est & Ferdinandus Cæ-
sar principatus, territoria, & districtus Friderici Palatini
inter Executores Banni, Agnatum suum Regem Hispa-
niæ, Electorem Moguntinum, Maximilianum Bauariæ
Ducem, Archiducem Leopoldum, Episcopum Spiren-
sem, relictâ, nisi proscripti pertinacia obstitisset, liberis
eius bonorum parte.

167. Tertiò Carolus Cæsar Electoralem digni-
tatem

tatem Saxoniz, cum annexis territorijs ac ditionibus (exceptis ijs quæ filijs dicti Ioannis Friderici & alijs erant assignata) non nisi ob fidelem operam & præstita seruitia, Mauritio & Augusto Agnatis proscripti contulit. Contulit & Ferdinandus Cæsar Electoralem dignitatem Palatinam, cum annexis territorijs ac ditionibus (exceptis ijs quæ alijs destinata erant) ob fidelissimam, sumptuosissimam, & cum quouis Heroe comparandam, constantemque operam, & præclara seruitia, Maximiliano Bauariæ Duci, Agnato proscripti, & Ius ab antiquo etiam ante conditam Bullam Auream habenti.

168. Quòd si ergo Aurea Bulla hunc casum ratione Successionis Successorum, juxta corruptum sensum Relatoris comprehenderet, & Electoratus ob delictum in Imperatorem feudi Dominum commissum, non vacaret, ut de eo pro arbitrio disponendi Imperatori potestas sit, sed ex necessitate legis in proximum Agnatum deferretur. Sanè neque Carolus Imperator religiosissimus, liberum sibi de Electoratu Saxoniz statuendi arbitrium vindicasset, neque Mauritius territoria & ditiones sibi Iure Agnationis debitas, partiri passus fuisset; quin potius Ius ex Auræ Bullæ sibi debitum asseruisset; cum nemo maximè in arduis præsumatur jactare suum, l. cum de indebito ff. de probat. c. per venerabilem, ext. Qui filij sint legitimi. Ideoque hinc satis constat Relatorem longè à vero aberrare, dum dicit, nullum à tempore Auræ Bullæ extare exemplum, quo Electoratus ob delictum ad Cæsarem deuolutus sit; quin potius ex his gestis Caroli V. & translatione Electoratus Saxonici euincitur, primò Auream Bullam in capite

7. vbi de vacante Electoratu agitur, intelligendam esse, vt supra monuimus, tam de casu extinctæ & finitæ familiæ, quàm de casu delicti & felonix in Dominum commissæ, vt eam explicat Gerlacus Buxdorsius in dissertatione ad Auream Bullam dic. c. 7. innuens ad hoc ipsū exemplum proscripti Ioannis Friderici Saxonis. Secundò quòd sæpè dicta Aurea Bulla tam in cap. 7. quàm 20. & 24. & passim, vbi de successione secundum Ius & ordinem primogenituræ familiarum Electoralium tractat, hunc casum, quo ob enorme delictum Electoratus ad Imperatorem deuoluitur, non comprehendat, sed dispositioni Iuris communis feudalisi relinquat. Ita vt adductum exemplum nostram sententiam quàm maxime confirmet, Relatoris autem refellat.

169. Quod autem Relator addit, Cæsarem tunc temporis monuisse Mauritium & eius fratrem Augustum, vt Iuris ad se delati rationem haberent, nec paterentur se præueniri; id, si tamen verum est, potius pro Cæsare facit, & arguit, dictos fratres Saxones nihil Iuris habuisse ad Electoratum, sed eos ex abundanti Cæsaris clementiâ ac benignitate monitos, tandemque Electoratu ex gratia, atque intuitu præstitæ operæ & meritorum donatos fuisse: Si enim Ius habuissent, neque opus fuisset adhortatione, quia in re propria nemo præsumitur obliuiosus & suum negligere; neque ab alijs potuissent præueniri. Et prorsus ex contingentia facti cuenit, quòd excluso fratre Ioanne Ernesto, Mauritius & Augustus fratres, proximi Agnati Ioannis Friderici fuerint, & simul fidelem operam Cæsari præstiterint, cuius intuitu magis, quàm proximitatis Agnationis Electoratum,

vt ex historia patet, gratiose & non ex debito consecuti sunt. nec enim per hoc, quod Cæsar proximiori Agnato contulit, libertati & liberalitati eius quicquam detractum est, cum & non Agnato, si collibuisse, dare potuisset. Quare ideo Electoratus ad Mauritium deuolutus est, quia Cæsar sic voluit; si noluisse, Mauritius Elector non fuisset, nec Cæsar ei fecisset Iniuriam vtendo Iure suo; Voluit autem quia Mauritius dignus erat, pro remuneratione meritorum, id beneficium ab Imperatore præ alijs accipere.

170. Alia duo exempla de Ioannis Friderici Saxonis, & Alberti Brandenburgici filijs, eorumq; bonis ad fiscum non delatis, sed proximis Agnatis relictis, nihil enuncunt, nisi quod Cæsar vsus fuerit clementiâ summâ erga filios & Agnatos Innocentes; At inde non sequitur; modernum Imperatorem Ferdinandum ad eandem clementiam, gratiam & liberalitatem Friderici Palatini, Agnatis & Duci Neoburgico exhibendam ex necessitate astringi, iuxta notam regulam Juris; quod ea quæ alicui gratiose conceduntur, ab alijs non debeant trahi in exemplum, multò minus in Ius & consuetudinem, vt opinatur Relator. *cap. Quod alicui gratiose* 74. *ext. de Reg. Iur. l. quod contra ff. eodem.*

171. Vt taceamus, fractionem pacis Ioannis Friderici Iunioris fortè non fuisse principaliter contra ipsū Cæsarem, sed ad recuperanda amissa; quo in casu feuda Agnatis non auferuntur. Deinde quid vritur Relator hoc argumento, nec in forma, nec in materia concludente? cum, si eo exemplo iudicandum esset, Dux Neo-

burgicus à fratre & filijs proscripti Friderici omnino excluderetur.

172. Et tandem, licet etiam nullum exemplum in Imperio pro confirmandâ nostrâ sententiâ communi extaret, (cuius contrarium tamen supra ostendimus) nihil ex eo concluderet Relator; tùm quòd argumentum per se sit irrelevans, tùm quòd fortè nullum exemplum talis poenæ extet, quia nullum extat tam enormis culpæ; quis enim tam horrenda vnquam perpetravit in Cæsarem, sacrumq; Romanum Imperium criminat?

173. Sub num. 106. & sequentibus, aliâ se pelle vestit Relator, vulpeculam agit, adulando mordet, & mordendo adulat. Dum enim gloriosissimum Imperatorem, quem alias ob iniquitatem, duritiem, inclementiam, & tactam integram publicam criminatur, demulcerè studet; quasi per sub: & obreptionem atq; inhiatione potentium inductus, concesserit ea quæ non erant concedenda, clanculum mordet Ser.^{num} Electorem Bavariz, quasi Electoratu iniquè inhiasset; per opportunitatem, sub: & obreptionem Electoratum impetrasset, atque ipsi Inuestitura tantùm prouisionalís, & ad dies vitæ facta; Duci verò Neoburgico, per eam concessionem nullum præiudiciu allatum fuisset.

174. Talis nimirum horum hominum genius est & ingenium, vt, cum ratione, iure & solido fundamento nihil efficere possunt, figmenta congerant, atque furij agitati, alios Innocentes calumnijs & obrefectionibus onerent. Vacauit, & ad Cæsarem deuolutus est Electoratus Palatinus cum annexis Iuribus, bonis & ditionibus, ob atrocissimū perduellionis crimen in suam

Cæs.

Cæs. Maieſtatem, & ſacrum Imperium Romanum à Fri-
 derico commiſſum, Iure feudali ita diſponente: Diſpo-
 ſuit de eo pro arbitrio, Cæſar, tanquam de re ad ſe, & Im-
 perium legitime deuolutâ, Aureâ Bullâ ſic ſtatuentem.
 Tranſtulit deinde Electoratum liberè, re tamen per du-
 os & amplius annos maturè deliberatâ, conſilio cum E-
 lectoribus communicato, annuente, quinimò ſagitan-
 te Summo Pontifice, inſtantibus & approbantibus Ro-
 mani Imperij Principibus, quin etiam exteris Regibus
 & Ducibus (vno Duce Neoburgico excepto) hoc enixe
 poſtulantibus, omniumque bonorum applauſu, in Se-
 reniſſimum Bauariæ Ducem Maximilianum, & totam
 ſtirpem Bauaricam, meritis ſuæ Serenitatis vniverſo or-
 bi notis, Agnatione & Iure ab antiquo familiæ compe-
 rente, aliſque grauiffimis cauſis, Cæſarem ad hoc im-
 pellentibus, prout latiùs patet ex diplomate, & literis
 Inueſtituræ.

175. Nulla hîc Electoratus ambitio, nulla ſub:
 & obreptio, nulla potentium inhiatio, aut ſi vlla fuit,
 non Duci Bauariæ, ſed alijs, qui adhuc palàm ambire E-
 lectoratum, Cæſari ſub: & obrepere, atque inhiare alio-
 rum Iuribus non ceſſant, adſcribenda eſt; nulla facta
 conſeſſio, quæ fieri non poterat & debeat; nihil contra
 Ius actum; nihil prouiſoriè, & ad dies vitæ conſeſſum;
 nihil Iuris Duci Neoburgico reſeruatum; nihil etiam
 ablatum aut imminutum; quia nihil hoc caſu compe-
 bat. Non enim videtur rem amittere, cuius propria non
 fuit; vt reſpondit Papinianus in *l. non videtur 43. ff.
 de Reg. Iuris, quia priuatio eſt eius cuius eſt poſitio. l. 4.*

ff. de acquirend. hered. vbi Gothofred. ad lit. S. Nec potest dici priuatio ubi non est habitus; l. bouem. 43. §. 9.

ff. de ædilitio Edict. Sed omnia ratione, Iure, legitime, consulto & mature acta, deliberata, iudicata, & executioni mandata fuere; quibus turbulentorum ingeniorum reclamations, calumniæ, aniles & inanes querelæ, nihil obesse, nec rem Imperiali culmine decisam & iudicatam infringere possunt. *l. 5. C. de re iudic.* Quandoquidem nec impetrata rescripta admitti debere, si decisæ semel causæ Iudiciali sententiâ fuerint, sed eos qui talia rescripta meruerunt, etiam à limine iudicij repelli debere, statuit Constantinus Imperator *in l. fin. C. sententiam rescindi non posse.*

176. Quod autem in 100. & seqq. de remun-
randis & compensandis eorum meritis, quorum consilio, ope & virtute Cæsar sua recuperauit, & quod ob id Innocentes nullo damno, Iniuria & vituperio affici debeant, nihil ad rem præsentem facit: Nam ad nausæam dictum ac demonstratum est, Duci Neoburgico in hoc casu, quo ob Vassalli rebellis enormissima delicta in Dominum commissa, feuda amissa sunt, nihil penitus Iuris ad Electoratum competere, sed Imperatori liberum fuisse, de eo, tanquam re ad se legitime spectante dispo-
nere, ac proinde cum Cæsa. Maieſt. non plenitudine potestatis, sed ordinario remedio & suo Iure vsa sit, nihil est quod de Iniuria aut damno sibi illato Dux Neoburgicus conqueratur, cum Iuris executio nullam habeat Iniuriam, vt respondit Vlpianus *in l. Injuriam 13. ff. de Iniurijs.*

Calumnijs & maledictis suis addit etiam minas Relator sub n. 112. nempè quòd si secus fiat ac ipse existimat, metuendum omninò sit, ne fortè alij Principes & Ordines sese opponant, & noui alicuius tumultus & incendij materiam præbeant, nunquam admissuri vt Electoratus, Principatus, Ducatus, &c. sibi ob alienam culpam, nullâ præuiâ Iuris cognitione, ex solâ plenitudinis potestate eripiantur.

177. Sic cornua tollit contra Imperatorem Relator; sed vanæ sunt sine viribus minæ, & satis vel ex hoc conijcere licet, quàm inquieti ac turbulenti homo Ingenij sit Relator; meretur enim alios suo pede, existimans, cum ipse ad tumultuandum & alienis inhian- dum sit pronus, duræ & pertinacis ceruicis, ac suo nimium fidens cerebro, Imperij Principes, Iustitiæ, tranquillitatis & pacis publicæ cultores eiusdem esse farinæ, & sibi adhæsurus. At fallitur, non habiturus suæ proteruiæ, pertinaciæ & temeritatis ad stipulatores, multò minus adjuutores, cum nihil hîc ex plenitudine potestatis, nihil contra Ius & fas, aut in alterius præjudicium factum, sed omnia consultò, præuiâ Iuris cognitione, viâ ordinariâ, secundum Iustitiæ tramites & morem in Imperio receptum actitata, decisa & iudicata, atque ab Imperij Electoribus Principibusque approbata sint.

178. Ad ea porrò quæ Relator à n. 113. vsque ad n. 135. de prohibita rerum feudalium, restitutiononi subiectarum, & onere fideicommissi affectuum alienatione, amissione, confiscatione, & An Vassallus per delictum graue in Dominum commissum, Agnatis præjudicare, & feudum ad Dominum offensum deuolui iure possit.

possit & debeat, molestâ tautologiâ & repetitione recoquit, nō est quod denuo respondeamus; cū id abundē factum sit, & satis supérque demonstratum, nullam hīc versari quæstionem, de fideicommissis aut bonis restitutionis oneri subiectis, nec etiam de confiscatione bonorum, sed de feudo non ad fiscum, verū ad Dominum directum, ob enorme perduellionis crimē in eum perpetratum, exclusis Agnātis deuolutum. Vnde veritas rei, & falsitas sententiæ Relatoris eiūsque allegationum, ad hanc rem impertinentium luculenter patet. Nec animus nobis est contra verbosum verbis contendere. Id tamen prætereundum non est, quod Relator sub n. 124. præter morem suum & fortè etiam voluntatem, verissimè scribit, his verbis: *Quòd Electoratus Palatinus integer ad eum venire debet, qui in euentum mortis, seu quod idem est, deficientis lineæ de eo est inuestitus.*

179. Hoc enim est quod suprà monuimus, & tam ex Aurēâ Bullâ, quàm Ducis Neoburgici simultaneousē, abusiua Inuestiturâ demonstrauius, vtramq; loqui tantummodo de successione in casu mortis, seu deficientis lineæ alicuius per mortem: qui casus si euenisset, nemo est, qui Duci Neoburgico resisteret, eiūsque successionem impugnaret. Quia ergo Duci Neoburgico nullum lus succedendi competit, nisi in casum mortis & deficientis lineæ Friderici. Quæ ratione potest dici ipsum Innocentem puniri, & priuari iure suo cum nullum habeat? gratias proinde in hoc passu Relatori habemus, quòd aliquando nostræ sententiæ & veritati accesserit.

Redit

Redit Relator iterum ad textum §. denique. Quæ fuit pr. ca. benef. amitt. (qui tamen ipsius jugulum petiit) & nouam comminiscitur interpretationem: quasi vi illius textus non Agnati, sed solum filij & descendentes excludantur, & feudum ad Dominum pertineat, non vt sibi retineat, sed vt ipsum concedat Agnatis ex latere, qui sunt vltra quartum gradum, vt saltem hanc habeat Iniuriæ suæ ultionem. Hoc enim verbum (saltem) restringere & minuere sua significatione, id cui adijcitur.

180. Sed quàm torra, inepta, & absque fundamento hæc sit interpretatio, patet primò ex eo, quòd dictio (saltem) eam habeat significationem, vt sit idem, ac si diceret (ad minus) & ita sensus horum verborum sit; Licet debuisset Domino alio modo succurri, si autem non possit, fiat saltem hoc modo; quâ ratione etiam Cicero loquitur in Epist. ad Atticum 138. ibi, Eripe mihi, aut saltem minue dolorem. Et Aul. Gell. lib. 12. c. 14. Fuit ergo mens confarcinatoris illius capituli. Cum Domino feudi, qui omnia alia sibi à Cliente & beneficiario suo polliceri potuerit, decepto, & graui offensione lacessito, ea suppliciorum genera (quæ, cum quis in Principem peccat, locum habent) concedi non possint: vt saltem in hoc ei subueniretur, vt reciperet id quod dedit, atque ita hoc saltem modo, recipiendo iterum feudum, Iniuriæ suæ habeat ultionem; Vnde hæc vocula (saltem) non minuendi, sed supplendi causa adjecta est. *Fachineus lib. 7. controuers. c. 22. vers. Nec ille modus. Gilken dic. c. 13. n. 206.*

Secundò malè interpretatur & cauillatur Relator

text; in allegato §. denique Quæ fuit pr. ca. ben. am.
 quasi ibi tantum excludantur filij & descendentes, si feloniam in Dominum sit commissæ. Nam textus huic similis in §. I. *An ille qui interf. frat. Dom.* expressè de Agnatis mentionem facit, eos excludendo, ibi, Quia tamen erga Dominum non fuerit facta feloniam, ad Agnatum proximiorum pertinet; Cum autem ad Dominum respicit feloniam, feudum tunc Domino aperitur. Quid clarius, quid dilucidius scribi possit, non video. Cum ergo unus textus alterum interpreteetur, citra cavillationem dici non potest, §. denique, solummodo loqui de filiis & descendentes, sed de omnibus Agnatis. Nam ait, ~~ad proximos eo casu pertinere feudum~~, quando feloniam est commissæ in Dominum, dummodo patrum sit; quasi diceret, si patrum est, pertinet ad Agnatos; si novum, ad Dominum. Idque etiam aperte confirmat glossa. *ibid. in verbo, ad proximos, & 2.*

182. Ut demum Relator nihil quod ad confusionem questionis & suam facit, hic intermittat, atque relationem suam, quam à calumnijs conuitijs, & maledictis coepit, ac persecutus est, pari stylo finiat, verbis falsis, & obtreptatorijs subdit; quasi Cæsarea Maiestas Electoratum Palatinum pro compensatione, & refusione sumptuum bellicorum à Serenissimo Bavariæ Duce Electore factorum, in eum transtulerit, & quod in Imperio hoc non solum inusitatum, & nullo exemplo comprobatur, sed etiam constitutionibus Imperialibus

bus & ordinationibus. Camera p. 3. tit. 89. improba-
rum, atque statutum sit ut si; proscripti patrimonium ad
refectionem sumptuum, & expensarum in executione
banni Imperialis factarum non sufficiat, tunc omnes
circu ad instantiam Executorum congregati, conueni-
ant inter se; & sumptuum refundendorum æquabilem,
habitâ proportionem singulorum, incant rationem, &
omnes ad solutionem teneantur; Serenissimo Bauariæ
Duci autem, & reliquis, qui hac in parte præ alijs strenui
fuerunt; fortunæque meliore vti sunt, loco mercedis
longè maximæ sit, Cæsaris fauor, Imperij, nominis &
famæ laus sempiterna, eoque magis decora & illustris,
quantò minus inhiant alienis Iuribus, quibus sine Iniu-
ria & læsione aliorum potiri se liberè, quietè & pacificè
non posse perspiciunt, &c.

183. Os planè indomitum, & cerebrum helle-
boro, imò malleo dignum, quod tam imprudenter &
malitiosè comminisci, atque impudenter effutire non
erubescit, ea, de quibus nec Cæs. Maieft. nec Electori
Bauariæ quidquam in mentem venit. Nam Electoratus
Palatinus ex mero beneplacito & arbitrato Cæsaris, at-
que alijs maximis, justissimis que de causis, ut suprà dixi-
mus, in Bauariæ Ducem & eius inclytam familiam trans-
scriptus fuit, nullâ sumptuum bellicorum habitâ ratio-
ne aut mentione: Ita ut hoc nihil sit aliud, nisi Relatoris
callidum & malitiosum figmentum, existimantis si Ele-
ctori Bauariæ sumptus bellici aliunde possint refundi,
ille Electoratu cedere, & Dux Neoburgicus succedere
debeat.

184. De sumptibus bellicis pro Cæsareâ Maie-
state

itate erogatis, conuentum primò fuit inter eam & Bavarie Ducem, ipsique bonis hypothecæ obligatis ita cautum, vt ijs, nisi refusus prius sumptibus, cedere non teneretur: verum de Electoratu obligando, aut in suam Serenitatem transferendo, tunc nec cogitatum quidem fuit, quia non vacauit, nec Cæsari de eo disponendi potestas competijt. Vbi autem bannum in Fridericum Palatinum perduellem latum, Electoratusque cum Iuribus, bonis & ditioribus annexis ad Cæsarem delatus fuit, vt de eo, juxta Auræ Bullæ ordinationem, iterum prouideretur & disponeretur: cogitare tunc Cæsar, consilia inire, cum alijs, cum primis verò Electoribus communicare, & re, per biennium ac amplius penitissimè perspectâ, expensâ, deliberatâque in Bavarie Ducem Maximilianum & eius gentem transferre crepuit: nihil tunc de sumptuum refusione, nihil de Electoratu æstimando, vendendo, aut compensationis loco dando cogitatum actumque esse nouit Cæsar, norunt Electores, illique omnes qui rei gestæ adfuerunt.

185. Et tantum abest vt de hoc quidquam actum aut effectum sit, quin potius Elector Bavarie expensas pro Cæsare factas repetijt, & pignori suo postea magis quam ante inhæsit, illudque in sextum vsque annum tenuit, donec ei à Cæsare, juxta pacta conuenta, ratione sumptuum bellicorum ita satisfactum fuit, & nihilominus vnâ cū alijs Imperij Electoribus, Principibus & Statibus, qui Cæsareæ Maiestati fidelem & constantem contra Rebelles operam nauarunt, pro sua parte expensas aliquot Myriadum fecit, atque etiamnum facit.

186. Quis igitur fidem adhibeat homini, falsa pro veris scienter obtrudenti? nemo certè veritatis a-

mans, sed omnes æqui rerum arbitri judicabunt, culpam & vitia, quæ de ambitu atque inhiatione Electoratus alijs impingit, in eos qui necdum ambire desinunt, redundare; neminem quippe, vt opinor fallit, ex quâ pharetrâ hæc tela deprompta, & in quo cerebro, hæc Argumenta sint nata. Ad Constitutiones Imperij & Ordinationem Camerae quod attinet, suprà ostendimus, eas nihil omninò pro Relatore facere, sed potius nostram sententiam confirmare. Nam in Constitutionibus de Annis 1521. 1522. & 1548. sub titulo de pœnis fractorum pacis, sicut etiam in ordinatione Camerae Imperialis *p. 2. tit. 9.* So semands Hoch; oder Nidern. vers. Auch die Lehen/te. disponitur: Quòd si quis fractor pacis publicæ existat, non tamen in Dominum, à quo feudum habet, delictum committat, ipse proscribatur, bona eius allodia publicentur, feudalialia verò, donec vixerit, aut offenso reconciliatus fuerit, ad Dominum deuoluantur: Si verò fractio pacis, & crimen in Dominum feudi perpetratum sit, id dispositioni Juris communis feudalis, statuentis, vt feudum Dominus habeat in ultionem Iniuriæ suæ, relinquitur.

187. Et quamuis *in part. 3. ordinat. Camerae tit. 40. §.* Im fall aber/ dispositum sit, In casu quo bona, proscripto eo vsq; se non extendunt, vt ex illis sumptus, ad executionem banni, erogati, non possint solui, tunc reliqui Circuli ad instantiam executoris debeant inter se conuenire, & sumptuum refundendorum æquabilem rationem inire. Tamen hoc nihil ad præsentem questionem; primo quia in dicto §. nihil disponitur de feudalibus

dalibus bonis, quid de hys tali casu fieri debeat: quando quidem alibi, vt dictum est, de hoc sufficienter est prouisum. Secundo, quia non versamur in terminis refundendorum sumptuum; sed an ob turbatam pacem publicam, & crimen perduellionis atrocissimum in Dominum admissum, feudum Electoratus Cæsari aperiatur, de quo nihil in hoc titulo dispositum reperitur. Tertio, quia de expensis, in executione banni à Serenissimo Electore Bauariæ factis, inter Cæsarem & ipsum Electorem singulariter conuentum est, nec vlla de hoc amplius quaestio vel difficultas, nec opus cæteros Circulos pro refusione expensarum compellare.

Vt hinc satis appareat, Relatorem per impertinentes discursus & allegationes, nil nisi latebras & tenebras querere, vt instar fraudulentæ Mercatoris, falsas merces in obscuro & confuso obtrudere possit.

188. Simile ferè effugium est sub n. 139. quod nempe Electoratus Palatinus cum terris, dominijs, iuribus & pertinentijs ad Agnatos spectans, contra Auream Bullam, Iure, & vi belli ab hostibus non potuerit extorqueri. Hoc enim est principium petere, & id quod probandum erat, nempe Electoratum Palatinum hoc casu, enormis & horrendi facinoris in Cæs. Maiest. feudi Dominum commissi, ad Agnatos pertinere, in propositione pro certo ac probato assumere. Cecidit Fridericus Palatinus in Dominum Rebellis, Electoratu & omnibus feudis suâ culpâ: proscriptus fuit; bonis suis per sententiam priuatus, tanquam perduellis & hostis Cæs. Maiest. atque Imperij: Inuasor alieni Regni, & fractor pacis publicæ: deuoluta fuerunt eius feuda, Iure sic dispen-

te, ad

te, ad Imperatorem, vt de Electoratu iterum prouidere possit & debeat. Supererat ergo & rationi, Iurique tam communi quàm constitutionibus Imperij, ac ordinationi Cameræ consonum, vt ea sententia, ne esset elusoria, executioni mandaretur; quod ob pertinaciam condemnati aliter, quàm vi armatâ juxta ordinationes & modum executionis in Imperio receptum, fieri non potuit. Atque ita Imperator lacessitus & pœne coactus, hoc bello contra Fridericum proscriptum & Rebelle suscepto, Electoratum Palatinum cum ditionibus, & prouincijs annexis, sibi de Iure ob commissam feloniam apertum, realiter apprehendit, atque postmodum in Baviariæ Ducem meritissimum, cum totius Reip. Christianæ applausu transtulit; vt ita disponente Iustitiâ, dignitas Electoralis iterum in eam familiam, cui ab antiquo debebatur, sed contra Ius, fas & Iurata pacta adempta fuit, postliminio reuerteretur; ibique volente Diuino Numine, liberè, quietè & pacificè, licet Relator & eius affectu reclamant, obstrepant ac etiam insaniant, aternum permanebit.

189. Ex supra deductis igitur, cuilibet æquo rei arbitro luculenter cernere, inio manibus deprehendere, & iudicium ferre, perquam facile est: Ea omnia quæ Relator contra Cæs. Maieft. Serenissimum Baviariæ Electorem, aliosque Imperij Electores ac Procères, quorum consilio, suasu & auxilio, Cæsar in eo negotio usus est, temerario ausu confinxit, & maledico calamo vulgauit; nullo rationis, Iuris, æquitatis, aut probabilitatis fundamento niti, sed satis superque confutata esse; atque idcirco Relatorem modestiæ nescium, pudoris ignarum,

turba-

turbulentum obtreſtatozem vt habetur in l. vn. C. ſi quis Imperatori maledixerit. nomina Principis petulanter laceſſuiſſe, nec non Bauariæ Electori, multa à vero longè aliena, per calumniam imputaſſe, & meritò expectaturum quod Honorius & Theodoſius in l. *ultima C. de Calumniatoribus* reſponderunt, Quisquis crimen intendit, non impunitam fore nouerit licentiam mentiendi, cum Calumniantes ad vindictam poſcat ſimilitudo ſupplicij.

190. Contrà verò, quæ pro aſſerendo optimo Iure Cæſaris; de Electoratu Palatino, ob atrociffimum perduellionis Crimen per Fridericum proſcriptū commiſſum, ad ſe liberè deuoluto, atque in Bauariæ Ducem, cuiusq; familiam iuſtè ac legitimè translato, ſcripta ſunt, ex apertiſſimis & ineuitabilibus Iuris textibus, Aurcâ Bullâ, Imperij Constitutionibus, ordinatione Cameræ, rationibus ſolidis, grauiffimis Doctorem Authoritatibus, Maiorum exemplis & more in Imperio recepto, ita probata, demonſtrata & firmata eſſe, vt ſummam Iuſtitiæ diſtributiua, de ſtatuendis in facinorofos & Reip. Rebelles condignis pœnis, atque erogandis in bonos, fideles, optimè que de Cæſare & Imperio meritos, debitis præmijs, ſanctè & inuiolabiliter à glorioſiſſimo Imperatore obſeruaram eſſe, nemo æquus dubitare aut contradicere poſſit; ac proinde nihil dubitandum, quin Imperium ſeditioſis & rebellibus ſic purgatum, fidis que ſuffultum columnis, diuino aſpirante Numine inconcuſſum ſit permanſurum.

Ad maiorem DE I Gloria, atque Sacri

1713

Romani Imperij ſalutem.



